



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**


Դու կարող ես.


պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material





Հրատարակ. Թիֆլ. Բնկ. Հայերկան Գրքերի Հրատ.

№ 57

Գ. ԱՊՐԵԼ 1892

ԵՐԿՈՒ ՔՈՅՏ

Դեղուածութեան

Երկու պահագութեան



Թ. Գ. Լ. Ս.

Հարակի. || Տիպ. Մ. Շարաձե.

1892

891.99
Ա - 44

Անդր
644

48

Հրատարակութ. Թիֆլ. Բնակ Հայերէն թրքէրի Հրատ.

Բնակերութեան հետեւեաշ հրատարակութիւնները վա-
սառվում են Բնակերութեան գրասենեակում և կենդ-
րնական գրավաճառահոնում.—

Առ. Կ.

1	Թաւամազ մեղու, թարգմ. օր. Կ. Տէր-Մար-	— 40
	կոսեան	
2	Կարմիր լապտեր, թարգմ. օր. Կ. Տէր-Մար-	— 50
	կոսեան	
	Նոյնը առանց կազմի	— 30
3	Թովմաս եղաօր ամակը, թարգմ. օր. Կ. Տէր-	— 60
	Մարկոսեան	
	Նոյնը առանց կազմի	— 45
4	Մանկական երգեր, գամառ-Քաթիպա	— 25
	Նոյնը առանց կազմի	— 15
5	Մորեխ և նրա ջնջելու հնարիները, Հ. Տէր-	— 10
	Բարսեղեանի	
6	Առողջապահական ընթերցանութիւն, նեղ	— 10
	և խոնաւ բնակարանների մասին, Հ. Ա-	
	ռաբելեանի	
7	Սրբոյ Հօրն մերոյ Մովսիսի Խորենացւոյ	— 80
	Պատմութիւն Հայոց,	
8	Փոքրիկ ձեռնարկ գործնական անտեսու-	— 50
	թեան Մօրիս Բլօքի, Գոմագրու Ա. Պա-	
	սանեանի	
9	Թօբինդոնի պատմութիւն, թարգմ. Գիւտ	— 60
	Քահ. Աղանեանցի	
10	Գամառ-Քաթիպայի բանաստեղծ. (ապառ.),	— 50
11	Ուխտաւորք, գործ Ալիչելմ Հասովի	— 75
12	Գառնուկ եւ Լուսատիկ, Վեպեր Քրիստա-	— 25
	փոր Շմիդտի, թարգմ. Կուարդ.	
13	Սայեաթ-Նօվա, աղջային երգիչ	— 5
14	Ծննդեան պատմութիւնը եւ Մայիսեան	— 10
	տօնը Գինլանդիայում	
15	Ագաթանցեղեայ պատմութիւն	— 1 —
16	Գիւղական Խալիֆայ, Ա. Արարատեանցի	— 50
17	Վանայ Սագ. Դ. Շերենցի	— 75

№ 57

ՃՃ JUN 2005

ԱՐ

Ա Վ Ե Ց Ե Ա Ն Յ

ԵՐԿՈՒ ՔՈՅՑ

ԵՐԿՐՈՐԴ ՏՎԱԳՐՈՒԹԻՒՆ



Թ Ի Գ Լ Ի Ս

Ծպարակ Մ. Չարաձե. || Տիգ. Մ. Շարաձե.

1892

ԱՐԱՋԻՆ ՄԱՍՆ

Дозволено цензурою, Тифлисъ, 20-го Июля 1892 г.



644-2009

(5199-50)



Типографія М. Шарадзе, Николаевская ул., 21.

18640.

Ա.

Ես տասներկու տարեկան էի և գիր էի
սովորում Նա գիւղի քահանալի մօտ: Մէկ
ամառնալին շոդ օր էր: Երկու հատ տանձի
ծառեր կալին տան ետևը. նրանց մէկի ստւե-
րում տէրտէրն էր նստել և սաղմոս էր քա-
ղում, իսկ միւսի տակ ես էի դասս սովորում:
«Բարձր կարդա», հրամալում էր ինձ տէրտէ-
րը, նկատելով, որ երեսս է միայն գրքի դի-
մացը, իսկ ուշք ու միտքս գետումն էր, ուր
ալդ ժամանակ լողանում էի բոլոր իմ հասա-
կակից տղայքը: Ես քթիս տակ մռմռում էի,
իսկ աչքիս տակովը տէրտէրին էի մտիկ
տալիս, որ տեսնեմ երբ պիտի քունը տանի,
որ ես օգտւեմ ալդ հանգամանքից ու փախ-
չեմ գէպի գետը:

Նինջն արդէն սկսել էր իջնել տէր-
տէրիս վրայ ու յոյս կար, որ գլուխը գը-
նել տար բարձի վրայ, հէնց ալդ ժամանակ
մօտ եկաւ մեզ անծանօթ մի երիտասարդ,
տէրտէրի աջը համբուրեց և այնպիսի մի բան

ասեց, որից տէրտէրիս քունը փախաւ և երեսի գոյնն աղալւեց։ Երևում էր, որ երիտասարդը նրան մի խորհրդաւոր գաղտնիք էր լայտնում այնքան ցածր ձայնով, որ ես չըլսեմ։ Այս բանն աւելի ևս զգացի, եթե տէրտէրն ինձ հրամայեց, որ երթամ ճաշելու։ Այս կընշանակէր ցանել ինձ, որ ներկայ չըլինիմ երիտասարդի խոստովանութեանը։

Ես վեր կացայ և քալերս ուղղեցի դէպի տուն, բայց հետաքըքըրութիւնս այնքան սաստկացել էր, որ ուզում էի անպատճառիմանալ թէ ով էր այդ անձանօթը և ինչ էր խօսում տէրտէրի հետ։ Դատ չանցաւ, անձանօթը հեռացաւ տէրտէրից և եկաւ ընկաւ իմ առաջը։ Ես ընկայ նրա քամակից և քալերս արագացնելով սկսեցի զննել նրան ոտքից մինչև գլուխ։ Մի վայելչակազմ երիտասարդ էր նորաբոյս բեխերով ու մօրուքով, խոշոր աչքերով ու խիտ ունքերով։ Մի գեղեցիկ հրացան ուներ, որ արծաթարանդ լինելով վառվուում էր, անդրագարձնելով արևի ճառագալթները։ Արծաթարանդ էր և ատքանակը, որ խրած էր արծաթի քամարի տակ, որից կախ էր արած և արծաթապատ խանջալը։ Այսպիսի զարդարանք չեն ունենում օրական աշխատանքով ապրող գիւղացի երի-

տասարդները, այլ նրանք միայն, որոնք հընձում են առանց ցանելու, կամ ոչ ցանում և ոչ հնձում են, այլ եա զսմաթ, ասելով մի գիշերային ճամպորդութիւն են անում իբրև զբուանք և առատ գրպաններ որսում մուժանտառներում։

Երիտասարդն ամենևին ուշք չէր դարձնում ինձ վրայ և կարծես չէր տեսնում, որ ես որսորդի շան պէս պտըտում էի նրա չորս կողմով ու քիչ էր մնում ոտքի տակն ընկնիմ։ Այսպէս շարունակւեց մեր քալերը մինչև հասանք գիւղի ծալը։ Այստեղ միայն նկատեց ինձ անձանօթը և հարցը։

— Դու ուր ես գնում, բայս ջան.

Ես պատասխանեցի կակաղելով թէ ուր եմ գնում։

— Դէ հիմա լետ դարձիր, ասաց, գնա տէրտէրին ասա՝ գայ ինձ հաղորդ տայ, ես այստեղ կսպասեմ։ Այս ասելով դուրս եկաւ ճանպիցը և հրացանը վայր բերելով՝ նստեց։

Այս առաջարկութիւնն ինձ այնքան անտեղի թւաց, որ ես խօսք չըգտայ պատասխանելու։ Ողջ-առողջ մի մարդ, հաղորդել է ուզում, այն էլ գիւղից դուրս, ճամպի վրայ. այս ինչ է նշանակում արդեօք, մտածեցի ես,

առանց կարողանալու որ և է առիթ են-
թագրել:

—Գնա, ապրես, գնա, կրկնեց երիտասար-
դը, և նկատելով իմ զարմանքը, աւելացրեց.

—Ես հեռու տեղ պիտի գնամ. ով գի-
տէ՛ ի՞նչ կըպատահի ճամպին. դրա համար
ուզում եմ հաղորդւիլ:

Ես հաւատացի և յետ դարձայ, բայց հա-
զիւ երեք թէ չորս քայլ էի արել, ետևիցս
թնդաց հրացանը և ես բոլոր մարմնովս ցընց-
ւելով՝ վեր թռաւ ինչպէս գետնին զարկւած
մի ռէտինի գնդակ: Յետ նայեցի և երիտա-
սարդին տեսնելով թէ ինչպէս էր կռւում
մահւան հետ, ճանկուտելով չորս կողմի հողն
ու խոտը, աչքերս մթնեց ու ես վայր ընկայ:

Բ.

Աշունք էր: Մի անտառուտ ձորամի-
ջում մեծ խարոյկ էին վառել ութ գիշեր-
եզնարած, որոնք մինը քան զմիւսը կոպտա-
տարազ և քաջառողջ երիտասարդներ էին:

—Տտէք, ի՞նչ սազ կըգայ էս կրակին, ա-
սեց նրանցից մինը, ընդհատելով հասարակաց
զըւարձախօսութիւնը:

—Մէկ մեծ խոզ, որ խանձենք սրա վրայ,
ասեց մինը և կրկնեցին բոլոր միւսները:

—Լաւ իմացաք, համաձայնեց առաջար-
կողը և աւելացրեց. ով կուզի՝ գնալ խոզի...

Պատրաստակամութիւն ամենքը յախնե-
ցին: Առաջարկողը երկուսին հրամալեց որ գնան
խոզ բերեն, երկուսին էլ, որ գնան խաղող
քաղեն, երկուսին էլ, որ գնան, կաթսայ,
ջրաման և աղ ու հաց բերեն: Խոզն ու խա-
ղողը պիտի գողանալին, իսկ միւս բաները ի-
րանց տներիցը պիտի բերէին: Արա համար էլ
գլխաւորը գնացողներին հետեւել հրահանգը
տուաւ.

—Խոզի դունչիցը կըբռնէք ու խ-
կոյն պինդ կըկապէք, որ ձայն ըլհանէ
և խոզարածներին չըզարթեցնէ: Խաղողը թա-
թոսի բաղիցը կըբերէք. ծոցները հողով
լցրէք, որ եթէ բաղւանչին առաջներդ դուրս
գայ, իսկոյն աչքերն ածեցէք: Հացի ու ա-
մանի գնացողները էլ էնպէս պիտի գեղը
մտնէք և դուրս գաք, որ ոչ մի շուն չը
հաչի ձեզ վրայ, ոչ մի մարդ չըտեսնի:
Դէ՛, Աստւած կանչեցէք, գնացէք:

Գողութեան գնալիս Աստւած կանչելու
սովորութիւնը շատ հին է: Մի ժամանակ
գողերն էլ են ունեցել իրանց զանազան և

պլաշտպանն Աստւածը: ✓Գալիք ու գողի զսմաթըն էլ է Աստւած տալիս, ասում է առածը: Մի խողի դունչ կապել, որ ձայն չըհանէ, կամ այգեպանի աչքերը հող ածել, դըրանք այնպիսի կատակներ են, այնպիսի խաղեր, որոնք ամառը կատարւելով ձմեռը դառնում են պատմելու նիւթ զանազան աւելւածներով ու գաւեշաներով...

Այս անմեղ գողերի գլխաւորի անունը Արգուման էր: Սա ամենից փոքրն էր, բայց ամենի սիրելին էր և ամենից խելօքն ու ճարպիկը: Սա իր մօտ պահեց և ամենից մեծին, Խաչատրուրին, որ արդէն հասակ առած մարդ էր և ջահիլութիւն անելու անյարմար: Արգումանը սրան իր սրտակից բարեկամն էր համարում ու իր սրտի խորհուրդը միայն սրան էր տսում: Երբ տղէքը գնացին, Արգումանը մի խոր մտածութեան մէջ ընկաւ: Աւագն այս նկատելով, ասեց.

— Եսօր քեփըդ տեղը չի, Արգուման, ինչք վրայ ես մտածում:

— Ի՞նչ ասեմ, Խէչօ, պատասխանեց Արգումանը. — գիշերս մէկ էրազ եմ տեսել, սաղօրս դրա վրայ եմ մտածում, թէ եարար ի՞նչ պիտի պատահի:

— Իէր ըլի, ասա, տեսնեմ ի՞նչ ես տեսել:

— Երազումս մի սիպտակ ձիու վրայ նրատած էի: Ենպէս մի ձի էր, որ աստղերի հետ էր ուզում խաղաղ: Եարազըս կապել էի, ամեն սարք ու կարգս վրաս էր: Գիւղի առաջին խաղացնում էի ձիս, ամենքն էլ ինձ էին մըտիկ տալիս, ինձ էին թամաշա անում: Զիս քար ու խոլ չէր հարցնում, ուր ասես թըռչում էր: Նատերը բզաւում էին. կամաց քըշիր, մի՛ քշիր, վէր արի, վէր կընկնիս: Նըրանց ականջ չէի դնում: Հէնց այս ժամանակ նկատեցի, որ մի քանի հարս ու աղջիկ, Հէրիքնազս էլ նրանց միջին, ճանալի դրազին կանգնել, ինձ են մտիկ տալիս: Ես որ տեսայ, աւելի տաքացալ. ձիուս գլուխը բաց թողի: Զիս թռաւ, էլ չէկարացի գլուխը բռնել...

— Յետոյ, ուր գնաց ձին.

— Զին քօռացնաւ, թէ աչքերն արնով լցւեց, ճամպէն ծռեց, ու շիփ շիտակ ընկաւ աղջկէքանց մէջը: Երկու հոգի ընկան ձիու տակը, ձին գլխի վրայ տնկւեց, ես էլ բերանքսըվէր գետնին փուեցի: Սրա վրայ զարթեցի: Ի՞նչ կասես, սա լաւ նշան չի: Զիու տակն ընկնողը Մարիամն ու Հէրիքնազն էին: Աշկարա էրեւում է, որ ես մուրազիս չըպիտի հասնեմ:

— Ի՞նչ ասեմ, օրը գիտէ: Նատ անդամ

մարդ վատ էրազ էլ է տեսնում, բայց եթէ օրը բարի է լինում, էրազն էլ բարին է կատարւում: Չեն ասում, թէ ում որ մեռած տեսնես, շատ կապրի. կամ՝ որ թուրք տեսնես—սուրբ է, թէ որ տէրտէր տեսնես—սատանայ է: Բայց դիմ սուտ, Աստւած ըղորդ: Ինչ որ լինելու է, էն կըլինի. էրազին շատ չըպէտք է հաւատաս ու սրտումդ դարդ շինես, մտածես...

Եթէ Խաչատուրը մի քիչ աւելի զարգացած լինէր, կարող էր աւելացնել, որ երազից նախապաշտելով՝ մարդ կարող է մոլորդիլ և եթէ հաւատում է, որ պիտի մեռնի, կարող է հիւանդանալ և ապրելու յոյսը կըտրելով՝ մեռնիլ: Տկար մարմնի մէջ դեռ էլի կարող է առողջ հոգի լինել, բայց տկար հոգի ունեցող մարմինը երբէք առողջ լինել չի կարող: Ես հաւատում եմ սակայն, որ կան բացառիկ հոգիք, որոնք իրանց գլխի գալիքը տեսնում են երազի մէջ:

Շատ չանցաւ, գիւղ գնացողները եկան: Բոլոր պատիրածները բերել էին, նրանց հետ նաև մի կապոց, որ դրին Արզումանի առջև:

Արզումանը բաց արաւ ծրարը և նրա միջից հանեց մի եփած չաղ հաւ և մի քանի հատ գաթա: Նա իսկոյն իմացաւ, թէ ինչ

տեղից պէտք է լինի ալդ, և թէև շատ ուրախացաւ, բայց այսու ամենայնիւ սաստիկ բարկացաւ, որ իր պատւէրը ճիշտ չեն կատարել:

—Տղէք, դուք մեր անունը պիտի խայտառակէք, ասաց նա, բարկանալով: Ես ձեզ ասեցի՝ էնպէս պիտի մտնէք գիւղը, որ ոչ մի կատու, ոչ մի շուն չիմանայ, ձեզ ինչպէս գտան, որ էս բաներն ուղարկեցին:

—Աստուած, երկինք, Արզուման, ոչ մի հոգի, ոչ մի շունչ չի տեսել մեզ: Մենք ամեն բան վեր կալած նեսունց տան կշտովն անց էինք կենում, մէկ էլ տեսանք մժնումը, չափարի տակին մի շրւաքի պէս բան է երեւում: Մօտեցալ տեսալ էրեսը ծածկած մի հարս: Մաքումս ասեցի, հրէս որտեղ որ է, կըփախչի. բայց նա վէշքիցս բռնեց ու էտ տըւաւ ինձ: Ես իսկոյն գլխի ընկայ, որ քեզ համար է: Հարցրի, ասեցի՝ դու Մարիամն ես. նա գլխով արաւ.—էս Արզումանի համար է. նա էլի գլխով արաւ ու փախաւ...

Արզումանը գլուխը կախ գցեց ու քթի տակին վինթփլնթաց—էրազ, էրազ...

Սյս միջոցին հրացանի ձախներ լսւեցին: Տղէքը վեր թռաւն տեղներիցը և կասկածելով սկսեցին իրար հարցնեն, թէ չըլինք իրանց

ընկերների վրայ արձակւեցին այդ մարդասպան գործիքները, և հարկաւոր չէր արդեօք գնալ օգնութեան, բայց հէնց այդ ժամանակ խաղողի գնացողները եկան: Իրանց հագուստներից յարմարագոյնը խուրջին էին շինել և խաղողով ու խնձորով լցրել, գցել ուսները: Բեռները ցած դրին, և քրանած երեսները գդակներով սրբելով նստոտեցին կրակի շուրջը:

— Տղէք, ոչով հօ չըտեսաւ ձեզ, հարցրեց Արզումանը: Տղէքը պատասխանեցին շնչարգելւելով լոգնածութիւնից.

— Բաղւանչին տեսաւ... Վայ էն տեսնելուն, որ նա տեսաւ, իր մահը տեսաւ, աշխարհքը գլխին մթնեց, մեզ չըճանաչեց:

— Չըլինք թէ խեղճի օրը սեացըիք...

— Զէ, չէ, մի ծիծաղ էր, ծիծաղ. դեռ էսալէս խելօք բան չէինք արած: Մտանք բաղը թէ չէ, առաջ ուղեցանք բաղւանչուն գտնենք ու լետոյ մեր բանը տեսնենք: Գնացինք դադին մտիկ արինք, տեսանք էնտեղ չի. դէս ու դէն ընկանք, տեսանք վերի մեծ խնձորքի տակին քամակի վրայ պառկած խռըմփացնում է: Մենք էլ էս կուղէինք: Մագօին ասեցի, դէ հիմի դու դնա արխալին բաղը քաղիք. ես սրան կըսլահեմ: Մագօն դնաց, ես խանչալս հանեցի, բաղւանչու գլխավերելը

կանգնեցի մահւան հրեշտակի նման: Բաղւանչիս բաւական ժամանակ խոր քնի մէջ էր, մէկ էլ՝ էրազ տեսաւ, թէ խըշխըցն ընկաւականջը, մօծակները զոռեցին, թէ լըւանը կծեցին, մէկ ել տեսնեմ սա ժաժումաժ է գալիս: Զէ, տեսայ որ գլուխն էլ է ուզում բարձրացնի, ես խանչալս գլխավերել պսպղղացը: Բաղւանչիս մահն առաջին տեսաւ թէ չէ՝ քաղցը քնի մէջ մտաւ, աղւէսի նման սուտմեռուկ էլաւ: Մագօն իր բանը որ պըրծապւ, բաղիցը դուրս եկաւ, ինձ շըւացըց: Մենք կիսաճանպի էինք, որ բաղւանչին նոր վեր կացաւ, քամակներիցս թւանք գցեց. մէկէներն էլ նրա ձէնի վրայ իրանց թըւանքները գարտկեցին...

Խոզի գնացողները նոյնպէս եկան: Արանք էլ իրանց արածները պատմեցին, և շուտով մորթեցին խոզն ու խանձեցին, ոչ մի հետք չըթողնելով կրակի շուրջը:

Արզումանը ոչ մի բանի ձեռք չէր տալիս, ոչինչ չէր խօսում, միայն երբ որ խոզը մաքրեցին և կտրատելու վրայ էին, առաջարկեց, որ մի ազդեց կտրեն իրան տան և թողնեն երթալու գիւղը: Տղէքը հասկացան նրա միտքը, և խկոյն կատարեցին նրա խնդիրքը: Արզումանը, իր բաժինն առնելով՝ ճանապարհ

ընկաւ ոտքով գէպի մի աննշան խրճիթ, իսկ
երևակայութեամբ՝ գէպի Մուհամմէդի եօթ-
ներորդ երկինքը:

9

Դ. գիւղի վերի թաղումը մի տուն կար
բոլորովին կղզիացած միւս տներից։ Այդ տան
չորս կողմովը բաւական բարձր չափար էր
քաշած, որ պարսպի ամրութիւն ունէր, և,
ինչպէս ասում են հեքիաթներում, թռչունն
իր թևովը, օձն իր փորովը, չէին կարող ներս
թափանցել։

Ժամանակով մեծ տուն էր այդ տունը։
Մէկ անգամից ութիննը օրօրոց էր օրօրում
այդ տանը, չորս ու հինգ թոնիր հաց էր
թխուում Աստուծոյ օրը։ Երկու գութան էր
գուրս գալիս այդ տանիցը, վացսուն գլուխ
կով ու գոմէշ էր կթւում։ սուրբով ոչխար-
ներ, բօլուկներով խոզեր, ելխիներով ձիաներ
էին պահում։ Այդքան ապրանքի կառավա-
րութեան համար ոչ մի վարձկան ծառայ չու-
նէին։ Տասը եղբայր էին, որդոց ու թոռների
տէր, որոնց թիւը հասում էր մինչև եօթա-
նասունի։ Բայց երբէք չէր պատահում, որ

դրանք ամենքը միասին մի սեղանի վրայ գտնըւին, միասին իրանց նահապետի չորս կողմը շարւին։ Մի քանի հոգի տարւալ մեծ մասը սարերումն էին անցկացնում, ուր պահում էին իրանց ոչխարի հօտերը, խոզարածները իրանց խոզերի հետ էին թափառում, տանում էին այն տեղերը, ուր նրանց համար կերակուր էր գտնըւում, թէկուզ այդ տեղը տասն օրւայ չափ հեռու լինէր իրանց գիւղիցը, տաւարի համար էլ նոյնպէս հեռաւոր տեղերում ունէին իրանց ձմերոցները, վար ու ցանք անողները նոյնպէս դաշտերումն էին կատարում իրանց գործը։ Այս հանգամանքը այն վատ՝ կողմն ունէր, որ վալենութեան մէջ էր ձգում նրանց, հեռու պահելով տնական և հասարակական կեանքից, բայց միւս կողմանէ այն լաւութիւնն էլ կար, որ տան բոլոր անդամները իրարից հեռու մնալով, միշտ միմեանց կարօտ էին քաշում և միմեանց հետ սիրով մնում։

Ակագին մեծութիւն ունէր տան շինութիւնը, և եթէ շէն չըլինէր, մտնողի վրայ սարսափ կըլեռէր լիեցնելով հեքիաթների մէջ եղած դէւերի բնակարանները:

Հարիւր երեսուն տարեկան էր, երբ մեռաւ այս տան վերջին նահապետը, և ինքը



Յօթ երանելու պէս ականատես էր իր բոլոր
ժառանգների և հարստութեան կարճ միջո-
ցում ոչընչանալուն, և Յօթի պէս Աստուծոյ
փառքը բերնից ըլպակսեցրեց մինչև մահը:
Ես շատ անգամ եմ տեսել այդ նահապետին:
Յակօթ էր անունը և նրան տեսնելիս՝ միշտ
հրէից Յակօթ նահապետին էի երեակալում:
Նատ անգամ եմ համբուրել նրա ձեռքը և
նա ինձ օրհնել է: Նրա օրհնութիւնը շատ
անգամ խորհրդաւոր միտք էր ունենում և ինձ
վրայ մեծ տպաւորութիւն էր գործում: Սուրբ
էր համարւում դրանց օջախը, և սովորութիւն
կար գիւղումը, որ նորապսակ հարս ու փեսա-
յին եկեղեցուց դուրս բերելուց յետոյ, կրտա-
նէին դրանց օջախը համբուրելու: Չոքում էին
նորապսակները, օջախի քարից համբուրում, և
ծերունազարդ Յակօթի օրհնութիւնն ստանա-
լով՝ գնում էին իրանց մուրազին հասնում:

Ահա այս տանից մնացել էին երկու աղ-
ջիկ միայն. մեծի անունը Մարիամ էր, փոք-
րինը՝ Հերիքնազ: Մարիամին մի զարաքազցի
մարդ ուզել էր և տան փեսալ դառել, Հերիք-
նազին էլ նոր պիտի ուզէին: Սրանք մեծ
տանը չէին բնակում, այլ մի փոքր սենեակում:

Մարիամը շատ սիրուն էր, Հերիքնազն
աննման էր, — երկու հիւրի-փարի: Մարիամն

ուզում էր Հերիքնազը տալ Արզումանին,
որովհետև, տեսնում էր, որ քրոջ աչքը նրա
վրայ էր: Արզումանը նոյնպէս մեծ օջախի
որդի էր, բայց այժմ իր մօր մինուճարն էր:
Նա չունէր ոչ մի հարստութիւն, այլ միայն
մի անվեհեր սիրտ, որ շատ անգամ ի չարն
էր գործ գնում: Ատելով ատում էր հարուստ-
ներին, որովհետև նրանք յափշտակել էին հայ-
րական ունեցած չունեցածը իր անչափահաս
ժամանակ: Զըկարողանալով յետ ստանալ հայրա-
կան հողերը, աշխատում էր վնաս տալ նրանց
ինչքան որ ձեռքիցը կը գար, իսկ ձի գողա-
նալը իր համար շինել էր մի անբուժելի ցաւ:
Ուրիշ բաներն ուրիշների էր գողանալ տալիս,
իսկ ձիաները միայն ինքն էր գողանում: Զընա-
յած այս բանին, նրան ամենքն էլ սիրում էին,
շատերը երկիւզից, կեղծաւորութեամբ, որ
իրանց մի վնաս չըտայ, շատերն էլ անկեղծ
սրտով, և շատ անգամ ասում էին. «Մի ձի
չի, մենք գիտենք որ դու ես տարել, բայց
քո չարին փոխ ըլլի»: Սրա պատճառն այն էր,
որ եթէ մի քանիսին վնաս էր տալիս, բայց
և շատերի համար էլ իր գլուխը յետ դրած
ունէր, նեղեալներին և չքաւորներին օգնում
էր ինչով որ կարող էր: Պէտք է այս էլ ասեմ,
որ գողութիւնը, աւազակութիւնը այս գիւ-

զացոց մէջ մի պախարակելի և անսովոր բան չէր, մի ժամանակ ամենքն են եղել աւազակ, նոր էր սկսել գողութիւնը նըւազիլ: Արաստանի հոգեվարք ժամանակ սրանք դարաբաղից եկել էին երկիրը պաշտպանելու, և պաշտպանում են եղել տաճկի, պարսկի և լեգուդէմ պատերազմելով, բայց խաղաղ ժամանակ էլ աշխատելու անսովոր լինելով սկսել են շրջակայ խաղաղ ժողովրդին կողոպտել: Մինչեւ այսօր էլ այս գիւղից դուրս են գալիս նշանաւոր աւազակներ, ինչպէս վերջերումս Արքամ Տէր-Անդրէասեանց, որ իր արհեստն սկսել է տասնըշորս տարեկան հասակից, չընալած, որ ոչ մի կարիք չունէր, լինելով մեծ և հարուստ օջախի որդի:

Պատ

Կէս գիշերը մօտ էր լրանալու: Լուսինը մի նիզակաչափ բարձրացել, և արեգակի ճառագալթները գողանալով սփռել էր մի անկողնու վրայ: Այդ անկողինը մի սրահի մէջ էր, որ ուղիղ դէպի արեւելք էր նախում: Նախընթաց գլխի մէջ լիշւած ցանկապատի մէջն էր այդ սրահը և Մարիամն ու Հէրիքնազն

էին նոյն անկողնու մէջ պառկած: Քընի հրեշտակը տարածել էր նրանց վրայ իր թևերը և շատ քաղցը երազների մէջ էին նրանք այս ըոսկէիս:

Մարիամի ամուսինը՝ Շամիրը, որ իր բոլոր կեանքը որսորդութեամբ էր անց կացնում, այժմ քաղաք էր գնացել, իր աշխատութեան պտուղը տնական կարիքների հետ փոխանակելու: Նա հրացանը երկու գնդակով լցրել, կախել էր կնոջ մօտ և խստիւ պատւիրել, որ մի անհաւատարիմ ոտք ներս մտնելուն պէս, իսկոյն գնդակահար կործանւի: Երկուսն էլ, թէ Մարիամը և թէ Հէրիքնազը բաւական վարժ էին այդ բանումը, բայց Հէրիքնազն արդէն սկսել էր գերազանցել Մարիամին: Երբ որ իմանում էր, թէ այս ինչ նշանի խփելու խալաթը Արգումանն է ստացել, Հէրիքնազն այդ օրը մի տասն անգամ աւելի էր կրկնում իր փորձը իր դրած նշանին զարկելով: Դրացիները կարծում էին, թէ Շամիրը կը լինի այդ փորձն անողը. Շամիրը միշտ գանգատւում էր, որ վասօդը պակասում է, բայց չէր գլխի ընկնում, որ Հէրիքնազն էր նրա վասօդի գողը:

Լուսնի շափաղը Մարիամի երեսին ընկնելով զարթեցրեց նրան, հէնց այդ ժամանակ մի ոստիւնի ձայն հասաւ ականջին: Ար-

զումանն էր, որ չափարի վրալից թրբմփաց:
Մարիամը փոքր ինչ ահ զգաց, ձեռքը մեկ-
նեց դէպի հրացանը, բայց մէկ էլ մտածեց,
որ Արզումանը կըլինի, որին սպասում էր իր
սիրտը, թէև չէր պատահած ոչ մի անգամ,
որ գիշերով նրան հիւրընկալած լինի: Շտա-
պով հագաւ շորերը և նստեց տեղի մէջ: Ար-
զումանը գիտէր Շամիրի բացակայ լինելը, այս
պատճառով համարձակ առաջ գնաց և Մա-
րիամին տեսնելով «բարի իրիկուն» ասեց:

— Արզուման, դու Ես, հարցուց Մա-
րիամը, որպէս թէ լաւ չընանաչելով:

— Ես եմ, պատախանեց Արզումանը:

— Եդ ի՞նչ ունիս ձեռիդ:

— Ոչինչ, մի քիչ միս է, մի քիչ էլ խա-
ղող ու խնձոր:

Մարիամը վեր կացաւ իսկոյն, ձեռքիցն
առաւ բերածը որ տանի տեղաւորի, պատի-
լելով՝ որ Հերիքնազին չըզարթեցնի:

Հերիքնազը զարթել էր տրդէն և սուտ
քունն էր դրել իրան, գլուխը եօրդանի մէջ
թաղելով:

Արզումանը նստեց անկողնու մօտ մի
կթոցի վրայ իբրև աթոռի: Նայելով եօրդա-
նին, սաստիկ նախանձում էր նրան, որ իր
սիրուհուն այնպէս փաթաթել և անջրպետել

է իրանից: ✓ «Ես դեռ մի վերմակի չափ երջան-
կութիւն չունիմ», երևի ասում էր նա իր
մտքումը: Նրա երևակալութեան առջև եօր-
դանը, դօշակը, բարձը, մահճակալը և մինչև
անգամ շրջակայ պատերն ու քարերը ոգի
առած՝ որն ուրախանում և որն էլ տնագ
էր անում: Եօրդանը տնագ անողներիցն էր
անշուշտ:

Մարիամը տեղաւորեց Արզումանի բե-
րածը, յետ քաշեց կրակի անթեղը և խան-
ձողների ծալրերն իրար մօտ բերելով կրակը
վառեց: Մի քանի ըոպէ չանցած՝ ձըւաձեղ
շինեց և երկու շամփուր խորոված: Արզու-
մանը շատ ասեց, թէ ախորժակ չունիմ, հաց
եմ կերել, նեղութիւն մի քաշիր, բայց ան-
կարելի էր, որ Մարիամն իր ուզածը չանէր:

— Դէ որ էդպէս է, ասաց Արզումանը,
քըռջդ վեր կայրու, թող նա էլ գայ հաց ուտի:

Մարիամը համաձայնութեան ժպիտ ցոյց
տւաւ, գնաց ներսը շոր վուեց, ճրագ վառեց.
սուփրա գցեց, Արզումանին ներս կանչեց նըս-
տեցրեց, իսկ ինքը գուրս եկաւ, որ քըռջը
զարթեցնէ:

Արզումանը ներս գնաց թէ չէ՝ սուտ
քնած Հերիքնազը գլուխը բարձրացրեց, բայց
չուզեց վեր կենալ: Արզումանը աւելի ամօթ-
չուզեց:

խածութեան վերագըելով այդ բանը՝ լռեց,
բայց հալալ հաց էլ չըկերաւ: Նա աւելի լաւ
էր համարում Հերիքնազից մօտիկ քաղցած
նստել, քան թէ նրանից հեռու առատ սե-
ղանի վրայ: Շուտով դուրս եկաւ և իր առաջ-
ւայ տեղը նստեց: Մինչև Մարիամը սուփրան
կըհաւաքէր, Արզումանն աչքը գցել էր ճրագի
վրայ և տեսնում էր, թէ ինչպէս թիթեռը
պտըտելով ճրագի չորս կողմով խանձում էր
թևերը մինչև վերջապէս խեղացաւ բոլորովին
և ճրագի վրայ ընկնելով ալրւեց: Նա որ այդ
բռպէին ամեն բանի մէջ միայն սէր էր տես-
նում, ձեռաց մի բան ասեց, որ անգիտակցա-
բար ոտանաւոր դուրս եկաւ, ինչպէս.

Ճրագին սիրում է փարւանան
Գլխովը պտըտում է,
Բայց անգութ ճրագը նրան
Զըխըզալով՝ ալրում է:

Հերիքնազն այս լսելով՝ չըկարաց լուռ
մնալ և պատասխանեց, թէ «փարւանան ճրա-
գին չի սիրում, այլ ուզում է հանգնել նրան,
նա էլ ջգուռ էրում է»:

«Լեզւիդ մատաղ», ասեց Արզումանն իր
մտքումը և օգուտ քաղելով այդ հանգամանքից
սկսեց խօսեցնել նրան:

—Ախչի, էդ ինչ ասեցիր, մէկ էլ ասա,
ես լաւ չիմացալ:

—Ասեցի որ հասկանաս, չասեցի որ սո-
վորես, պատասխանեց Հերիքնազը հեգնելով:

—Ես հասկացայ ինչ որ ասեցիր:

—Որ հասկացար, էլ ինչի ես ասում
«մէկ էլ ասա»:

—Հէնց էնպէս. ուզում եմ խօսեցնեմ:
Շատ ժամանակ է քո խօսիւը չեմ լսել: Մի-
տրդ է, որ մէկ օր բաղեցը տուն էինք գա-
լիս, դու էնքան խօսեցիր, որ ես ասեցի. «Ախ-
չի, քեչ խօսիր, գլուխս տարար». դու էլ բարկա-
ցար վրաս... Ո՞վ գիտէր, թէ լետով դու էդպէս...

—Էդպէս ինչ:

—Հիմա էլ ես չեմ ասիլ քո ջղըու:

—Մի ասիլ, ես էլ չեմ խօսիլ քեզ հետ,
որ էլի չասես «գլուխս տարար»: Բայց մի բան
ասեմ. թէ դու լաւ մարդ ես, էս կէս գիշե-
րին ինչի ես եկել մեր տուն: Դու չըգիտէմը,
որ Շամիրը տանը չէ:

—Գիտէի, էնգուը եկայ:

—Լաւ չես արել, դրա տակիցը վատ բան
դուրս կըգալ: Առաջ աշկարա կըգնան ուր որ
ուզում են, օրը ցերեկով և ոչ կէս գիշերին,
լետով թաքուն էլ գնան, վնաս չունի:

—Ես առաջ թաքուն եկայ, որ քեզա-

նից մի խօսք իմանամ, որ յետոյ կարողանամ
աշկարա գալ: Ես կարծում եմ, որ էսպէս ա-
ւելի լաւ է:

— Յետոյ, ինձանից թնչ պէտք է իմանաս:

— Ախչի, ախըր...

— Ախըր թնչ...

— Ոչինչ: Դու ասում էիր էլ չեմ խօսիլ,
բա ինչի ես էդքան խօսում:

— Ի՞նչ անեմ, զուռվ խօսեցնում ես:

— Դէ մի լաւ բան խօսիր, մի հէքիաթ
ասա, ականջ դնենք:

— Դու ասա, ես ականջ կըդնեմ:

— Լաւ, դէ լսիր:

— Լսում եմ:

— Էլել է չի էլել մի աշիկ է էլել:

— Իմացայ. էդ աղջըկալ անունն էլել է

Հէքիքնազ:

— Էդպէս չէ, թող ես ասեմ:

— Լաւ, դէ ասա:

— Էդ աղջիկն ունեցել է...

— Մի քոյլ. անունը Մարիամ:

— Էդպէս չէ, թող ասեմ:

— Լաւ, դէ ասա:

— Էդ աղջիկն ունեցել է մի պառաւ մէր...

— Անունը Գիւլլուզար... իմացայ, իմա-
ցայ...

— Էլ չեմ ասիլ, դու չարութիւն ես ա-
նում, քեզ պէտք է պատժեմ...

— Նը... ձեռք չըտաս թէ չէ, հրէս լիքը
դաբանչէն կըշիս դրած...

— Աբա տեսնեմ, էդ թնչ դաբանչա է...

Այստեղ Ս.րզումանը Հէքիքնազի երկու
ձեռքը ճանկը գցեց ու սկսեց մի ձեռքով մի
թուշին միւսով միւս թուշին թեթև ապտակ-
ներ տալ և ցաւն ամոքել ջերմ համբոյներով...

— Դէ հիմա խելօք կըկենաս թէ չէ, խօ-
սեց վերջապէս Ս.րզումանը:

— Թող թէ չէ՝ ձեռքը կըկծեծ...

— Չեմ թողնիլ, մինչեւ չասես՝ սիրում ես
ինձ, թէ չէ:

— Դէ թո՛լ, լաւ:

— Չէ, պիտի ասես:

— Ս.րզուման ջան, թող, հոգուդ մատազ:

— Ես քեզ մատազ, ես: Մէկ անգամ ասա.
«քեզ սիրում եմ. քեզ կուզեմ», ես էլ թող-
նեմ:

— Զօռով սիրել կըլինի. ինչի ես ստի-
պում, չեմ սիրում...

Ս.րզումանը սուտ խոռվելը գրաւ իրան,
ձեռքերը յետ քաշեց և սկսեց քթի տակ փընթ-
փնթալ. — ըղորդ որ զօռով սիրել չի լինիլ.
տեսնում եմ, որ ինձ չես սիրում:

— Իէ լաւ, լաւ, մի խոռվիր, եկ բարը-
շենք, ասեց Հէրիքնազը և ձեռքը փաթաթեց
Արզումանի պարանոցին։ Արզումանի սիրտն
այնպէս շարժւեց, որ քիչ մնաց լաց լինի։ Իր
կեանքումը առաջին անգամն էր փոխադարձ
սիրոյ ճաշակն առնում։

— Ել ինչու ես հարցնում, թէ «սիրում
ես ինձ»։ Սէրը սրտումը կըլինի, ոչ թէ լեզ-
ուումը. եթէ չըսիրէի, դու ինչպէս կարող էիր
գալ էստեղ, ասեց վերջապէս Հէրիքնազը։

Մարիամը գիտութեամբ ներսը մըլոլ էր
անում, որ ներկայ չըլինի նրանց խօսակցու-
թեանը, բայց տեսնելով որ շատ են չարու-
թիւն անում, դուրս եկաւ, որ խելօքացնէ։

— Ախչի, Հէրիքնազ, ինչի՞ ես խօսում,
չես ամաչում, նկատեց Մարիամը։

— Բա ինչի՞ է ինքը խօսում, ուզեց ար-
դարանալ Հէրիքնազը։

— Տղալի ագաթն է, կըխօսի, բայց աղ-
ջիկը պէտք է չխօսքան կենայ։

— Ինչի՞ ես ի՞նչ մեղաւոր եմ, որ Աստ-
ած ինձ աղջիկ է ստեղծել։ Ես լեզուն էլ
ինչի՞ համար է, որ չըխօսեմ։

— Լսում ես, Արզուման, ի՞նչ է ասում
մեր աղջիկ պարոնը։

— Շատ ըղորդ է ասում, ես ու իմ Աստ-
ածը։

— Հիմա կըշտկես. էդպէս է մարդոց խա-
սիաթը. հիմա սա սուտ էլ որ ասի, քեզ ըղղ...

Մարիամն ուզում էր ասել՝ «քեզ ըղորդ
կըթթւալ», բայց ցանկապատի դռան թխկոցը
նրա խօսքը ցակատով կտրեց։

— Նամիրն է, Արզուման, ասաց Մարիա-
մը, շուտ արա հեռացիր, թէ չէ, գլխներիս
վատ բան կըգայ։ Այս ասելով ճրագը հանգ-
ցրեց։ Արզումանը մթնից օգուտ քաղելով մի
վերջին համբոլ էլ տւաւ Հէրիքնազին ու հե-
ռացաւ։

Ե.

Մարիամը գեռ ևս դուռը բաց չարած՝
առաջ փեսացու հիւրի հետքերը փարդակեց։
Վերջապէս դուռը բացւեց, Նամիրը ներս մը-
տաւ, խուրջինը վայր բերաւ և սկսեց ձին
ման ածել բակումը։ Այս երթևեկելու ժա-
մանակ մի ոստիւնի ձայն հասաւ նրա ական-
ջին։ Զափարի չորացած փուշը ճըրթճըրթա-
լով հասկացրեց Նամիրին, որ մի ծանօթ ոտք
նրան ճնշեց վերևից։

Նամիրը որսորդ լինելով՝ սուր լսողութիւն և հոտառութիւն ունէր: Բայց այդ ոչինչ. նա չափից գուրս կասկածուտ էր, չափից դուրս նախանձուտ և խալին: Մարդիկ սովորաբար արթուն ժամանակ շատ բան են ցնորում, երեակալում, երազում, նայած թէ ով ինչպիսի հոգեկան տրամադրութիւն ունի, ինչ ձգտում, ինչ բաղձանք և վերջապէս ինչպիսի կիրք և բնաւորութիւն, ինչպիսի ճաշակ և հասկացողութիւն: Մարդիկ կան, որ միշտ ուրախ են, միշտ զըւարթ: Սրա պատճառն այն է, որ նրանք բարի սիրտ ունին, հանգիստ խիղճ և մի վառ երեակալութիւն, որով իրական աշխարհից վերացած՝ միշտ իդէալական աշխարհում են ապրում: Այդպիսիները որքան էլ անբախտ լինին, դարձեալ ամենից երջանիկն են: Խելօք մարդը իր հոգու բոլոր յառկութիւնները իր բախտաւորութեանը կըժառայէցնէ, իսկ անխելքն իր անբախտութեանը: Այս վերջին տեսակիցն-էր Նամիրը, որ երեակալելու շնորհք ունենալով՝ միշտ վատ բան էր երեակալում, փոխանակ արքայութիւն երեակալայելու, միշտ դժոխք էր երեակալում, փոխանակ բարեկան առաջարացնող մի փաստ գըտնի: Եւ ահա փաստը գտնւած է, և նա մտածում է. «Ճրագը վառած էր, ինչու յանկարծ հանգաւ: Այս ինչ ճրթոց էր, ինչ թըրըմփոց»...

թիւն, փոխանակ սիրոյ և փաղաքշանքի՝ ատելութիւն և կոպտութիւն: Նամիրը միշտ երեակալում էր, որպէս թէ իր կինն իրան անհաւատարիմ է գըտնըւել, սկսում էր պաշտամերը կծոտել, ատամները կրծըտացնել, կնոջ ննջարանը չերթալ, ինքն իրան խռովել, մոռանալով՝ որ իրականի մէջ այդպէս բան չըկալ, որ այդ իր ցնորքն է: Մի մարդ, որ այդպիսի հոգեկան ցաւի ենթակալ լինի, ինչ կըլինի նրա գրութիւնը, եթէ երբ և իցէ իրականի մէջ իր ցնորքն արդարացնող մի փաստ գըտնի: Եւ ահա փաստը գտնւած է, և նա մտածում է. «Ճրագը վառած էր, ինչու յանկարծ հանգաւ: Այս ինչ ճրթոց էր, ինչ թըրըմփոց»...

Մարիամն իմացաւ, որ մարդը մի բանի հոտ է առել, և սկսեց հարց ու պատասխանով իր դատավճիռը յօրինել: Նէրիքնազը բարկանում էր ինքն իրան, և իր մէջ որոշում էր, որ եթէ բանը դէպի վատը երթալ, ինքը կասէ ուղղակի, որ այս ինչ տղալին պիտի ուզի, ինքն է հրաւիրել նրան, ալսուել Նամիրի միշամտութիւնն աւելորդ է: Մարիամը մտածեց, որ իր յարաբերութիւնը սովորականից չըփոխէ և զօռով ինքն իրան չըմատնէ: Տեսաւ որ մարդը շատ է ուշանում, գնաց ձին առաւ ձեռիցը, ասելով, բաւական չէ, քանի ման

ածես, գնա հանգստացիր, լոգնած կըլինիս:
Մարիամը ձին քաշեց գոմը, իսկ Շամիրը մնաց
տեղն ու տեղը փէտացած:

Մի բուդալա *) տղայ էր Շամիրը, երբ
եկաւ այս գիւղը, ուր նօքարութիւն էր անում
մի քանի տարի սրա նրա մօտ: Մարիմին խորհուրդ տւին,
որ Շամիրին ուզի, նա էլ ուզեց միամտաքար, չիմանալով՝ թէ ինչ կո-
պիտ մարդու հետ պիտի գործ ունենալ: Երբ
որ նօքարը տանտէր և աղա դառաւ, սկսեց
բռնակալի բնաւորութիւն ստանալ: Մարիա-
մին գուր չեկաւ մարդու վարմունքը և օրէ-
ցօր սկսեց պաղիլ: Երբեմն փորացաւ, երբեմն
սրտացաւ ունիմ ասելով, քրոջ մօտն էր քնում
և մարդուն մենակ թողնում: Սկզբումը Շա-
միրը հաւատում էր կնոջ ասածին, բայց յե-
տոյ տեսաւ, որ կինն իրան չի սիրում: «Եթէ
ինձ չի սիրում, մտածեց նա, ապա ուրեմն մի
ուրիշին է սիրում»: Այս անտեղի կասկածը իր
համար ցաւ շինեց Շամիրը: Նա սկսեց ամեն
մի հեռու տեղ գնացած ժամանակ երկար մի-
ջոց նշանակել, իսկ ինքը վաղօրօք երևիլ, եր-
բեմն մէջ գիշերին, երբեմն փոքր ինչ ուշկամ

*) Բուդալա — անտուն, անտեղ, միայնակ,
սալթ:

վաղ, որ կնոջ մօտը մարդ գտնէ, բայց երբէք
չըլաջողեց նրան այդպիսի մի բանի հետք
նշմարել: Այս անլաջողութեան համար նա փո-
խանակ ուրախանալու, սաստիկ բարկանում էր,
որ աշխատանքն ի զուր էր անց կենում: Բար-
կութիւնը երբեմն այնքան սաստիկ էր լինում,
որ մի սուտ առիթ գտնելով՝ ծեծում էր կնոջը:
Այս անգամ ահա ուրախ էր, որ կարողացաւ
մի բան նշմարել բայց թնջալէս սկսէր գործը,
քանի որ ոչ ոքի երես չըտեսաւ: Մտածեց, որ
լուէ մի առժամանակ և Մարիամին նշմարել
չըտայ, որ ինքը մի բանի հոտ է առել, և
լոեց, բայց վայ էն լուելուն, որ Շամիրը լոեց:
Սրտաքուստ էր միայն ալդ լուութիւնը, իսկ
ի ներքուստ տանջում, մաշում էր ինքն իրան
գանազան ցնորքներով: Ներս գնաց վերջապէս
և շնթռկեց իր համար գցած տեղումը:

Պ.

Արգումանը գնաց: Տղայոց մօտ հասաւ
թէ չէ՝ զարթեցրեց նրանց, թէ վեր կացէք,
եղինքը կըցրէին, կըկորչին: Նոյն օր հախուը
իրանն էր, այսինքն՝ իր համար պիտի վարէին:
Առաւօտեան արշալոյաը բացւեց թէ չէ՝ եղինքը

Հաւաքեցին, ականեցին և ջոկջըկելով՝ տարան
լըծելու:

—Արզուման, որ տափիդ պիտի գնանք, հարց-
րեց մաճկալը այնպիսի բարձր ձայնով, որ կար-
ծես Արզումանն իրանից մի վերստ հեռու լինէր:

Այս գիւղացիք սովորութիւն ունէին խիստ
բարձրաձայն խօսելու: Նոյն խակ միմեանց կից
մի օջախի չորս կողմով նստած ժամանակ այն-
քան բարձր են խօսում, որ խամ մարդը կը
կարծէ, թէ խօսողի զրոյցընկերը նրա կողքին
չէ նստած, այլ կամ կտրին է, կամ մի այլ
սենեակում, միջնապատով անջրպետած իրա-
նից: Իսկ հայերէն չիմացողը կը կարծէ, թէ
սրանք ոչ թէ խօսում են սիրով, այլ կուռում
են, և մի մեծ վէճ կայ իրանց մէջ: Ի՞նչ ա-
սել կուզի, որ վէճ ու կուիւ եղած ժամանակ
էլ խօսելու ձայնն այնքան է բարձրանում,
այնպիսի բղաւոց ու ճղաւոց է լինում, որ ինչ-
քան չափազայն այս գարձեալ իսկականի
սուելը կըլինի:

—Վերի հողերը, ծաղարանց տափը, պա-
տասխանեց Արզումանը աւելի մեղմ ու տխուր
եղանակով:

—Հըմ... գիշերս կուի էրազ եմ տեսել...

—Էրազ էլ որ տեսած չըլինիս, էլի կուիւը
կըլինի, եթէ լինելու է:

—Գնանք, հրամալեց մաճկալը և գու-
թանը ճըլւըստալով գնաց գէպի ծաղարանց
թաթոսի տափը:

Մենք մի առած ունինք, որ ասում է.
«Խոփըդ սուր է, բայց հանդը բաժանովի է»:
Այս առածը խեղձերն են ասել իսկ իշխող-
ներն ուրիշ առած են ունեցել, որ է «Քա-
ջերի սահմանը—իրանց զէնքն է»: Գիւղացիք
սովորութիւն ունին վարելու հողը բաժանե-
լու իրանց մէջ ամեն տասը կամ տասնըհինգ
տարին մէկ անգամ. բայց ամեն անգամ հեշ-
տութեամը չեն բաժանում, քիչ հողատէրերը
սկսում են կուել շատ բաժին ունեցողների
հետ, և եթէ մի կերպ բաժանում են, աւելի
ուժեղները թոյլ չեն տալիս իրանց հողին ու-
րիշը մօտենայ: Նըւազած օջախների հողերը
վարում են զօրեղները և նրանց վերջին միակ
շառուփիղը չափահաս դառնալով հող չի ունե-
նում վարելու: Այսպիսիներին քեօխւան մի կեր-
պով պահպանում է, աւելի հող ունեցողներից
մի կտոր տալով, մինչև օրինաւոր բաժին լի-
նելը: ծաղարանց թաթոսը Արզումանի հօր
բաժինը սեփականել էր, քեօխւան էլ հրաման
էր տըւել Արզումանին, որ գնալ նրա տափե-
րից մէկը վարէ: Նիմա տեսնենք ի՞նչ է գուրս
գալիս սրանից:

Գութանը տեղ հասցրին և հազիւ հինգ
վեց ակօս էին արել յանկարծ գիւղի մէջ մի
շփոթմունք ընկաւ:

—Ա՛դա, Մարտիրոս, Կիրակոս, Համբէք,
մեր տափը վարում են... Մէկ տեսէք՝ էդ ովլ
է, էդ աչքերն արնով լցւածը. մեծ պատառն
ականջը թողէք: Այդպէս բղաւեց, գոռաց մի
թէւ ալեոր, բայց բաւական ժիր ու առոյց
մարդ: Սա ինքն էր ծաղարանց տան նահա-
պետը՝ Թաթոսը, որ տասը, տասներկու տղայ
ունէր, մի ալդքան էլ եղբօրորդէք և երկու
այնքան թոռներ...

—Էլ ովլ պիտի լինի, Արզումանն է. բա
երեկ չըլսեցի՞ր, որ քեօխւեցը տափ էր ու-
զում, նա էլ մեր տափը նշանց տրւաւ,
թէ գնա վարիր: Այդպէս խօսեց Թաթոսի
տղան, որով ուղեց ցոյց տալ, որ քեօխւէն էլ
իր հօրը մարդու տեղ չի դնում, նրանից չի
վախենում, չընայած, որ Թաթոսն է նրան
քեօխւա շինել, և երբ ուղենալ, կարող է
դուրս անել:

—Տո ես քեօխւի օխտը պորտը, կնիկն
ու մէրը, մեռելն ու կենդանը... Տո, ես գող
Արզումանի համար եմ փուշ կտրել, տակոի
հանել, քարեր հաւաքել, խամհատել, որ նա
գնայ էսօրւան օրը իմ մուլքը ձեռիցս խլի...

Տօ, հասէք, բա գուք տղամարդիկ չէք, էլ ո՞ր
օրւալ համար եմ ձեզ հաց տըւել պահել...

Այսպէս՝ ալեւոր գազանը, որ իր կեան-
քումը արդարութեան ու խղճի ձայն չէր
լսած, ինչքան հայհոյանք գիտէր, անատամ
ըռխիցը թափեց և տասը քսան բոկ արջերի
գրդաելով ուղարկեց Արզումանի դէմ: Ռոպէ
չանցած, տեղ հասան. նրանք չէին գնում,
ալ վազում էին, կարծես առջեները փախչող
կար, պիտի բռնէին:

—Հօօօ, հօ: Ոտն արէք, տղէք, գոչեց
սովորական ձայնով մամկալը: Արզումանն, էս
արջերը մեզ վրայ են գալիս: Արի դուրս
գցենք գութանը, ասենք՝ ախողէր, ձեզ ըլի,
չենք ուղում, միայն թէ մի արիւն չանէք
էստեղ:

—Յետո՞յ, էլ էս փափախը գլխիս հարամ
չի ըլիլ, էլ ի՞նչ էրեսով պիտի մտնեմ գեղը,
որ մի քանի թագի-թուլա պիտի ինձ վախե-
ցնեն, փախցնեն: Տուր ինձ էդ սրբիչը, ասեց
Արզումանը բարկանալով և մամկալի ձեռից
առնելով սրբիչը, որ մի հաստ գագանակ է՝
ծալը ակշաձե երկաթ հագցրած: Մի կտա-
ղութիւն եկաւ քաջ երիտասարդի վրայ, ջանն
սկսեց գողդղալ կազող փահլւանի պէս և այն-
պէս էր զգում ինքն իրան, որ ոչ թէ քսան,

ալլ լիսուն մարդ անգամ չըպիտի կարողանա-
լին հովութիւն տալ նրա տաքութեանը:

Տափատէրերը հասան թէ չէ՝ գութանն
ակօսից հանելով՝ զցեցին քարերի ու փշերի
մէջը: Հնար չեղաւ այստեղ բան հասկացնելու.
ամենքն էլ սկսեցին գոռալ, գոչել միաձայն,
ոչ մէկը միւսի խօսքը չէր լսում: Եղան էր,
որ վրայ էր գալիս սրա նրա գլխին. էլ բըհիր
ասես, դագանակ ասես, չօմաղ ասես, մահակ-
ներ ու ձողիք նորեկների կողմից իջնում էին
սրա նրա գլխին ու թիկունքին:

Հոտաղները մի մի ճիպոտից աւելի
բան չունէին, իսկ դրանով ինչ կարող էին
անել, ճարահատւած փախան, որ իրանց ան-
գենք գլուխն ազատեն: Մաճկալի գլուխը վա-
զուց արդէն կիսել էին և զցել ակօսի մէջը:
Խեղճ կենդանիները, այն անբան ու անմեղ
եղն ու գոմէշներն անգամ չազատւեցին հաստ
մահակների հարւածներից...

Իսկ Արգումանն ինչ էր այս արիւնհե-
ղութեան ժամանակ: Նա սկզբումն սկսեց
ձեռի սրբիչովը միայն ինքն իրան պաշտպա-
նել, ինչպէս մի վահանով, աշխատելով հաս-
կացնել եկողներին, թէ ինչ իրաւունքով է
վարում ալդ տափը, բայց տեսնելով, որ նրանք
իրանից բան իմանալու չեն եկել, այլ ուղ-

դակի սպանելու, երբ տեսաւ մաճկալի կիսա-
շունչ ընկնիլը, այնուհետև սրբիչի զօրու-
թիւնը պաշտպանողականից գարձրեց յարձա-
կողականի, և մի քանի ըոպէի մէջ կուող-
ները բոլորն էլ վալը թափւեցին հասած թու-
թի նման:

Գիւղից նորանոր մարդիկ եկան իբր կուկի
առաջքն առնելու համար, բայց էլ ինչ օգուտ,
ինչ որ լինելու էր, արդէն եղել էր: Երեք
մարմնի մէջ այլ ևս հոգի չըկար, մի քանիսը
հոգեվարք էին և միւսներն էլ վտանգաւոր
վիճակի մէջ: Գիւղացիք սալեր բերին և իրանց
քաշերին տարան որին առողջացնելու և որին
թաղելու:

Է

Կարելի՞ է արդեօք նկարագրել այն պա-
ռաւ մօր գրութիւնը, որ այս ըոպէիս իմա-
ցաւ, թէ իր մինումար որդին, իր ազիզ մա-
զիզ, մուրազի վրայ եղող Արգումանը այնպի-
սի մի փորձանքի է հանգիպել, որ նրա տե-
սութիւնից յաւիտեան պիտի զրկւի ինքը:

Խեղճ պառաւը գութանաւորի համար
առաւօտեան կերակուրը բերելիս ճանապար-

Հին տեսաւ, որ շատ մարդիկ են վազում դեպի իրանց գութանը, ոկտեմբեր, կասկածել, թէ էս ինչ է պատահել արդեօք, չըլինի թէ իր էրեխի գլխին մի փորձանք է եկել:

Պառաւ Շողակաթը մի տարօրինակ կասկածութ բնաւորութիւն էր ստացել զանազան գժբախտ դէպերից յետոց: Ամեն մի անակընկալ փորձանք պատահած ժամանակ միշտ իր Սրգումանին էր միտը բերում, թէ նա էլ այնտեղ չըր արդեօք, չըլինի թէ նրան էլ է մի բան պատահել: Երբ որ լսում էր, թէ այս ինչ գիւղումը մարդ է խեղդւել, մէկը ձիուց կամ ծառից վայր է ընկել, մէկը սայլի տակն է ընկել, մէկին շունը կծել է, մէկը վարազի բերանն է ընկել, կամ արջի ճանկը և այլ այսպիսի մի բան, նա անդադար ախ ու վիշտ էր անում և շարունակ վարանման մէջ էր լինում մինչև Սրգումանը տուն էր գալիս ողջառողջ: Եւ այս շատ ընական էր: Ութորդի էր մեծացրել խեղդ պառաւը, և դրանցից միայն մէկն ունէր ալժմ: Միւս եօթը եղբարձներն ամենքն էլ քսան քսաներկու տարեկան ժամանակն էին մեռել, որը նշանած, որը նշնելու, և բոլորն էլ ոչ ընական մահով կամ հիւանդանալով՝ այլ մէկ մէկ փորձանքի

Հանդիպելով, ոչ մէկին մի սառը ջուր չէր տւել վերջին անգամ իր մարդական ձեռքով, ոչ մէկի գերեզմանին չէր արժանացել:

Զարմանալի բան է, արդարեւ: Միայն զինւորների կեանքը չէ վտանգի ենթակալ պատերազմի ժամանակ: Այն մարդոց կեսնքն ևս շարունակ ենթակալ է վտանգի, որոնք յանդրգնութիւն ունին մարտ մղելու կեանքի անիրաւ և անարդար հանգամանքների գէմ: Որքան անիրաւութիւն և անարդարութիւն կալ օրէնքով ու աղաթով անվտանգ վիճակի մէջ դրւած: Ո՞վ կարող է դրանց ձեռք տալ և անպատիժ մնալ: Սրգումանի եօթը եղբարձներից երեքը բանտումն էին մեռել և երեքն աքսորանքում, և այս իրանց անվեհեր և ազնիւ սիրտ ունենալուն համար միայն:

Խեղճ պառաւը ճանապի մէջտեղը նստեց, որ խելքը գլուխը ժողովէ, մէկ լաւ իմանալ, թէ էս ինչ բան է: Անցուդարձ անողներից ոչ ոք նրան պատասխան չըտւաւ մինչև մօտեցան մեռելների սալերը, որոնց չորս կողմը պատած մարդոց լաց ու կոծի աղաղակը դրըմբացնում էր մօտակալ սարերն ու ձորերը: Յուղարկաւորներից մինը, որ Սրգումանի ազգականներիցն էր, մօտեցաւ պառաւին և բանի էութիւնը հասկացնելով, աւելացրեց, որ

Արգումանին չստիպէ տուն գալու:

— Ուրեմն էլ չըպիտի տեսնեմ ես իմ որդու երեսը. հարցրեց պառաւը:

— Կըտեսնես, ով է ասում որ չես տեսնի, բայց հիմա հարկաւոր չէ տեսնել: Սպասիր մութն ընկնի, այն ժամանակ մի բան կըմտածենք...

Նողակաթ նանի խելքը զլխիցը թռաւ և սկսեց խենթի նման զանազան ձեաշարժութիւններ անել պարելու նման և իր գիտցած երգերից մի խառնուրդ կազմելով մրմնջել և ձայնն աստիճան առ աստիճան բարձրացնելով սկսեց բառանչել ու գոչել — Արգուման, Արգուման: Այս անունն այնքան կրկնեց, մինչև ուժից ընկաւ բոլորովին և մեկնեց ճանպի մէջտեղը: Մօտը եղող երիտասարդը շալակեց կիսաշունչ պառաւին և տարաւ տուն:

❖

Գիւղի մէջ տուն չըկար, որ կամ սպանւածների և կամ վիրաւորւածների ազգական չըլինէր, այս պատճառով ամբողջ գիւղը սուգի մէջ էր մտել:

Բըռի գիւղացիք, անսանձ կրքերի տէր.

մի որ և իցէ կիրք սաստկացած ժամանակ խելքներն իսպառ կորցնում են, եթէ միայն կորցնելու խելք են ունենում: Խելքն է, որ տիրում է մարդուս կատաղի կրքերի վրայ, բայց այդ տիրող խելքից զուրկ են գիւղացիք: Տեսել եմ աչքովս, որ մայրը որդու առջեր չոքած, հայրը՝ ձեռները խաչած, աղաչում են եղել իրանց որդուն, որ կուփից յետ կենայ, բայց գրանով աւելի են կատաղացրել նրան: Անասունների մէջ միայն կարելի է սրա նըմանը տեսնել: Երկու ցուլ, երկու գոմէշ, երկու շուն կուելիս հնար չի լինում անջատելու, որքան խիում ես, այնքան աւելի են կատաղում: Բայց և անասունների նման էլ կըռւից յետոյ չափից գուրս խեղճանում են, գայլից գառնում ոչխար և ակամայ գալիս ես այն եզրակացութեան, որ սրանք Փիզիքապէս հրսկաներ լինելով հոգով ու մտքով կատարեալ երեխաններ են և չար երեխաններ:

Կուփից յետոյ շատ տիսուր կերպարանք ստացաւ Պ. գիւղը: Ոչ մէկի բերնին ժպիտ չէր երևում, ոչ մէկի երեսին ծիծաղ չէր գալիս: Մարիամն ու Հէրիքնազը նոյնպէս մասնակից էին հասարակաց ախրութեանը: Թէպէտ մի կողմից ուրախ էին, որ Արգումանը յաղթող էր հանդիսացել և ոչ յաղթող, բայց

միւս կողմից էլ գիտենալով, որ այդպիսի յաղթութեան մըցանակը աքսոր է ու մահ, սաստիկ տխրում էին:

Նամիրը դէպի ոչ ոք համակրութիւն չէր ցոյց տալիս, նա կուզէր որ գիւղացիք բոլորն էլ մէկ անգամից իրար ջնջեն և ինքը մենակ մնալ: Բայց և այնպէս սաստիկ նախանձում էր, որ ինքը մասնակից չի եղել կուին, որ իր վրայ էլ խօսեն:

Սպանւածներից երեքը ճաղարանց տանիցն էին: Երեք մեռել մէկ անգամից տանը տեսնելով՝ Թաթոսը քարացել էր, չէր իմանում որի՞ վրայ սրգայ, որի՞ գլուխը լայ: Նրա խղճմտանքը տանջւում էր, որովհետեւ ինքն էր գրգռողը, ինքն էր նրանց ուղարկողը: Բայց իր անձը գերդաստանի մէջ արդարացնելու համար, Արգումանին էր անիծում, ստիպում էր քեօխսին, որ նրան բռնել տայ անպատճառ և արդարադատութեանը լանձնէ: Քեօխւան մարդիկ ուղարկեց տեղական ոստիկանութեանն իմաց տալու, որ դան վերահսու լինին գործի հանգամանքին: Կասկած չըկար, որ իշխանութիւնը գալուն պէս պիտի բռնել տար Արգումանին: Բայց Արգումանին արդէն փախցրել էին նրա բարեկամները: Այստեղից մօտիկ էր Խրամը, որ հազարաւոր փա-

խըստական կարող էր պատսպարել: Մինչեւ իր թշնամիքը բռնելու մասին կըմտածէին, նա արդէն Խրամի գառիվալրից ցած էր իջել, և ով կարող էր այլ ես իմանալ, թէ ո՞ր քարափի կամ ո՞ր քարալրի մէջ է գտնւում:

❖

Արգումանն իր անձի ապահովութեան համար երկիւղ չունէր ամենեին: Որտեղ մի ընկերութիւն կար գողերի—նրան յայտնի էր, որտեղ մի փախստական կար, նրա ծանօթն էր: Քանի որ այս փորձանքին չէր հանդիպել, նա փախստականների հետ ընկերութիւն անելիս, կասկածում էր, թէ մի գուցէ նրանք իրան բանի տեղ չէին դնում, որովհետեւ կարողացել են իրանց անունը հռչակել ամբողջ նահանգի մէջ և իշխանութեան ուշադրութիւնը գրաւել: «Ես ինչ եմ արել, ասում էր ինքն իրան: մի քանի ձի եմ գողացել այն էլ գեռ հաօտատ շըգիտեն, որ ես եմ գողացել: Այսպէս էր մտածում Արգումանը և նախանձով նախում նշանաւոր փախստականների վրայ. բայց հիմա,

Երբ փախստականի վիճակի ենթարկւած դժուաւ իրան, նոր զգաց, որ իր նախանձն ի զուր էր եղել: Քիչ առաջ գուցէ ուրախ էլ լինէր, որ առիթ կունենալ պատժելու անխղճմտանք և անիրաւ մարդկանց, բայց ոչ հիմա, երբ սկսել էր սիրել և սիրւել: Քնած թէ արթուն միշտ Նէրիքնազին էր տեսնում, որ արտասուսլից աչքերով ասում էր նրան. «Այս ի՞նչ արիր, Արզուման. նրա համար խլեցիր իմ սէրը, որ ինքո չըվայելես և ուրիշներին էլ արգելք լինիս»...

Եօթն օր կարողացաւ Արզումանը հեռու մնալ գիւղից և ոչ ոքի աչքում չերևալ: Նա գնաց իր ծանօթ դաշտների մօտ, որոնք մեծ սիրով և ուրախութեամբ մեծարեցին նրան, բայց այս հանգամանքը չըմխիթարեց նրա վշտալից սիրտը, չըսպեցրեց նրա սիրոյ քաղցը:

Մէկ գիշեր փախստականներն իջևանեցին Խրամի նախշուն անւանւած աւերակ վանքումը: Միւս օրը այդտեղից պիտի շատ հեռու տեղ գնալին: Արզումանն ուզեց օգուտ քաղել գիւղի մօտաւորութիւնից և գնալ Նէրիքնազին տեսնելու: Արա համար հրաման ուզեց աւազակապետից:

—Դեռ վաղ է, պատասխանեց աւազակապետը: Թող փոքր ինչ հանգարտւեն գեղը-

ցիք, մեռելներին մոռանան, սաղերի հոգսը քաշեն, նրանց խըղճան, այնուհետև գնա՛, բան չեմ ասիլ: Բայց հիմա, ով գիտէ՝ ծաղարանց թաթոսը քանի պահապան է դրել գիւղի չորս կողմում, որ քեզ կամ ըռնեն, կամ սպանեն:

—Ինչ ուզում է լինի, ես պէտք է գնամ, պնդեց Արզումանը. թէկուզ կտոր կտոր անեն, պէտք է գնամ, խօսք ունիմ տւած մէկին, կամ պէտք է խօսքս լետ առնեմ, կամ կատարեմ:

—Հասկանում եմ, ասեց աւազակապետը ժպտալով: Որ էդպէս է, հետդ երկու ձիաւոր էլ տար, թող գան գեղի տակին թաք կենան, եթէ մի բան պատահի, օգնութեան հասնեն:

—Հարկաւոր չէ, ես մենակ կերթամ, միայն ինձ մէկ լաւ ձի է հարկաւոր:

—Իմ սե ձին քեզ փէշքէշ: Աւը լաւ է, գիշերն էլ մութն է:

Այս խօսակցութեան ժամանակ յանկարծ մի մարդ ներս մտաւ և մի խումբ մարդոց հանդիպելով տեղն ու տեղը մեխւեց: Նորեկը ուժ իննը հրացանի խողովակների պսպղաւը եր գէմը տեսնելով՝ և նրանց ասելը, թէ «թարփանմա, վուրդըխ» (չըշարժւիս, խըեցինք), մնաց շըշկւած, մինչև գերջապէս

խելքը գլուխը ժողովելով, հասկացրեց, որ
ինքը վտանգաւոր մարդ չէ, այլ մի որսորդ
է: Այս որսորդը Շամիրն էր, որին իսկոյն ճա-
նաչեց Արգումանը և աւազակապետին հաս-
կացրեց թաքուն, որ այս գիշեր մինչև առա-
ւոտ նրան իրանց մօտ պահեն:

Շամիրին հրաւիրեցին նստել և ասացին
իրան, որ նա մինչև լուս իրանց գերին է, չեն
կարող դուրս թողնել:

— Առանց ձեր ասելու էլ, ես մինչև ա-
ռաւոտ դուրս գնալու միտք չունիմ, ուրեմն
ոչ թէ ձեր գերին եմ, այլ ձեր պատուական
հիւրը, կամ կուզեք դուք եղեք իմ հիւրը:
Ես մի այծեամն եմ սպանել և բաւական միս
ունիմ պարկիս մէջ, եթէ ախորժակ ունիք,
կրակ վառեցէք, խորոված անենք:

Շամիրի փորը աւելի նրա համար էր ցա-
ւում, որ կրակ վառելով այս մարդոց երեսը
լուսով տեսնէ, և շատ էր փափագում Ար-
գումանին էլ սրանց մէջ տեսնել որ միւս
օրը երթայ գիւղումը պարծենալ, թէ ինչպէս
ինքը հիւր է եղել աւազակների մօտ, ուր
տեսել է և Արգումանին:

Աւազակները կրակ վառեցին, բայց
Շամիրն իր նպատակին չըհասաւ: Արգու-
մանն արդէն գնացել էր, և այնպէս գնաց,

որ Շամիրը չիմացաւ, որ նրանցից մի մարդ
պակասեց:

Ասած է՝ «Դողն ի՞նչ կուզի,—մուժը գի-
շեր»: Բայց մեր Արգումանին, որ այս գիշեր
հարցնէիր, թէ ի՞նչ կուզես, կասէր՝ Շամիրի
բացակալութիւնն իր տանից: Մուժը գիշե-
րովը նա այնքան չէր ուրախ, որքան այդ յա-
ջող գէպէովը: Նա եօթն օր սպասել էր մի-
այն Շամիրի երկիւզից, թէ ի՞նչպէս երթայ
Հէրիքնազի մօտ, և շատ մտածելուց յետով
այս միակ հնարքը գտաւ միայն, որ ուղղակի
երթայ Շամիրի մօտ և նրա պաշտպանութիւնը
խնդրէ գիւղ մտած ժամանակը, այսպէսով նա
միշտ հնար կունենալ և իր Հէրիքնազին տես-
նելու: Բայց հիմա Շամիրի գալը նրան գալ-
թակղեցրեց և իր մտադրութիւնն ուրիշ օր-
ւան ձգեց:

Քանի որ այս փորձանքին չէր հանդի-
պել, Արգումանը մտքումը դրել էր Շամիրին
մօտենալ, և նրա հետ մի քանի օր որսոր-
դութեան երթալով՝ բարեկամանալ և խնդրել
նրանից Հէրիքնազի ձեռքը, բայց հիմա, երբ
հանգամանքն ուրիշ կերպարանք ստացաւ, էլ
ի՞նչ առաջարկութիւն կարող էր անել:

Մարիամը նոյնպէս յուսով էր, որ մօտ
օրերս նշանադրութիւն կըլինի, և ինքն էլ

ազատւած կըլինի Շամիրի անտեղի կասկած-ներից, բայց հիմա կարող էր ասել, թէ երբ և իցէ ունեցել է արդ միտքը, և մինչև անգամ պատիւ է ունեցել մէկ անգամ էլ, գիշերով հիւրընկալել Արզումանին։ Իսկ Հէրիքնազը լաւ էր համարում, որ Արզումանը անունով միայն փեսալ լինի, քան թէ ուրիշն ստուգապէս։ Նա Արզումանին պատահած գիշերից լետոյ ձեռներն ստէպ ստէպ շրթունքներին էր մօտեցնում, կարծելով, որ միայն իրան է զգալի, թէ որքան քաղցը են սիրականի շրթունքներին դիպած տեղերը։ Նա համբուրում էր իր ձեռները, համբուրում էր Արզումանի բերած խնձորները, հոտ քաշում նրանցից և ախալէս անարատ պահպանում։ Զէր ուզում ուտել, որ իր սիրականի լիշտակն աչքիցը չըհեռանալ։

Ժ♦

Երկու քոյրերը դարձեալ դըգւել էին միմեանց մի և նոյն սրահի անկողնումը, որի մէջ պատահել էր առաջին անգամ Արզումանը։ Երկուսն էլ իբր թէ քնած էին, բայց ոչ մէկի քունը չէր տանում։

— Հէրիքնած։
— Հը։
— Ալչի, չես քնել։
— Քունըս չի տանում։
— Խնչի չի տանում։
— Տանում չի էլի. համ զարթուն եմ,
համ աչքերս խփած էրազներ եմ տեսնում։
— Ի՞նչ ես տեսնում։
— Խչ եմ տեսնում։
— Հա, ի՞նչ ես տեսնում։
— Ով գիտէ. ինչ ասես տեսնում եմ։ Իբր թէ ես տղայի հագուստ ունիմ հագած, զէնք ու զրահ ունիմ կապած վրաս, նստած եմ մի թուշկան ձիու վրայ. Մի ոսրի գլխի չորս լարկանի քօշք ու սարահի եմ շինել տըւել, չորս կողմովը բերդի նման պատ եմ քաշել տըւել։ Միայն մի դուռն ունի, երկաթէ դուռը։ Դուռն երկու կողմին մի մի առիւծ կան կապած։ Յետոյ շատ բան եմ անում։ Ամբողջ աշխարհքը դողում է ձեռիս...
— Ով որ գալիս է քեզ ուզելու, գլուխը կտրել ես տալիս։
— Եղ էլ եմ անում, էլի ուրիշ շատ բան եմ անում։
— Արզումանին տանում ես մօտը։
— Տանում եմ, բայց ի՞նչպէս։

— զըգիտեմ, դու ասա, ի՞նչպէս ես տառում:

— Արզումանին բռնում են: Մի մեծ հրապարակի վրայ սիւներ են կանգնեցրել, կախաղան են պատրաստել, ուզում են կախտալ, ինչպէս Ահմադին կախեցին: Նատ մարդիկ կան հաւաքւած, ամենքն էլ լուռ ու մունջ թամաշա են անում, ոչով սիրտ չի անում ձայն հանի, ոչով չի օդնում խեղճին: Հենց էդ ժամանակը ես լոյս եմ ընկնում իմ թռչկան ձիու վրայ, մի ձեռիս վահան, միւս ձեռիս թռուր, աջ ու ձախ կողմիս իմ առիւծները: Ընկնում եմ էդ ահագին բազմութեան մէջ, որին ես, որին իմ ձին, որին իմ առիւծները... Տէր Աստուած, ի՞նչ արիւնհեղութիւն ենք անում, ի՞նչ ջարդ տալիս. ազատում են միայն վաղօրօք վախչողները: Ճաղարանց թաթոսն էլ է ուզում փախչել, բայց քեալի միջին էնպէս խփում եմ թրովս, որ միջիցը հաւասար կիսում է, կէսը մի առիւծիս բերանն է ընկնում, կէսը՝ միւս...

— Յետով, մնում է մենակ Արզումանը:

— Հա, էդ լաւ իմացար: Նրա համար հետո մի ուրիշ ձի եմ ունենում տարած. նստում է էդ ձիուն, ու միասին թռչում ենք դէսլի իմ սարահին:

— Նա էլ նոր ճանաչում է, թէ ով է իր ազատողը:

— Հա, նա առաջ կարծում է, թէ ես Սուրբ Արքիսն եմ. երբ տանում եմ մօսս, նոր տեսնում է որ ես եմ:

— Ով գիտէ, էրազումդ էլ հէնց միշտ Արզումանին ես տեսնում:

— Ինչպէս չեմ տեսնում. ամեն գիշեր տեսնում եմ. բայց տեսնելիս էնպէս ուրախանում եմ, որ իսկոյն զարթնում եմ, էլ չենք կարում իրար հետ խօսել:

— Քու բանըդ շատ դժար է, Հէրիքնազ:

— Դու ծիծաղիր վրաս, ի հարկէ դժար է:

— Չեմ ծիծաղում, բայց Արզումանը քո ինչն է, որ նրա համար էդքան հալ ու մաշ ես լինում: Աղջըկայ ադաթն է, հազար տղի համար կասեն, վերջը մէկին կըտան: Հիմա նա որ չէլաւ, ուրիշին չըպիտի ուզե՞ս:

— Մարիամ ջան, որ մի բան ասեմ, հօչես ծիծաղիլ վրաս:

— Ինչի՞ պիտի ծիծաղեմ, ասա:

— Ես սիրել ուզում եմ, բայց մարդ չեմ ուզում, սէրը շատ քաղցը բան է, բայց մարդն ատելի: Դու քո օրումը լաւ մարդ տեսած կամ, մէկը մէկէլից վատթար արարածներ են:

—Միթէ կնանիքը լաւ են, միայն մարդիկն են վատ:

—Երկուսն էլ վատ են, երկուսին էլ չեմ սիրում:

—Լաւ, բա ասում ես սիրել եմ ուզում,
էլ ինչպէս պիտի սիրես, ում պիտի սիրես,
քանի որ մարդն էլ է վատ, կնիկն էլ:

—Էդ լաւ չեմ իմանում դեռ, մի լաւ
կըմտածեմ, յետոյ քո պատասխանը կըտամ:

—Լաւ, էդ յետոյ կասես. բայց հիմա էս
ասա. կնանիքն ինչով են վատ:

—Կնանիքը նրանով են վատ, որ իրանք
իրանց բանի տեղ չես գնում, իշխ նման ամեն
օր ծեծել են ուզում և պարծենում էլ են,
որ ծեծող մարդ ունին: Են օրը չէր ասում
Հոռոմը, թէ էն մարդն ինչ տղամարդ է, որ
կնկայ գլխիցը մահակը պակսեցնի: Ի՞նչպէս
չատես էդպէս կնկանը, որ ծեծելն է տղա-
մարդութիւն համարում:

—Հիմի քո ասելովդ ինձ էլ չպիտի սի-
րես, նրա համար որ ես էլ չեմ ձէն հանում,
երբ որ Շամիրը ծեծում է ինձ:

—Զէ, քո բանն ուրիշ է: Շամիրը քեզա-
նից զոռով է, գու որ ձէն հանես, նա աւելի
կըծեծէ:

—Ում մարդը չի զոռով, ամենի մար-

դիկն էլ զոռով են: Բայց դու էս ասա, բա
դու ինչու ես սիրում Արգումանին: Մեր մար-
դիկը մարդ չեն սպանում, բայց նա մէկ օ-
րումը երեք-չորս մարդ սպանեց:

—Արգումանը լաւ տղայ է, Մարիամ, դու
չես իմանում, լաւ սրտի տէր է, լաւ հոգի
ունի: Ես որ նրա տեղ լինէի, ոչ մէկին սաղ
չէի թողնիլ: Ինչու էին գնում կորիւ, ինչու էին
գնում նրան սպանելու. նա հօ զոռով չէր
վարում, քեօխւէն տըւել էր, նա էլ վարում
էր: Ճաղարանք քան զշուն շատ են, երեքը
սատկեցին, տեղն էլի քսաներեքը կան. բայց
Արգումանն իր մօր մինումարն է: Մենք քա-
ռասուն օրավար տափ ենք ունեցել, ինչու
են խլել մեր ձեռիցը: Մեր Շամիրն ինչք պիտի
ամեն օր սար ու չոլ ընկնի, ինչք մեր տա-
փերիցը մի քանիսն էլ նրան չեն տալիս, որ
նա էլ վար ու ցանք անի, իր տանը նստի,
էդպէս սար ու ձորում չըմեծանալ արջ կտրւի:
Ոչինչ չեմ ուզում, մէկ ես մողրով լինէի, մեր
վատ մարդկերանց մէկ լաւ խրատէի: Բայց
հիմի ես մի խեղճ աղջիկ եմ, ինձ ով մարդու
տեղ կըդնի:

—Ինչու, հէնց հիմա էլ են վախում
քեզանից: Են օրը Շամիրն ուզում էր ինձ ծեծի,
բայց դու որ աչքերդ վրան չըռեցիր, նա քո

ահեցը գուրս գնաց տանիցը:

— Սպասիր, Մարիամ, ես էնպէս բան
պիտի անեմ, որ գեռ ոչ մի աղջիկ արած
չըլինի: Ճաղարանց ծուխը ես պիտի հանդցնեմ:

— Դու էդպէս ասա: Ճաղարանց թաթոսը
մտքումը դրել է, որ քեզ իր տղի համար
ուզի:

— Ո՞ր տղի:

— Մագօի:

— Պընչեմ Մագօի վրէն. նա ինչացու է,
որ ես նրան մարդու տեղ դնեմ:

— Բա միտքք բնչ է, մարդ չըպիտի ուզես:

— Աստուած էն օրը մահ տալ ինձ: Երբ
որ գուք կուզէք զօռով կշտներիցդ հեռացնել,
էն ժամանակն էլ՝ Աստուած ողորմած է, ինչ-
պէս լինի, ես իմ գլուխ կըսլահեմ:

— Լաւ, մի նեղանալ, հոգիս, ես հանաք
եմ անում: Քանի որ ես ողջ եմ, ով կարող է
քեզ ասել՝ «աչքիդ վերևն ունք կայ»: Միայն
մի բանից եմ զարմանում ես, որ էդպէս շուտ
սիրտդ կպաւ Արգումանին: Պէտք է նրան մըտ-
քիցդ հանես, նրա աստղը թռաւ: Նա ինքը
քեզ կասի, որ դու ուրիշ տղալ գտնես քեզ
համար:

— Նա ինձ էդպէս բան չի ասիլ, ես չեմ
հաւատում: Մենք նոր չենք սիրուի մէկ

մէկու, կարծեմ հէնց էդպէս ենք ծնւել մենք
մեր մօրիցը: Ինչ որ խելքի եմ եկել, էն օր-
ւանից գէսը նա ոչ մէկ օր աչքն ինձանից չի
հեռացը: Կուզես հաւատա, Մարիամ, կու-
զես՝ մի հաւատար, ես իմ տեսածը պիտի
ասեմ: Նատ անգամ բաղի կամ ջրի ճանպին
մտքովս անց եմ կացը: թէ հիմա որ յետ
մտիկ տամ, Արգումանին կըտեսնեմ: Յետ եմ
մտիկ տըւել ու խկոյն երկուսս էլ կարմը: Ենք
երես երեսի գալով: Ես էլի շատ բան եմ
նկատել, բայց քեզ չեմ ասել: Նիմա փորձանք
էր՝ պատահեց: Նէնց համարենք թէ ինձ ու-
զելուց յետոյ է պատահել: Փանի որ նա ողջ
է, ես էլ կալը: Երբ որ նա, Աստուած մի
արասցէ, կըմեռնի, ես էլ կըմեռնեմ: Աշխար-
հումս ով է սաղ մնացել, որ մենք մնաք. մի
օր էլել ենք, մի օր էլ պիտի մեռնենք, լաւն
էն չէ, որ արդար մեռնենք, անթառամ պսա-
կին արժանանանք.

— Դէ որ էնքան շատ է ձեր սէրը, որ
մէկ մէկու սիրտ, մէկ մէկու տեղ իմանում
էք, աբա իմացիր, հիմա որտեղ կըլինի Ար-
գումանը:

— Դու ծիծաղում ես ինձ վրայ, ես գիտեմ:

— Չեմ ծիծաղում, քո ազիզ արելը, ես
հաւատում եմ քո խօսքին: Ես հիմա նրա

Համար եմ հարցնում, որ իմ սիրտն ասում է՝
Հիմա որտեղ որ է՝ Արզումանը կըդայ, դու
թնչպէս ես կարծում։

—Երանի քեզ, որ էդպէս լաւ բան ես
մտածում։ Ո՞վ գիտէ նա հիմա որտեղ է, կամ
ողջառողջ է. թնչպէս էլաւ, որ էդ կուռմը
նա անվնաս դուրս եկաւ, կամ կուռը չըկո-
տըրւեց, կամ գլուխը չըպատռեցին, անկա-
րելի է, որ մի բան պատահած չըլինի։ Ինչ
էլ որ լինի, դժար թէ նա հիմի սիրտ անի գայ։

—Խեղճ աղջիկ, ինչու ես յուսահատ-
ւել... Մի վախիր, Արզումանը շուտ կորչող
պառւղ չի, նրա ուշքն ու միտքը հիմա քեզ
մօտ է։

—Էդ էդպէս կըլինի, բայց չէ որ ձա-
ղարանց տղէքը մի մի թըւանք առած նրա
բուսունն են պահում, նա թնչպէս պիտի գե-
ղը մտնի։

—Թէ որ գիտես նա էդքան վախկոտ է,
էլ ինչք ես սիրում նրան։ ձաղարանց տղէքը
նրան պէտք է քնած գտնեն, որ սպանեն,
զարթուն ժամանակ նրան չեն կարող մօտե-
նալ։ Քնիր, քնիր, շատ մի մտածիր։ Երա-
զումդ կըտեսնես իրան, նա քեզ կասի, թէ
հիմա որտեղ է։

—Բա ասում էիր՝ հիմա կըդայ որտեղ
որ է...

—Ո՞վ գիտէ, կարելի է չեկաաա...ւ, ա-
սեց Մարիամը բարձրաձայն յօրանջելով։ Այս
յօրանջումը ազդեց և Հէրիքնազի վրայ, նա
էլ իր բերանը լայն բաց արաւ և օդի առատ
հոսանք ներս քաշեց։ Քնի հրեշտակը մօտե-
ցաւ վերջապէս և իր հովանաւոր թևերի տակն
առաւ մեր հիւրի-փարիներին։

ԺԱ

Մարիամն ու Հէրիքնազը քաղցը քնի մէջ
էին, երբ մօտեցաւ նրանց Արզումանը։ Լուռ
ու մունջ նստեց մահճակալի մօտ և զիմիշ
չարաւ նրանց զարթեցնել։ «Մի քիչ կընստեմ
ու կերթամ», ասեց մտքումը, «չըզարթեցնեմ,
մեղք են. բայց թնչ նշան թողնեմ, որ սրանք
էգուց իմանան, որ ես եկած եմ էլել։» Մտա-
ծեց, որ մի թել կապի Հէրիքնազի մատին։
Տըրխի թելի ծալրիցը կտրեց և անցաւ Հէ-
րիքնազի կողմը։ Հէրիքնազը կիսով չափ բաց-
ւել էր, ձեռները կուրծքին դարսել։

Արզումանը ձեռքը մեկնեց, բայց ձեռքն
սկսեց դողդողալ, ինչպէս ասեղը մագնիսի

առջև: Յետ քաշեց կաշտացած ձեռքը և գը-
լուխը մօտեցրեց, որ լեզով և շրթունքնե-
րով վերցնէ Հերիքնազի քնքուշ ձեռնիկը: Բե-
րանը բաց արաւ ու կամացուկ դրաւ Հերիք-
նազի թաթիկի վրայ: Նրա գլուխը ծանրա-
ցաւ, էլ չըկարաց վեր վերցնել: Հերիքնազի
երազը այդ ժամանակ փոխեց իր կերպարան-
քը: Նրան թւում էր, որպէս թէ մի ծառի
տակ պառկած է մէջքի վրայ և մի փոքրիկ
երեխայ իր կուրծքի վրայ կանգնեցրած՝ խա-
ղացնում է: Երեխան թրոթը ուում է, ինքն
էլ «պապար պապար» է երգում: Բայց հետըզ-
հետէ սկսեց լոգնիլ, շնչառութիւնը ծանրա-
ցաւ: Ուզում էր թողնել երեխային և գլուխը
բարձրացնել, բայց չէր կարողանում: Երազա-
կան տեսութիւններն սկսեցին արագ արագ
փոփոխւիլ. Նրան ճնշում են, խեղդել են ու-
զում: Վերջապէս կարողացաւ ձայն հանել
Հերիքնազը և զարթնել: Արգումանն իսկոյն
յետ քաշեց գլուխը և տեղը հանգարտ նստեց:
—Ախջի, էդ ի՞նչ էր, ինչք բղաւեցիր,
Հարցրեց Մարիամը նոյնպէս զարթնելով:
—Ոչինչ, էրազումս էի, պատասխանեց
Հերիքնազը երեսը շըջելով քրոջ կողմը:
—Երեսիդ խաչահանիր. ասա՛ անուն հօր,
և որթուն, և հոգուն, և սրփուն, ամմէն.

Խաչ օքնեա ինձ. ամենակալ, թողս մեղս իմ...
Հերիքնազը մըմնջեց քրոջ թելադրած աղօթ-
քը և կրկին քնի մէջ մտաւ. բայց Մարիամի
քունը փախաւ, էլ չըկարաց քնել: Արգումանն
ալդ նկատելով՝ խօսեց վերջապէս.
—Մարիամ, քնած ես, թէ զարթուն:
—Արգուման, դու ես:
—Ես եմ, հօ չէք բարկանալ իմ գալուս
համար:
—Քոռանամ ես, էդ ի՞նչ խօսք է, ինչք
ալիսի բարկանաք: Դու ի՞նչ գիտէիր, որ նա-
միրը տանը չի:
—Ես նրան տեսայ:
—Նա էլ տեսաւ քեզ:
—Չէ, նա ինձ չըկարաց տեսնել: Գիշերս
նա չի գալ. մնաց նախշուն վանքումը:
Սյա որ լսեց Մարիամը, միամտւեց, վեր
կացաւ իսկոյն, որ Արգումանի համար ընթ-
րէք պատրաստէ:
Հերիքնազը լսելով որանց խօսիլը, նոյն-
պէս զարթեց, թէպէտ վեր չըկացաւ:
—Ինչք չես խօսում, Հերիքնազ, թէ
քնած ես, ասաց Արգումանը, գլուխը դնելով
Հերիքնազի կուրծքին, որի անուշ հոտն առել
էր մի քանի ըոպէտ առաջ:
—Ի՞նչ խօսեմ, ասեց Հերիքնազը և ըս-

կըսեց հեկեկալ։ Ասում են քեզ պիտի բռնեն,
պիտի ուղարկեն Սիբիր, ախ, ե. ե. ես կը.
կը. կը մեռ. մեռ. նեմ. նեմ...

—Լաց մի լինիր, հոգիս, ինձ ոչով չի
կարող բռնել, և սկսեց Նէրիքնազի գլուխը
շոյելով ճակատից համբուրել, ասելով, մի
վախիր, հոգիս, ինձ չեն բռնիլ. մի քանի ա-
միս անցնի, ամեն ինչ կըհանդարտուի։

—Վայ թէ էդպէս չըլինի։

—Որ էդպէս չըլինի, էն ժամանակն էլ
ուրիշ բան կըմտածենք, հիմիկւանից ինչի
ենք դարդ անում։ Էն ժամանակը քեզ վեր
կառնեմ կերթանք Տաճկաստան։ Էնտեղ հա-
յեր շատ կան, մի քաղաքում, մի գիւղում կը-
կենանք, մեր գլուխը կըպահենք։ Եթէ բանն
էսպէս պատահի, կըգաս, որ քեզ տանեմ։

—Քեզ հետ Սիբիր էլ կերթամ չէ թէ
Տաճկաստան։ Կերթանք Ստամբուլ, Մարիամին
էլ կըտանենք։

—Չէ, Ստամբուլ հեռու է. կերթանք
Դարս, Երզըրում, էս մօտիկ տեղերը։ Բայց,
Նէրիքնազ, մի բան եմ ուզում ասել քեզ։

—Ասա, հոգիս։

—Ով գիտէ, աշխարհք է, էսօր մարդ չի
իմանալ, թէ էգուց ինչ կըգալ գլխին։ Թէ
որ բանն էնպէս պատահի, որ երկար ժամա-

նակ չըտեսնենք մէկ մէկի, խօսք կըտան ինձ,
որ մինչև իմ մահը չըլսես, ուրիշ մարդու չը-
գնաս։ Էս նրա համար եմ ասում, որ դու
աղջիկ ես, թէկուզ շատ էլ սիրելիս լինիս ինձ,
էդ չեն հարցնիլ քեզ, զօռով կըտան մէկ տղի,
շատ էլ որ դու հակառակ լինիս, կարող են
փախցնել, ինչ պէտք է անես։ Ես տղայ եմ,
ինձ ոչով չի կարող զօռով աղջիկ տալ։ Դու
գիտես, որ վաղուց է, որ սիրում եմ քեզ,
բայց ես հաստատ չըգիտէի, որ դու էլ ինձ
ես սիրում։ Մտքումս ասում էի, նրան ուզող
լաւ տղէք, հարուստ տղէք շատ կան, ինձ
ինչի կուզի. բայց հիմի տեսնում եմ, որ դու
լաւ սիրտ ունիս, լաւ ես իմացել, թէ ո՞վ է
գիշեր ցերեկ քո սիրովը հալւում, մաշւում,
ո՞վ է քեզ համար գլուխը լետ դրած։ Իմ
կեանքը, իմ ասլրեցնողը հիմի դու ես, միայն
դու։ Հենց որ իմանամ, թէ դու էլ իմը չես,
էն օրը գլխիցս ձեռք կըվերցնեմ, էլ ում հա-
մար, ինչու համար պիտի ապրեմ։ Մէկ մէր
ունիմ, էսօր կայ, էգուց չըկայ. ոտի մէկը
գերեզմանումն է։

—Հոգիս, մենք էրկուսս էլ մի սրախ ենք
ու մի մտքի. ինչ որ դու ես ասում ինձ, ես
էլ էն պիտի ասեմ քեզ։ Ասում ես՝ դու աղ-
ջիկ ես, քեզ զօռով մարդու կըտան, զօռով

կըփախցնեն։ Մէկ որ՝ լսելոք տղան էդ չէ անիլ. պէտք է առաջ աղջկայ կամքն իմանայ, տեսնէ նա էլ համաձայնէ թէ չէ։ Ամեն աղջկկ մէկ չի լինիլ. էնպէսն էլ կըլինի, որ իրան փախցնողի գլուխը կըկտրի, խանչալը փորը կըկոխի։ Ինձ ով կարայ փախցնիլ, մինչև ես ինքս չուզենամ, և երբ որ ուզենամ, էլ ինչ հարկաւոր կըլինի փախցնել։ Դու տեսնում ես, որ Մարիամն ինձ իր աչքի լոյտի պէս է պահում, գլուխը լետ դրած ունի ինձ համար։ Դրա համար դու իսկի մի մտածիր։ Լաւ իմանամ, որ ինչ որ ես եմ քեզ համար, էն էլ դու ես ինձ համար։ Կարճ ասեմ, երբ որ դու ինձ ես սիրում, ես էլ քեզ, էլ ուրիշ ինչ հարկաւոր է մեզ։ Ես հէնց մտքումո դրել էի, որ քեզ ասեմ, թէ մարդու կնկայ մէջ սէր չըկայ, մենք մարդու կնիկ չըդառնանք, հէնց էսպէս մնանք, որ միշտ սիրենք մէկ մէկու։ Ես հէնց իմանում եմ, որ աշխարհքումս ինձ նման բաղդաւոր ոչով չըկայ, սաղ աշխարհքը չեմ փոխիլ քո սիրոյ հետ...

— Ս.րզումանը լսելով Նէրիքնազի դիւցագնական խօսքերը, չիմացաւ ինչպէս շնորհակալ լինի նրանից։ Ս.րզումանը սիրում էր Նէրիքնազին անհաշիւ, բնազդմամբ, բնական

ընտրութեամբ, առանց գաղափար ունենալու նրա խելքի, նրա դատողութեան, նրա անհատական հակումների մասին։ Նա առաջ զմայլում էր նրա գեղեցկութեան վրայ, իսկ այժմ լսելով նրա լուրջ խօսք ու զբոյցը, սկսեց նաև հիանալ։ ծշմարիտն ասել, Նէրիքնազը մինչև ալժմ չունէր էլ լըջօրէն դատելու շնորհք, չունէր անհատական, ինքնուրոյն կարծիք ու համոզմունք։ Գիւղի մէջ ամենքն էլ առհասարակ մի կաղապարով ձուլւածի նման են լինում, վայ նրան, ով որ ընդհանուր ձուլուածքի տիպը չըկը էր վրայ։ Բացառութիւն կազմելու համար մարդ պէտք է բացառիկ հանգամանքների ենթարկւի։ Ս.րզումանն այս բացառիկ հանգամանքներին ենթարկելով՝ իրան վիճակակից էր արել և իր Նէրիքնազին, որ գիշեր ցերեկ նրա վրայ էր մտածում և կեանքի հանգամանքների վրայ կըիտիքական հայեացք ձգելով նոր կարծիք և նոր համոզմունք էր կազմում և այդ բոլորը այն վառ սիրոյ շնորհիւ, որ ունէր դէսի Ս.րզումանը։ Սէրը հրաշք է գործում, վառելով մարդուս երևակալութիւնը, որի մէջ աճում, զարգանում են ինքնուրոյնութեան սաղմերը։

Ս.րզումանը տեսնելով Նէրիքնազի հերո-

սական վճռականութիւնը, սկսեց նայել նրա վրայ ոչ միայն իբրև սիրուհու, այլ և իբրև մտերիմ ընկերուհու և իմաստուն բարեկամի վրայ: Արզումանի աչքերը, որ սովոր չէին արտասուք ցօլացնելու, այժմ սկսեցին աղբիւրանալ: Նա բունեց Հերիքնազի երկու ձեռքը, կպցրեց շրթունքներին՝ և ասեց.

— Հերիքնազ, Հերիքնազ, իմ աննման Հերիքնազ, քո եդ խօսքերը կենդանացը ին իմ եօթը եղալըներին: Հենց իմանում եմ, թէ հիմի եօթն ել կշտիս կանգնել, ինձ միսիթարում, ինձ սիրտ են տալիս, թէ մի վախենար, մենք քամակիդ կանգնած ենք: Իմ սիրուն, իմ աննման Հերիքնազ, երբ որ ձեր օջախն ու մեր օջախը վառ էին, մեր տների վրայ էսպէս փորձանքներ չէին դալիս: Դեղի մէջ մենակ լինելը, անօգնական լինելը աշխարհիս ամեն անբախտութիւնից բվատն է: Էսպէս չէր լինիլ ի հարկէ, եթէ արդար օրէնք, արդար դատաստան լինէր: Բայց վնաս չունի, ես այսուհետեւ էլ մենակ չեմ, քանի որ քո սիրտն ու միտքը ինձ հետ է: Մինչեւ հիմա դու միայն իմ նշանածն էիր, իսկ այսուհետեւ երկու բանով էլ աւելի ես — համ իմ քոլըն ես, համ իմ եղբայրս:

Հերիքնազը կուռը ձգեց Արզումանի շը-

լընքովը և սկսեց միսիթարել նրան: «Մի վախենար, Աստւած ողորմած է», ասեց և համբուրեց ճակատիցը: Նրանք երկուսն էլ մի առժամանակ լոեցին, և այս լուռթեան մէջ երջանիկ էին:

ԺԲՓ

Մարիամը գուրս եկաւ և Արզումանին ներս հրաւերեց հացի:

— Դէ գու էլ վեր կաց, Հերիքնազ ջան, ասաց Արզումանը և ինքը ներս գնաց:

Հերիքնազը երկար սպասեցնել ըլտւաւ, իսկոյն հագնեց և գնաց Արզումանի մօտ նստեց նրա վրայ թինկ տըւածի պէս:

Սուռմ են մթնի մէջ աւելի վառ է լինում մարդուս երեակայութիւնը, քան թէ լուսի, գիշերն աւելի, քան թէ ցերեկը: Բայց այս երեսոյթը եթէ ճշմարիտ էլ է, աւելի մաշւած մարդոց համար է, իսկ անարատ հոգիների մէջ, կուսական սրտերի մէջ երեւակայութիւնն ամեն անդամ էլ վառւում է, բաւական է, որ մի առիթ, մի շփումն լինի: Հիմա այս լինչու համար ասացի, ինքս

Ել չըգիտեմ, ուրեմն թողնենք այսպէս Ել
մնայ...

Սրգումանը սաստիկ քաղցած էր, և ա-
ռաւօտն էր կերել մի կտոր թուրքի սաշա-
հաց: Մեր թուրքերը մինչեւ հիմա Ել իրանց
նախնեաց սովորութիւնն ունին. մի բան գը-
տած ժամանակ ուտում են անկշտում կեր-
պով, բայց երբ բան չըկալ ուտելու, այնպէս
Ել մնում են: Գալիք պէս աղահ են, իշխ պէս
սակաւապետ: Այսպէս են մանաւանդ փախրս-
տական աւազակները: Մէկ օրում այնքան
ուտում են, որ մի շաբաթ բաւականանում
է: Ի՞նչ կը լինէր Սրգումանի վիճակն այս
իշագալերի մէջ, —կարելի է երևակալել: Սր-
գումանը թէպէտ քաղցած էր, բայց Նէրիք-
նազին տեսաւ թէ չէ, ստամոքսն իր պահան-
ջից յետ կացաւ, տեղի տալով սրտի պահան-
ջին:

— Զարմանալի բան է, ասաց Սրգումա-
նը. իմ միտս է, որ էսօր սովածութիւնից
սիրտս թութուում էր. բայց հիմա ախորժակ
չունիմ:

Մարիամը գիտէր, որ ուրախութիւնն ա-
խորժակ փակել գիտէ, բայց ախորժակ բա-
նալու հնարքը նոլնպէս գիտէր: Մի բաժակ
օղով լցրեց տըւաւ Սրգումանին, ասելով՝ գի-

նի չունինք, այս մի բաժակ արազով խմիր
մեր երկուսի կենացը: Սրգումանը ոչ օղի և
ոչ գինի խմելու սովորութիւն չունէր, բայց
Մարիամի առաջարկութեան համար թոյն Ել
որ լինէր՝ կըխմէր: Մի չաղ հաւ էր եփել Մա-
րիամը և մի քանի ձու խաշել: Լաւ ախոր-
ժակով կերաւ Սրգումանը, իսկ և իսկ թուր-
քի նման, որ մի շաբաթւայ պաշար ունենայ
ստամոքսումը: Մարիամը նկատեց, որ Սրգու-
մանի ծամելիքները, գաղար առնելու մտա-
դրութիւն չունի, վեր կացաւ մի մեծ աման
Ել սալ սալ մածնով լցրեց գրաւ Սրգումանի
առջեւը: Այս Էլ սրբեց մեր հերոսը և լետոյ
ասեց. «Զանէս բեզարեց. ուժ օր է, ինչ որ
էսպէս ախորժակով հաց չեմ կերել»:

Այս միջոցին աքաղաղը կանչեց:

— Ա՛յ զահըրումանը, բացականչեց Սրգու-
մանը: Երանի մութն ընկնի աշխարհիս վրայ,
Ել մէկ սաղ տարի չըլուսանայ:

— Կուղես մի սաղ տարով քեզ էնպէս մի
մութը տեղ գցեմ, որ սատանան Ել չըգտնի,
ասեց Նէրիքնազը:

— Ո՞րտեղ կըգցես:

— Մեր մեծ տան ներսի օժախը:

Սրգումանը լսել էր սրանց մեծ տան
համբաւը, բայց աչքով չէր տեսել: Մի ան-

վառ ճրագ և լուցկի վեր առան և մեծ տունը մտնելով՝ ճրագը վառեցին։ Արզումանը միքանի քայլ առաջ գնալով՝ ճրագը բարձրացրեց և սկսեց չորս կողմը նայել։ Ահագին մեծութեան կօնաձեւ մի շինութիւն էր այս տունը և վերև նախողին թշրում էր, թէ ուր որ է պիտի փըլի։ Ութ ահագին հաստութեան փայտէ սիւների վրայ էին հաստատւած առաստաղի հաստ ու երկայն գերանները, որոնք կիսով չափ փտել էին արդէն և մօտ էին կոտրատւելու։ Արա համար բանի պէտք չէին ածում այս տունը, բայց չէին էլ քանդում։

Այս տան միջով Հերիքնազը առաջնորդեց Արզումանին և տարաւ իր ասած ներսի սենեակը, որ կրիաձեւ կորաքամակ մի բնական մեծ շինութիւն էր։

— Ահա քեզ տուն և մուժ աշխարհ, ասեց Հերիքնազը։ Ժամանակով մեր հարսնատունն է եղէլ սա, մէկ տարի էլ դու հարսնութիւն արա։ Լաւ կաւլեմ, կըսրբեմ, ամեն օր հացդ ջուրըդ կըբերեմ, շատ անգամ մօրդ էլ կըկանչեմ կըգայ էստեղ քեզ կըտեսնի։ Հը, ինչ կասես։

— Զէ, Հերիքնազ ջան, դու մի վախիր, ես առանց էստեղ մնալու էլ քեզ շուտ շուտ

կըտեսնեմ, էլ ինչ հարկաւոր է, որ ինքս ինձ բանտի մէջ գցեմ։ Բայց էստեղ մի բան միտս ընկաւ։ Մի ժամանակ նորապսակներին բերում էին էստեղ համբուրելու, ուր է էն օջախը։

— Էդ մեծ տան օջախն է. եկ տանեմ ցոյց տամ։

Երբ որ գնացին օջախի մօտ, որ մեծ տան կենդրում էր, Արզումանն ասեց.

— Հերիքնազ, դու հաւատում ես, որ էս օջախը գօրաւոր է։

— Էդ ինչ խօսք է, ի հարկէ հաւատում եմ։ Ամեն շաբաթ իրիկուն, ահա տեսնում ես, էս քարի վրայ մոմ եմ վառում, ծունը գնում։ Երբ որ իմ հօրն ու մօրը տեսնում եմ էրազումս, իմ հէրն ահա էնդեղ է լինում նստած, մէրս էլ ահա էստեղ, մէկ մէկու դէմ ու դէմ։ Սաղ ժամանակն էլ էդտեղ էին նստում։ Նըրանց տեղն ոչով իրաւունք չունէր նստելու։ Հարսներն էլ երբ որ բան չէին ունենում, ներսի օժախումն էին նստում, իսկ հաց ուտելիս գալիս էին էսպէս շնորքով կանգնում։

— Զարմանք բան է, ի՞նչպէս էլաւ, որ էս շէն օջախը էսպէս շուտով հանգաւ։

— Աստղու կամքն էր. ամեն ցաւ, ամեն պատուհաս վրայ վրայ եկաւ...

— Իմ լաւ միտո է, որ առաջ խօլերը եկաւ, յետոյ տաւարի ցաւը. յետոյ չըդիտեմ. էլ մի ինչ ցաւ էր, մեր գիւղի կէսը տարաւ...

— Էդ թող, էդ ցաւերի անունը մի տար, լաւ չի: Քեզ մի ուրիշ բան ասեմ: Ես միշտ մօրս տեսնում եմ էրազումս, միշտ իր տեղն է լինում նստած: Վազում եմ գլուխս գնում գոգումը, նա էլ ձեռն է քսում գլխիս, էրեսից պաշում: Բայց էս գիշեր որ դու եկար մեր տուն, ես էլի մօրս տեսալ էրազումս, բայց շատ տխուր էր, ոչ գլխիս ձեռը քսեց, ոչ էրեսից պաշեց, կասես վրաս բարկացած լինէր:

— Ի՞նչ ես կարծում, ինչի պէտք է էդ-պէս լինէր:

— Ով գիտէ, կարելի է թէ իմ արարմունքը նրան դուր չի եկել որ ես...

— Հասկանում եմ: Նրա համար, որ դու նշանւած չես, և ինձ սիրում ես:

— Էդպէս եմ կարծում...

— Հէրիքնազ ջան, գիտես ինչ կայ. ես ուզում էի օրինաւոր նշան բերել, բայց բանն էսպէս եկաւ: Ես հիմա ինձ մօտ մի խաչ մանէթ ունիմ քեզ համար պատրաստած, որ շըլնքիդ կապես:

Արզումանը հանեց խաչ մանէթը և տըւաւ Հէրիքնազին՝ ասելով.

— Ահա քեզ նշան: Թէ որ կուզես, դու էլ քո մատնիքներիցդ մինն ինձ տուր: Արի իմ հոգի, չոքենք, էս օջախի քարիցը համբուրենք, թող քո հէրն ու մէրը տեսնեն, մեր նշանն օրհնեն:

Հէրիքնազն առաւ խաչ մանէթը, իր մատից մի մատանի հանեց տըւաւ Արզումանին. չոքեցին, համբուրեցին օջախի քարիցը և յետոյ իրանք համբուրեցին: Որքան սէր, որքան սրբութիւն կար այդ համբուրի մէջ...

Մարիամը մեծ տան մութ անկիւնումը կանգնած՝ ականատես վկայ էր այդ բոլոր անցքին: Նա ձայն չէր հանում ու չէր ուզում խանգարել, միայն վերջին համբուրից յետոյ մօտեցաւ և ասեց.

— Ուխտները ընդունելի լինի, Աստւած մուրազներիդ հասցնէ:

— Ամէն, ամէն, ասեցին միաձայն Հէրիքնազն ու Արզումանը:

Այս միջոցին աքաղաղը երրորդ անգամ կանչեց և մեր փախած Պետրոսին իմաց տըւաւ, որ ժամանակ է ապաշխարելու երթալ...



ԵՐԿՐՈՒ ՄԱՍՆ

Ա♦

Ամառն էր: Գիւղացիք սովորութիւն ունէին ամեն ամառ սար երթալու: Մեր սարերը, որ ձմեռն անմարդաբնակ են լինում և անհիւրընկալ իրանց բուք ու բորանով, ամառ ժամանակ կատարեալ դրախտի են փոխարկում, հիւրասիրելով իրանց ստորոտներում և լանջերի ու գագաթների վրայ անթիւ ոչխարներ ու տաւարներ: Որքան երեւելի է Արագածը իր պատւական արօտատեղիներով և անմահական ջրերով, որքան երեւելի են Արցախի և Սիւնիքի սարերը, նոյնքան և աւելի ևս երեւելի են Գուգարաց աշխարհի սարերը—Լալւարը, Լօքը, Ղարախաչը, Ագրիղառը, Թէլիդաղը և ուրիշ անթիւ սարեր, որոնք կարծել են տալիս սարեցուն, որ Եղեմական դրախտն այստեղ է եղել, ուր Ազամն ամառը բնակելով՝ ձմեռն արտաքսուել, գնացել է Ղարաեազ:

Այս սարերից մի քանիսի ստորոտում անտառներ էլ կան. այս կողմանէ երեւելի են մանաւանդ Լօքի և Լալւարի հիւսիսալին ստո-

բոտները, որոնց շատ տեղը իրանց անմատչե-
լի լինելովը գեռ ևս կացնի ձայն չեն լսած։
Այս անտառների մէջ կայ և որսերի առա-
տութիւն. — արջ, խոզ, եղնիկ, եղջերու, խըմ-
բերով են ման գալիս։ Սեպտեմբեր ամսին ցուլ
եղջերուներն իրանց գոռոցով դըրմբացնում են
բոլոր ձորերը։ Այս սարերումը կան և ամուր
պատսպարաններ զողերի և աւազակների հա-
մար։ Սրանց մէջ ամենանշանաւորը Ղարան-
յլիս-Դարա առւածն է, որ նշանակում է Մը-
թին ձոր. պակաս չէ և Շէլթանլուն, որ կը-
նշանակէ Սատանի բոյն, ինչպէս և Գիւլի-
Մամմադը, որ մի նշանաւոր աւազակի անուն
է կրում։ Այստեղերը մօտիկ լինելով Տաճկաս-
տանից, երկու կողմի աւազակների հաղորդակ-
ցութիւնը հեշտանում է, մի կողմից միւս կողմ
են փոխադրում իրանց կողոպուտը։

Սարեցիք ամբողջ ամառը մի տեղ ան-
շարժ չեն մնում, այլ երկու և երեք շաբա-
թը մէկ անգամ տեղափոխուում են, որ անա-
սունների համար խամ արօտատեղ ունենան։
Այս տեղափոխութիւնը մի առանձին անյար-
մարութիւն չի պատճառում, դժար չէ իրանց
շարժական դագէքը հաւաքել և մի ուրիշ
տեղ սարքել։ Բնակութիւն հաստատելու հա-
մար որոշ տեղեր կան, որոնք ասւում են

Իւր գ կամ Ուրդ։ Ամեն ուրդ մի անուն ու-
նի, ասում են օրինակ, Վերի ուրդ, Ներքի
ուրդ, Մէջի ուրդ, Ցեխի ուրդ, Քամի ուրդ,
Մէլիք-Ապովի ուրդ, Պօղոսի ուրդ և այլ շատ
ուրդեր։ Երբ որ ուրդը կամ մի հովիտ, մի ձոր,
մի սար մարդու անուն է կրում, այդ ցոյց է
տալիս, որ այն մարդը մի նշանաւոր գործ է
կատարել այնտեղ։ Մէլիք-Ապովի՝ իր անունը
կրող ուրդումը եօթը լեզզու գլուխ է կտրել,
երեքին էլ ողջ ողջ մաշկել, միայն երկուսին
է աղատել, որ լուր տանեն իրանց աշխարհը։
Ասում են, մինչեւ այդ ժամանակ, որ լեզզի-
ների արշաւանքը մի սովորական բան էր, իս-
պառ վերջացաւ։ Պօղոսի համար պատմում
են, որ ինքը և նշանածը իրար կուռ բռնած
անցնում են եղել ալժմ իր անւանը նւիրւած
ուրդով։ Այդտեղ նրանց շրջապատում են լեզ-
զիքը և ուրգում են բռնել գերի տանել, Պօ-
ղոսն անձնատուր չի լինում. խանչալը տալիս
է նշանածին, իսկ ինքը թրով յարձակում
է լեզզիների վրայ և աջ ու ձախ կոտորում։
Բայց լեզզիքը շատ ժամանակ չեն տալիս,
ութի իննը հրացան մէկ անգամից արձակելով
վրան՝ գնդակահար են անում քաջ երիտա-
սարդին։ Իր սիրեկանի մահը տեսնելով՝ Պօղո-
սի նշանածը, Զառին՝ ընկնում է խանչալի

վրայ և ինքն իրան սպանում։ Եւ այսպէս երկու անարատ հոգիք, գեռ ևս կոյս, անթառամ պսակին են արժանանում։ Ամեն անդամ այնտեղով անցնելիս, մեծերը պատմում են փոքրերին այս անցքը, որ մեծ տպաւորութիւն է գործում լսողների վրայ։

Բ♦

Վարդավառի շաբաթ օրն էր։ Սարիեալը, ուր վարդի կոկոնի նմանութիւն բերող մի բլուր է, հեռւլից նայողին այնպէս է թրւում թէ ահազին մեծութեան մի ծաղկափունջ է։ Ինչ գոյնի ծաղիկ ասես, որ նրա վրայ չըկար, մինը քանը միւսը պայծառ, մինը քանը միւսը հոտաւէտ։ Հարս ու աղջիկ զուգւել, զարդարւել էին այդ օրը և այդ սարի վրայ ծաղիկ քաղելու էին գնացել, որ միւս օրը կատարեն վիճակախաղի հանդէսը։

Զըգիտեմ ինչիցն է. ամեն տեղ վիճակախաղի հանդէսը Համբարձան տօնին են կատարում, իսկ Ղարաբաղ և նոյն տեղից գաղթածները՝ Վարդավառին։ Այս էլ պէտք է ասել, որ ոչ մի տեղ Վարդավառը այնպէս փա-

ռաւոր կերպով չի տօնւում, ինչպէս Ղարաբաղում։ Նրանք չեն ասում Վարդ ավառ, այլ Վարդ թէ ւուր, որ կընշանակէ վարդ աւուր, և այս է հէնց այս տօնի էլ պատմական նշանակութիւնը, որովհետեւ Ղարդաւորը Անահիտն էր, որ ունէր վարդի մատն և առում էլ էր Վարդամատն։

Ծաղիկ քաղողների մէջն էր և մեր Հէրիքնազը, որ ամեն մի ծաղիկ պոկելիս խղճահարւում էր, թէ մեխի չեն այս ծաղիկները, որ այսպէս անգիտութեամբ կտրում, հեռացնում ենք իրանց արմատից, չէ որ սրանք էլ հոգի ունին, սրանք էլ ունին մուրագ։ Սրդեօք սէրն էր նրան այս աստիճան քնքացըել։ Աւելի գալար, աւելի պածառ ու գեղեցիկ ծաղիկներին զիմիշ չէր անում ձեռը տալ, աշխատում էր այնպէս քալիկ, ոտներն այնպէս փոխել, որ ոչ մի ծաղիկ, ոչ մի խոտ չըճըխէ, չըթառամեցնէ։ Այս տըամադրութեան մէջ ինչ տարօրինակ բան ասես՝ երևակայում էր Հէրիքնազը։ Մի ծաղիկ նրան թըւում էր որպէս նորահարս, միւսը նորափեսայ, մէկը պառաւած, միւսը գեռ մանուկ, մէկին պաշազում էր, մէկէլի կշտին նստառում, վրան նայելով զմալում էր։ Հիանում էր նրանց ձեւերի կանոնաւորութեան և համաչափութեան վրայ 6

և այնպիսի լատկութիւններ էր նշմարում, որ
մինչև նոյն օրը աչքին չէին զարնւել, ուշա-
դրութիւնը չէին գրաւել։ Մինչև այսօր նրանք
անշունչ բաններ էին, որոնց պոկել և հոտ
առնել կարելի էր միայն, բայց Հիմա բոլորն
էլ շունչ, բոլորն էլ հոգի առած՝ խօսում էին
նրա հետ։ Միւս աղջկէքը ուրախ ու զըւարթ,
երգելով, «գիւլըմ հայ» կանչելով, մէկ մէկի
բոլթելով, հրելով, միմեանց տակ ու գլուխ
ընկնելով, գլուխելով, վազվզում էին մէկ թու-
փից միւս թուփ, մէկ ծաղկից գէպի միւսը,
ասում էին—տեսնենք ով շատ կըքաղի, ով
աւելի շատ գոյնի ծաղկներ կունենայ, և
այսպէս բաւականին հեռանում էին, իսկ Նէ-
րիքնազը չէր մասնակցում նրանց զըւարժու-
թեանը, չէր վազում նրանց հետ։ նա՝ կար-
ծես գիտութեամբ՝ լետ էր մնում, որ մենակ
մնայ, և շատ էր սիրում նա այդ մենակու-
թիւնը։ Միւս աղջըկէքը հասել էին սարի գա-
գաթը, բայց ինքը գեռ նրա ստորոտումն էր
և չէր ուզում նրանց հետեւիլ, որ չըզբկւի իր
քաղցր ցնորքներից։

Արդէն հինգ ամիս էր անցել, ինչ որ
Արգումանին չէր տեսել, նրանից ոչ մի համ-
բաւ չունէր։ Այդ հինգ ամիսը հինգ տարուց աւե-
լի էր թըւում Նէրիքնազին։ Հինգ ամսւան մէջ

բաւական կերպարանափոխւել էր Նէրիքնազը։
Նրա աչքերը, որ առաջ էլ հայկուհու աչքեր
էին, թուխ թուխ, խոշոր ու վառվառուն, բայց
մի տեսակ ապցութիւն ունէին, գեղեցկու-
թեան հետ ունէին և գեղացութիւն, իսկ
այժմ մի նոր ոյժ, մի նոր զօրութիւն էին
ստացել, որով թափանցում էր նա գիտելի
առարկալի մէջ, թափանցում էր մարդու սըր-
տի և հոգու խորքերը։ Նրա գէմքի գծագրու-
թիւնը առաջ էլ գեղեցիկ էր, բայց այժմ
փոխւել էր արտայալտութիւնը, որ աւելի վը-
սեմ և աւելի սքանչելի էր։ Առաջ նա մի գե-
ղեցկութեան կուտակութիւն էր, ինչպէս վար-
դը կոկոնի մէջ, իսկ այժմ բացւել էր իր բո-
լոր շքեղութեամբ։ Առաջ նա մի գեղեցկուհի
էր, իսկ այժմ մի աստածուհի, արամազդեան
գերդաստանից, որ Նէլէկոնեան լեռներից տե-
ղափոխւել էր Սարի-եալ, որ մի քիչ ժամա-
նակ անց կացնէ հողեղէնների հետ։ Զքնա-
զատիպ, աննման արարած, պաշտելի՛ Նէրիք-
նազ…

Վազուց արգէն ազապ աղերանց երեա-
կալութեան միակ նիւթը Նէրիքնազն էր։ Ան-
յարմար էին համարում Նէրիքնազ անունը
տալ նրան, Դիւնեա-գեօգալի էին ասում,
Արաբի-Զանգի, Ասլի ու Մէհրի, Գիւլու-

գար, և առհասարակ աշխատում էին իրանց սիրած վէպերի հերոսուհիների անունը տալ նրան, բայց ոչ մէկը չէր կպչում, նա մնում էր քարձեալ Նէրիքնազ: Շատերը խաղ էին կապում (երգ յօրինում) և կամենում էին Արզումանի արկածների պատճառը համարել, բայց չէին կարողանում յաջողցնել, չէր ընդհանրանում: Մի բիծ, մի արատ չէին կարողանում գնել վրան, որովհետեւ զօրաւոր օջախի զաւակ էր, ժողովուրդը պատկառանքով էր նայում նրա վրայ և համոզուած էին, որ մի որ և իցէ անտեղի ակնարկութիւն դէպի նա՝ անպատիժ չի մնալ:

Շատերը խնամախօս եկան հարուստ և շէն տներից, շատ հեռաւոր գիւղերից, և քաղաքից, բայց ամենքն էլ մերժւեցան: Շատերը փորձ արին փախցնելու, բայց տեսան, որ Նէրիքնազի փախցնելը դժարին գործ է և անհնարին, քանի որ նա ինքն իրան պաշտպանելու և քաջութիւնունի և զէնք:

Ոչ ոք, բացի Մարիամից, չըգիտէր, որ Նէրիքնազը նշանւած է: Երշունջ կար միախն, որ Նէրիքնազը սիրահարւած է Արզումանի վրայ, բայց ձեռներին ոչ մի փաստ չունէին: Շամիրը շատերին էր խօսք տալիս, շատերից ընծաներ առնում, որից մի ձի, որից մի հրա-

ցան, բայց նալատակին չըհասնելով՝ ընծաները յետ էր դարձնում: Մի մեծ պատերազմ էր այս, բայց Նէրիքնազը այս պատերազմից յաղթող դուրս եկաւ և հաստատ մնաց իւր սիրու մէջ:

Նէրիքնազը տեսաւ որ իր ընկերները շատ են հեռացել, էլ չուզեց նրանց ետևից հասնել: Նստեց տեղնուտեղը և սկսեց իր քաղած ծաղիկները երգելով փնջել: Առաջ «Ճանդիւլըմ» երգեց մեզմ ձախով, յետով սկսեց բայթի: Բայաթին նրա սիրտը այնպէս շարժեց, որ արտասուք եկաւ աչքերից: Լայ էլաւ Նէրիքնազը, առաջ կամաց, բայց քիչ քիչ ձախով բարձրացրեց և սկսեց բոլոր ուժովը գոռաւ, որ մէկ անգամից դուրս վիմետ բոլոր կոկիծը:

Հինգ ամսւայ մէջ շատ բան էր զգացել Նէրիքնազը, շատ էր տիրել, բայց ոչ մի անգամ չէր լաց էլել: Նրա սիրտը քարացածի պէս էր: Բայց հիմա, երբ աչքը ձգեց իր չորս կողմի սարերի վրայ, երբ երևաց Ղարանլըխ-Դարան, որ մութ անդունդի նման երկարումէկ ձգւել էր երկու ահազին լեռների միջով, Նէրիքնազի սիրտն ուռաւ և ուզեց կուրծքը պատռել: Ահա այդ ձորն է Արզումանի բնակարանը, ասում էր նրա սիրտը և ուզում էր թռչել դէպի այն կողմը:

Հերիքնազը երկար, երկար ժամանակ նայեց դէպի Մթին ձորը և մի տխուր տպաւորութիւն ստանալով, աչքը ձգեց միւս բլուրների և սարերի վրայ, որոնք նոյնպէս տխրութնամբ էին նայում իր վրայ: Մի տխուր նախազգացմունք դրգեց նրան, թէ այս վերջին անդամն է, որ զմայլում է իր ծննդարանի շքեղ տեսարաններով, էլ Կաթնաղբը ջրիցը չըպիտի խմի, էլ Բոխոտ սարի հաղարճիցն ու մռիցը չըպիտի ուտի, էլ Զուխտակ աճարքու վրայ կարմիր թել չըպիտի կապի, որ լիշտակ մնայ, միւս տարին գայ մի նոր թել աւելացնի, էլ Սարի-եալի վրայ ծաղիկ քաղելու չըպիտի գայ... Այսպիսի տխուր մտածմունքներից յետու մի թալկութիւն եկաւ վրան և պառկեցաւ ցօղաթափակ ծաղիկների մէջը և քունը տարաւ:

Մարիամը տեսաւ որ Հերիքնազը բաւական հեռու է մնացել, վախեցաւ, թէ մի փորձանքի չըպատահի, մանաւանդ նկատելով՝ որ հեռւից ձիաւորներ են գալիս այնպիսի արագութեամբ, որ կարծեց թէ Հերիքնազին փախցնելու են գալիս: Իր հետ մի խումբ աղջիկ առաւ և սկսեց սարիցը վայր իջնել դէպի Հերիքնազը: Գիաւորները Հերիքնազին չընկատելով՝ ուղղակի գիմեցին դէպի Մարիամի խումբը: Նրանցից մինը վայր իջաւ ձիուցը.

Մարիամը ճանաչեց, որ նա Արզումանն էր, և իսկոյն մօտ գնաց բարեեց: Արզումանը մի քանի խօսք ասեց Մարիամին և իսկոյն ձին հեծաւ ու կալծակի արագութեամբ հեռացաւ իր ընկերների հետ: Աղջկերքը ուրդ հասան թէ չէ՝ չաւ արին ամեն տեղ, թէ Արզումանին տեսանք, Մարիամը նրա հետ երկար խօսեց, բայց մենք չիմացանք թէ ինչ խօսեցին:

Պատ

Այս շաբաթ Երեկոյին մի առանձին ուրախութիւն և զրւարճութիւն էր երեսում սարեցոց մէջ, մանաւանդ ջահիլ աղջիկների և տղաների: Միակարգ շարւած դագէքի առջև խարոյկները աւելի էին թէժացրել: Կարմրաթուշիկ հարսն ու աղջիկք պատել էին կրակների չորս կողմը: Մի տեղ շըւի էին ածում, մի տեղ երգում, բայց ամենից շատ հաւաքւել էին պառաւ Հոռոմի մօտ, որ սկէուրութիւն և մայրութիւն էր անում ամենքին և առանց նրա հրամանին ոչինչ անել չէին կարող միւսները:

Երկինքը բաւական պարզ էր այս գիշեր: Թէպէտ լուսին արդէն անցել էր արևմտեան

սալերի քամակը, բայց այնտեղից դարձեաւ օգուտմ էր երկնքի պայծառ աստղերին և լուսաւորում մօտակայ սարերն ու ձորերը: Բազումք աստեղատունը բաւական բարձրացել էր և ցոյց էր տալիս, որ մօտ է կէս գիշերը, բայց այս գիշեր կարծես ոչ ոք մտադրութիւն չունէր քնելու: Սրա պատճառն այն էր, որ առաւտեան արշալուսին աղջկէքը իրանց քաղած ծաղկիլ պէտք է տանէին եօթն աղբիւրի ջրով ցօղէին. իսկ տաւարածները պիտի աշխատէին նրանցից այդ ծաղիկը խլելու: Սա մի կրիւ է, որ կատարւում է տղալոց և աղջկանց մէջ, որից յաւաջ է եկել և կուած աղջի կ բառը: Եթէ տղջըկէքը ծաղիկը խլել տան, պէտք է տղաներին ընծաներ տալով՝ յետ առնեն: Ընծան լինում է մի քանի ջուխտ նախշուն գուլքա և զանազան ուտելիք — ձբւաձեղ, սեր, գաթա: Տղէքը այդքան ընծաների համար չեն աշխատում, որքան տղատելու համար այն ամօթահարութիւնից, որ պիտի կրեն աղջկներից, նրանց ծաղը ու ծանակը պիտի դառնան, եթէ չըկարողանան խլել: Իրաւունք ունին և գողանալու ծաղիկը, որ մի բշուղի մէջ թաքցրած են պահում այս գիշեր:

— Այ տղէք, քիչ լախուհաչի տըւէք, զնացէք շնթռկէցէք: Առաւոտները ձեզ վեր-

կացնել չի ըլում, որը կէս օր է ըլում, որ կովերն արօտ էք տանում, առայ պառաւ Հոռոմը բարկանալով տաւարածների վրայ:

— Նը՞մ, եղ քու բանը չի. ուզում էք մեզ քնացնէք, որ ձեր բանը լաւ տեսնէք համ: Տղէք, սուտ է ասում. խաբում է մեզ. չըքնէք, ասեց տաւարածների գլխաւորը:

— Չըքնէք էլ, ոչինչ չէք կարող անել, անմեղէք անուշ քունըները կտրում, ասեց մի աղջիկ հեգնելով:

— Դուք մազ մանեցէք, առաւոտը ձեզ կծկիլ կըտանք ձեր մանածը. որախօսեց մի տաւարած:

— Կաչեցէք ինչքան կուզէք, մենք էնքան շատ ենք, որ մեզ ոչինչ չէք կարող անել:

— Ինչքան էլ շատ ըլիք, էլի տակի դոլը ձերն է...

— Վայ, գետինը մտնես...

— Քեզ հետ կըմտնեմ թէկուզ դժոխքը...

— Քու խրատողի էրեսիցը կպչես:

— Դու ես իմ խրատողը:

— Թաղեծ արեւդ, ես քեզ երբ եմ խըրատել:

— Գիշերըս կըխրատես, ես էլ խելօք կըկենամ:

—Ես գիտեմ, քեզ ինչպէս կըխրատեմ:
Սյս ասելով աղջիկը մի խնձոր վեր առաւ, որ
տղախ գլխին խփի. նա վախաւ, գլուխը պըր-
ծացրեց:

—Ախչի, թողէք էդ շներին, ինչ էք հա-
չացնում, ասեց Հոռոմը: Դուք քաշւեցէք ձեր
տեղերը, թող գրանք էնքան կենան, որ ջա-
նըները դուս կայ: Թէ որ դօչաղ տղէք են,
առաւօտը կերևայ:

—Կերևայ, հալբաժ կերևայ: Մի Հէրիք-
նազ ունիք, նա էլ հրէն տեղումը պառկած
դելն է տալիս. էլ ով ունիք, որ ձեր էրեսը
պարզ անի, ասեց տաւարածների գլխաւորը,
որ մօղովից տւելի իշխանութիւն ունէր ա-
մեն տաւարածների վրայ: Սա վեր կացաւ տե-
ղիցը, և միւսների հետ հեռանալով՝ կարգա-
դրութիւն արաւ: Ամեն աղբիւրի մօտ չորս-
հինգ հոգի ուղարկեց, որ պահպանեն մինչև
լոյս:

Հէրիքնազն այս նախատօնէքին ներկայ
չէր: Ծաղկաքաղից տուն հասաւ թէ չէ Հէ-
րիքնազի ջանն սկսեց կոտրատւել. և ծնօտիքն
երար զարկւելով իմացրին նրան, որ այս է
ահա դող ասած բանը, որ ունեցած չէր եր-
բէք: Արդէն տասնութ տարեկան էր Հէրիք-
նազը, բայց դեռ ևս ոչ մի անգամ հիւան-

դացած չէր: Երկու տարեկան ժամանակն էր
ծաղիկն ու կարմրուկը հանել և այն էլ շատ
թեթև, և չէր էլ լիշում ինքը: Իսկ այժմ
ընկել էր դողի անգութ ճանկերը, որ բաւա-
կան գողացնելուց լետով, ձգեց մի անտանելի
տաքութեան մէջ և Հէրիքնազն սկսեց դելը
տալ:

Արգումանն այսօր Մարիամին տեսնելով
Սարիեալումը, ժամադիր էր եղել վերի
աղբիւրի մօտ տեսնելու Մարիամին այս գի-
շեր: Մարիամը գնաց նշանակած տեղը և գը-
տաւ Արգումանին, որ այնտեղ թաք կացած
սպասում էր:

—Ոսա տեսնեմ ինչ ունիս ասելու, ա-
սեց Մարիամը:

—Են եմ ուզում ասել, որ էս քանի ա-
միսը էն կողմումն էի (սահմանից դուրս): Են-
տեղ մի քանի ծանօթների գտայ. նրանք
խօսք տըւեցին ինձ, որ լաւ կընդունեն և
լաւ կըսահպանեն, եթէ գնամ իրանց մօտ
ընակւեմ: Հիմա ուզում եմ Հէրիքնազին
առնել էն կողմն անցկենալ. էնտեղ, ինչպէս
մեր օրէնքն է, կըսահպանք և մեզ համար
հանդարտ կապրենք:

—Ես համաձայն եմ, Արգուման: Թէպէտ
շատ դժար է ինձ համար մի հատիկ քըո-

ջիցս զըրկւելը, բայց լաւ է էդպէս անես,
քան թէ սաղ աշխարհքս մեզ վրայ հաշացնես:
Բայց գիտես, Հէրիքնազը հիմա հիւանդ պառ-
կած է, դողացնում է: Պէտք է մի քիչ համ-
ըերես: Եգուց չէ, էլօր կերթանք ներքի ուր-
դը. էնտեղ չորս կողմն անտառ է. կարող ես
մժնով գալ Զուխտակ աճարքու մօտերքը, ես
էլ կըգամ էնտեղ, երբ որ լաւացած կըլինի
Հէրիքնազը, քեզ իմաց կըտամ...

Հէնց այս միջոցին մի քանի տաւարած-
ներ շըջապատեցին Արզումանին ու Մարիա-
մին: Արզումանը դրանց տեսնելով հեռացաւ,
իսկ Մարիամին բռնեցին:

— Ծաղիկը մօտըդ է, տուր, բղաւեցին
երեք-չորս տաւարած:

— Ի՞նչ ծաղիկ, ի՞նչ էք ասում, ասեց
Մարիամը շփոթւելով:

— Թողէք, թողէք, ասացին միւս տաւա-
րածները, որոնք ճանաչեցին Արզումանին,—
դրանց ծաղիկը ուրիշ կրւածաղիկ է, մեր ու-
զած ծաղիկը չի: Եւ սկսեցին մէկ մէկի ա-
կանջում փսփսալ—տեսար, տեսար, Արզումա-
նըն էր, Արզումանն էր...

Դա

Միւս օրը սովորական հանդէսը շատ փա-
ռաւոր կերպով կատարեցին աղջըկէքը: Ծա-
ղիկը կիսել էին և տրւել երկու խմբի ձեռքը:
Առաջին խումբի ձեռիցը խլեցին տաւարած-
ները և ուրախութիւնից գժւածի պէս փա-
խան: Իսկ միւս կէսը աղջըկէքը տարան ցո-
ղեցին իրանց ուզածի պէս և վերադարձան
ուրախ ուրախ: Տաւարածները երբ որ իմա-
ցան իրանց խարւած լինելը, խլած ծաղիկները
խաչածե փնջեցին և կախեցին կովերի ճակատնե-
րից: Այսպէսով համ կովերը զարդարւեցին ծա-
ղիկներով, համ աղջըկէքը կտարեցին իրանց
հանդէսը աւանց տղաներին հարկ վճարելու:
Բայց տղէքը մտածեցին, որ իայս խորաման-
կութեան վրէժը միւս տարի առնեն, և սրա-
նով միիթարեցին իրանք իրանց,

Առաւոտը վաղ վեր կացաւ Հէրիքնազը
և ուզում էր հանդէսին մասնակցել, բայց
Մարիամը թոյլ չըտըւաւ, թէ կըմբսես, դո-
ղբդ կըլլիկնւի, տաք կաց, որ լաւանաս շու-
տով: Նա չըպատմեց իր գիշերալին ալցելու-
թիւնը, չասեց որ Արզումանին տեսել է, որ
Հէրիքնազին մի նոր մտածմունքի մէջ չը-
ձգէ:

Հերիքնազը երկու մատանի ուղարկեց
Մարիամի ձեռով, որ գցէ բղուղի մէջ: Մատ-
նիքներից մէկն իր համար էր, իսկ միւսն Ար-
դումանի : Այդ մատնիքները հանեցին
թէ չէ, իրանց հարեանի աղջիկը բերաւ Հե-
րիքնազին տըւաւ և պատմեց թէ որի համար
ինչ վիճակ դուրս եկաւ:

—Դէ ասա տեսնեմ, Մագթաղ ջան, սրա
համար ինչ դուրս եկաւ, ասեց Հերիքնազը իր
մատնիքի համար:

—Դրա համար Դախունց Թէլլուն ասեց.

Սիրել եմ սէրն էրէսին,

Ըուշան թերն էրէսին,

Ով իմ սիրածն ինձ շըտալ,

Աստծու կալծերն էրէսին:

—Ամմէն, ասեց Հերիքնազն ուրախանա-
լով: Դէ հիմի էլ էս ասա, սրա համար ինչ
դուրս եկաւ:

—Դրա համար էլ Գիւլջըհանն ասեց.

Այ տղալ, բաղովն արի,

Ուներդ շաղովն արի,

Էս թաղը դալմաղալ է,

Ման տուր, էն թաղովն արի:

—Արի, հոգիս, արի, մրմռաց Հերիքնա-
զը: Խօ սուտ չես ասում, Մագթաղ, ըղորդ
էդպէս դուրս եկաւ:

—Սուտ չեմ ասում, իմ ախազօր ազիզ
արել: Ում համար ինչ որ դուրս է եկել,
բոլորն էլ միտս է: Զեր Մարիամի համար
տես ինչ դուրս եկաւ.

Մի ծառ ունիմ թըբըլղի,

Պտուղն է օձի լըղի.

Իմ հօրն ու մօրն ինչ ասեմ,

Ինձ արւին դարիք տըղի:

—Խեղա Մարիամ, բայց հէրն ու մէրն
ինչ անեն, նրանք հօ չեն տըւել: Ես որ լի-
նէի կասէի՝—

Գնացի ջուրը լըւացք,

Մաղօնս էր ոսկէջրած,

Իմ հէրն ու մէրն ինչ անեն,

Ճակատիս էս էր գրած:

—Դէ հիմի Շամիրինն ասա, թէ որ մի-
տըդ է:

—Շամիրինը գեռ չէր դուրս եկել, որ ես
եկալ, Մարիամը կըգալ կասի: Ինձ չըթողեց,
թէ մինչև վերջը մնացել էի. գնա, ասեց,
Հերիքնազը մենակ է, սիրալ կընեղանալ: Ին-
քը պառաւ կնիկ է դառել, պառաւների հետ
էր նստել:

—Ի՞նչ պառաւ:

—Ինքն ու Արզումանի մէրը մի կողմ է-
ին քաշւել, քիթ քիթ տըւած քըչփչում էին,

Հիմացայ, ինչ էին խօսում:

—Բա քեզ համար ինչ դուրս եկաւ,

Մագթաղ:

—Ինձ համար էնպէս բան դուրս եկաւ,
որ ամենքն էլ ծիծաղեցին: Քըքրւի Խանումի
ջանը—ասեց.

Գիւլըմ, գիւլըմ, գիւլ չիչակ,
Եսու դուրս մտնենք մի վըչակ,
Մինչև լուսը քըչփըչանք,
Որ լուսանայ—կըչկըչանք:

—Էլ ուր ես նեղանում, ուրախ բան է
դուրս եկել:

—Է՛հ, դրանից ինչք ալիտի նեղանամ,
ինչ կուզի՝ թող դուրս գալ: Ես մի մատանի
էլ Արզումանի համար էի զցել, տես՝ ինչ
դուրս եկաւ.

Դարըլէր ջուր է գնում,

Հարցըէք ուր է գնում,

Վենուն մահանա արած՝

Իր եարին հիւր է գնում:

—Դու Արզումանի համար ինչք էիր վի-
ճակ գցում, հարցըէց Հէրիքնազը՝ նախանձե-
լով:

—Է՛հ, հէնց էնպէս: Մաքումս ասեցի՝
Խեղճ տղալ է, քոյր չունի, բան չունի, մի
մատանի էլ նրա համար կըգցեմ, տեսնեմ

ինչ է դուրս գալիս: Էդ որ դուրս եկաւ, ա-
մենքն էլ հարցըին. «Էդ ումն էր, էդ ումն
էր», ես չասեցի: Յետոյ իմացալ, որ նրա քե-
ռակինն էլ է մի մատանի զցել, մէրն էլ
մի սադափի խաչ էր զցել Քեռակնկալ գցածն
էլ էս դուրս եկաւ.

Կանցնեմ զետի էն կուռը,

Վըքաղեմ դաստով նուռը,

Թէ որ սիրածս ինձ չըտան,

Վըքաշեմ խանի դուռը:

Մօր գցածն էլ էս դուրս եկաւ.

Գետը նի մըտայ, խոր ա,

Քաթան շալիկըս նոր ա,

Վ իմ նանին խաբար արէք,

Ես օլքա օլքա կորայ:

—Խեղճ նանի, ով գիտէ՝ լաց էլաւ, էդ
որ լսեց:

—Զէ, նա ինքը չիմացաւ, հեռու նստած
ձեր Մարիսամի հետ խօսում էր. նրան խարեցին,
ուրիշ բան ասեցին. այ ինչ ասեցին.

Դու նստել ես գօշակին,

Ուշքըդ, միտքըդ վեշակին,

Խըմել ես նըռան գինին,

Հոտ կանես մանիշակին:

—Ուր էր, էդպէս լինէր, խեղճ նանի:
Հէրիքնազը շատ սիրում էր Արզումանի

մօրը: Մինչեւ այս տարւայ սար դալը նրա
կետ մօտիկ յարաբերութիւն չունէր. մեծ էր
իրանց գիւղը, իրանք գիւղի մի ծայրումն էին
կենում, նրանք՝ միւս: Բայց այստեղ՝ սարումը
դրկից էին: Գիւղացիք երբ որ սար են գնում,
սովորաբար նոր դրացիներ են գտնում: Այս-
տեղ մի քանի դագա միասին մէկ տան պէս
են լինում. այստեղ աւելի լաւ է երեսում, թէ
որ տներն են միմեանց աւելի սիրելի. կամ
որոնք են ուզում նոր բարեկամութիւն հաստա-
տել, նոր խնամութիւն անել, որոնք են ուզում
միմեանց աւելի մօտիկից ճանաչել: Մարիամը
օգուտ քաղելով այս սովորութիւնից, աշխա-
տեց բանն այնպէս բերել, որ դրկից դառնայ
Արգումանի մօրը և ձեռքից եկած օգնու-
թիւնն անէ նրան և միփթարած պահէ: Հե-
րիքնազի էլ ուզածն ալդ էր: Նա ամեն օր
պառաւի ոտներն էր լըւանում, շաբաթը եր-
կու անգամ գլուխը, երկու շաբաթը մէկ ան-
գամ լողացնում էր, ջուրը բերում էր, կովը
կթում, կերակուրն էփում, շորերը լըւանում,
կարկատում, ամեն ազիզ կերակուրից նրա
բաժինը պահում, ուտեցնում, ամեն երեկոյ
տեղը շնում, քնացնում: Շատ անգամ էլ,
Շամիրը տանը եղած ժամանակը ինքը գնում
էր պառաւի մօտ քնում, նրան գըգւում, համ-

բուրում իր սիրելու կարօտը նրանից առնում:
Երբ որդուն միտն էր բերում, ուզում էր լաց
լինի, Հերիքնազը չէր թողնում, այնպէս էր
լոյս տալիս նրան մխիթարում, որ խեղճը սուս
էր կենում: Խեղճ պառաւը չէր իմանում ինչ-
պէս շնորհակալ լինի այս երկնալին հրեշտա-
կից: Նա չէր իմանում, որ սրանք որ և իցէ
յարաբերութիւն են ունեցել կամ ունին իր
որդու հետ: Որտեղ նստում էր, Մարիամի ու
Հերիքնազի գովասանքն էր անում, նրանց
օրհնում:

— Ախչի Հերիքնազ, հանաքը դէնը կե-
նալ, ասում են դու Արդումանին սիրում ես,
ըղորդ է, հարցընց Մագթաղը պարզութեամբ:

— Ի՞նչ կըլինի, որ ըղորդ լինի, պատաս-
խանեց Հերիքնազը:

— Ի՞նչ պիտի լինի, էն կըլինի, ինչ որ
էլել է Քեարամուն ու Ասլուն. նրանց պէս
կերւիք, ձեր մուրազին չէք հասնիլ:

— Ես լաւ կըհամարեմ նրա սիրովն էր-
ւեմ, քան թէ մի ուրիշի սիրովը կանանչեմ,
էդ էլ գիտեմ:

— Դու լաւ կը համարես, բայց թէ քեզ
թողնեն է... Ես էլ ուզում եմ Գրիգորի սիրովն
էրւեմ, բայց իմ հէրն ու մէրն ասում են.

«Ուզես չուզես, քեզ պիտի Կիրակոսին տանք...»
Ե՛, Հէրիքնազ ջան, ես էլ դարդեր ունիմ
քեզ նման. շատ անդամ որ ինձ ու ինձ միտք
եմ անում, ասում եմ, մենք էլ ինչացու ենք,
որ իսկի մարդու տեղ չեն դնում, հէնց ում
ասես՝ տալիս են, ուր ասես՝ շպըռտում են.
Էլ ոչ հարցնել կայ, ոչ դէս, ոչ դէս: Բայց էլի
քու բանն իմիցը դժար է: Ես որ ուզենամ,
Գրիգորին կը սովորցնեմ, մի գեշեր կը գայ
կը փախցնի կըտանի: Մի քիչ զալմաղալ կա-
նեն, յետոյ կը հաշտեն: Բայց քեզ որ փախ-
ցնեն, պիտի օլքա օլքա կորցնեն, էլ ոչ դու
կըտեսնես մեզ, ոչ մենք՝ քեզ: Դու էդ կանես:

—Ինչք չեմ անիլ, երբ տեսնեմ ուրիշ
հնար չըկայ: Ինձ համար էնտեղ է լաւ, որ-
տեղ որ ինձ սիրում են:

—Միթէ մենք չենք սիրում քեզ. ում-
նից ես մի դառը, մի կծու խօսք լսել, ով է մէկ
տնդամ քեզ ասել—«տեղը ծուխ է, դէնը նըս-
տիր»: մենք ամենքս էլ քեզ սիրում ենք: Մեզ
պիտի թողնես, ընկնես սարէսար, գնաս դա-
րիք դուրբաթ տեղ, կը հիւանդանաս, մի սառը
ջուր տըւող չես ունենալ, կը մեռնիս, վրադ
սգող չի լինիլ... Օ՛, շատ դժար է, ասելն է
միայն հեշտ. մեր սարերի պէս սարեր, մեր
ջըերի պէս ջըեր, մեր բաղերի պէս բաղեր,

մեր քոլերի ու հանդերի նմանը ոչ մի տեղ
չես գտնիլ...

—Քրքրւես գու, Մագթաղ, Հիմիկւանից
լացո բերում ես: Ախչի, մէկ թող գեռ լաւա-
նամ. յետոյ Աստւած ողորմած է, նա իր ստեղ-
ծածին չի կորցնիլ, ինչպէս որ ստեղծել է,
էնպէս էլ կըպահի: Ինչ որ մարդիս ճակատիս
գրւած է, էն կըլինի, հազար գու էլ ասա,
ես էլ, մեր խելքն ինչ է կտրում: Հիմի ջա-
նըս սկսում է կոտրտել էրէկւայ պէս, ով
գիտէ էլի պիտի դողացնեմ...

—Օ՛, դրան դող կասեն, դեռ ո՞րտեղ ես.
ամեն օր կէսօրից յետոյ պիտի բռնի:

—Բա սրան մի դեղ, մի ճար չըկայ:

—Դրա ճարն էն է, որ դողըդ բռնի թէ
չէ՝ գնաս վրադ սառը ջուր ածես. էնքան
պիտի ածես, որ ջանըդ սկսի զընդը զընդը
դողալ:

—Սսում են՝ վախն էլ կըպըծացնի, դու
մէկ օր ինձ վախացըու. թաքուն սառը ջուր
ածա վրաս, որ ես վեր թուչեմ...

—Եդ չէ, ասում են նունիա մի տէրտէր
կայ, նա աղօթում է թէ չէ՝ իսկոյն կըտրւում
է դողը:

—Դէ էդ տէրտէրին ո՞րտեղ գտնենք հի-
մի: Արի մի ջրաման վերցնենք, գնանք ձորի

աղբեւը, էնտեղ դու ինձ վրայ ջուր ածա,
ինչքան որ գիտես: Շուտ արա գնանք, քանի
որ Մարիամը չի եկել, նա որ գայ, էլ չի թող-
նիլ. միշտ ասում է՝ տաք պահիր քեզ, չըմբը-
սես: Ըզորդ է ասում, էն օրը որ էն թաց
տեղը քնած չըլինէի, էս օրը չէի ընկնիլ: Արի
գնանք, հիմի ինչ կըլինի կըլինի կամ դէս
կըկորի, կամ դէն, ես մեռնելուց չեմ վա-
խում, երանի շուտով մեռնեմ, էս աշխարհ-
քիցս պըճնեմ. ինչ աշխարհք է, որ սրան
թամահ ենք անում, ապրում. գընանք, գը-
նանք:

Ե♦

Վարդավառից լետոյ սարեցիք լեռների
գագաթներից վայր եկան և իրանց գաղեքը
սարքեցին մի անտառոտ հովտի մէջ: Մինչև
այս ուրդը փոխելը շատերը դեռ ևս արա-
նումն էին, բայց հիմա, որ հունձն աւարտել,
խուրձը կըել էին կալերի մօտ դիզել ամենքն
էլ եկել էին սար, որ մի քանի շաբաթ սառը
ջըերի վրայ, լեռնալին զովաշունչ օդի մէջ հո-
վանան: Գիւղացոց այս սովորութիւնը ամե-
նայն տարի կըկնում է միակերպ: Մայիսին

ուղարկում են տաւարը և ընտանիքը, իսկ
տղամարդիկն սպասում են մինչև հունձի
աւարտը: Շատ անգամ ամբողջ ուրդի մէջ շա-
բաթներով տղամարդի երես չի տեսնում, կա-
նանիքը կարողանում են պաշտպանւել զանա-
գան աւագակալին և սիրային յարձակմունք-
ներից, բայց սովորաբար միշտ ահ ու դողի
մէջ են լինում: Բայց երբ հաւաքւում են
տղամարդիկը, սկսում է մի նոր կեանք: Շա-
տերը միայն հանգստանալու համար են գա-
լիս, իսկ շատերն էլ.. մի նոր աշխատութիւն
սկսելու մտքով: Այստեղ են շինում սովորա-
բար իրանց տան գործածական փայտէ գոր-
ծիքները, ինչպէս՝ սալի, գութան, լուծ, կամն,
հորսի, թի, խնոցի, մըղան, խոնչա, տաշտ,
տաշտակ, խփի, ըոդին (հաւանգ), զանազան
կոթեր, գդաներ և շերէփներ:

Մի քանի հսկայական կազնի ու աճարքի
ծառերի տակ իրանց համար գործատեղի էին
արել մինչև երեսուն, քառսուն տղամարդ և
որն ուրաքով, որը կացնով տաշ էին անում,
իսկ անգործներից ոմանք պառկոտել քնել էին
բերանքսիվայր, ոմանք նստած թամաշա էին
անում և զանազան խորհուրդներ տալիս շի-
նողներին իբրև գե օ զ-ուս տասի, այսինքն՝
աչքով միայն վարպետ և ոչ գործով: Այս-

պէսները ոչ մի բան շինելու շնորհք չեն ու-
նենում: Այս անշնորհքներիցն էր և Շամիրը,
որ միայն գդալ շինել գիտէր և ուրիշ ոչինչ:
Սա անցեալ երեկոյին էր եկել արանիցը: Առա-
ւոտը վաղ վերկացաւ և իր փոքր ուրագն ու
կեռկտուցը վեր առաւ գնաց հասարակաց գոր-
ծատեղին, որ գդալներ շինէ: Շամիրը դեռ
նստած չընստած, ծաղարանց Թաթոսը ամ-
բոխի միւս ծալրից կանչեց.

—Հէ հէ հէ ա Շամ, Շամիր հէ!...
բղաւեց Թաթոսը մի քանի անգամ կրկնելով
Շամիրի անունը, որովհետև բազմաթիւ կա-
ցինների և ուրագների ձայնը թող չէր տա-
լիս լսելու մի խօսք, թէև առանց այս էլ
բղաւելով խօսելու սովորութիւնից զուրկ չէր
Թաթոսը:

—Ի՞նչ է, ապէր, ի՞նչ ես ասում:

—Արանիցն ի՞նչ խաբար ունիս:

—Խէր խաբար, ձեր տղէքը մածուն են
ուզում, շոքը շատ է զօռ անում:

Թաթոսը գլուխը տմբալմբացրեց, որով
ուզեց ասել պէտք է մածուն հասցնել տղե-
րանցը:

—Շամիր, ասում են՝ ծաղարանց տղէ-
քը Հանէսի գլուխը պատռել են, ըղորդ է,
հարցըց մէկը:

—Ի՞նձ հարցըու էր բանը, Շամիրն ի՞նչ
գիտէ: Ճաղարանց տղէքն ինչ ասես՝ կանեն,
իրանք օխտնութիւնի, Հանէսը մեն մենակ:
Գցում են արխի մէջը, բահով էնքան խփում
են գլխին, որ քիչ է մնում մեռնի, — ասեց
տաշ անողներից մէկը Վարդան անունով, ու-
րագն ուսին դնելով, և գառնալով դէպի Թա-
թոսը գոչեց բարձրաձայն.

—Ա՛ հըլիւոր, ինչք քու շների կապը չես
քաշում, մարդ պէտք է Արզումանի նման գըլ-
խիցը ձեռք վերցնի, որ ձեզ հետ խօսի: Էլ
ոչ ջուրվարի էք մտիկ տալիս, ոչ քեօխիկ էք
ականջ զնում, էր ի՞նչ անսաստածութիւն է,
որ գուք անում էք: Ասում եմ ջուրը նօրաթով
է, նօրաթն իմն է, ջուրվարն ինձ է տրւել
ջուրը, նրանք կատաղած շների նման վրաս
թափւեցին, քիչ էր մնում սպանեն: Ասած է.
«Խոփըդ սուր է, Հանդը բաժանովի է», ասենք՝
ես մի մենակ տղայ եմ, քամակ չունիմ, հէնց
պիտի ինձ ոտի տակ գցէք: Ենակէս բան ա-
րէք, որ Աստւած վեր կալնի, թէ լչէ Սուրը
Սարգսի անունը վկալէ, մի օր էլ ես ձեռք
կըվերցնեմ գլխիցս, էն ժամանակը կըտենենք
ում մէր տղայ կը բերի:

Այս խօսքի վրայ ամենքն էլ իրանց գոր-

ծիքները դադարեցրին և տեղնուածեղ լսողութիւն դառան:

—Այ տղայ, ի՞նչ ես հաջում, ի՞նչ ես գլխիցդ սարսաղ սարսաղ դուրս տալիս, ասեց Թաթոսը և շարունակեց աւելի բարկանալով և սպառնալով — Արզումանի նման շանիցն էս օրինակ առնում: Մարդասպանը դու ես, որ մարդասպանին ես պահպանում: Համբերիր, մէկ մօդրովդ գայ, տես քու կաշին ինչպէս եմ մաշկել տալիս:

—Ես ու իմ Աստւածը, Արզումանն էնպէս անմեղ էր, ինչպէս Աստրծու գառը: Քեօխւէն նրան տափ էր տըւել նա էլ գնացել էր վարելու: Զեր բաղի տակի հողը, ներքի հողերի քեօնդալանը, վերի հողերի դիքավարը, քոլաբերանքս սիպտակ հողը, դամիլի չորս օրավար տեղը, որ ունիք հիմի, ումն են էդ տափերը, Արզումանի հօրը չէր, ինչք գցեցիք ձեր ճանդը. բա դու չես ամանչում, սադ գեղը քանդում, տակն ու վրայ ես անում, բա դու խըզմտանք, բա դու Աստւած չունիս...

—Տեսնում էք, այ խալիս, տեսնում էք, իս շունն ինչեր է հաջում...

—Վարդան, մի վախիր, մէկ լաւ վեր ածա դրա աբուռը, քանի որ մենակ է, —

շըշնջաց Վարդանին մի երիտասարդ, բայց Թաթոսը կարծեց թէ նա ասում է՝ «սուս կաց, ամօթ է, ծեր մարդ է, էդպէս բաներ մի ասիր», և սկսեց աւելի կատաղել:

—Կայ, ես քու էդ բլբլան լեզուդ կըկտրեմ տակիցը: Գիշերը Արզումանն ի՞նչ էր շինում քու կշտին. ասա տեսնեմ, դու ի՞նչ իրաւունքով ես մարդասպանին տեղ տալիս, ասա տեսնեմ:

—Մոգոնիր, մոգոնիր, որքան կարաս, շառեր մոգոնիր, ես քու հնարած սուտերիցը վախողը չեմ: Արզումանին ով է տեսել ինձ մօտ, վկայ ունիս, դէ հիմի դու ասա տեսնեմ:

—Էս սադ խալիսը քոու հօ չեն, բոլորն էլ վկայ չեն:

—Խալիսին ուր ես վկայ կանչում, Թաթոս բիձա. խալիսիցը մէկն էլ ես եմ. Արզումանի էրեսը ես չեմ տեսել, ասեց մէկը, գլուխը բարձրացնելով և կոշտացած ձեռքով ճակատի քրտինքը սրբելով:

—Այ խալիս, այ ջամհաթ, չէք լսել, որ Արզումանին թէ օրը ցերեկով, թէ կէս գիշերին տեսել են, բղաւեց Թաթոսը:

—Լաւ, որ տեսել են, Վարդանի մօտ հօ չեն տեսել, ասեց Մինաս անունով մէկը:

—Արզումանին աղջըկէքն են տեսել ծաղիկ

քաղելիս. Շամիրի կնկալ հետ է խօսեցել. գիշերն էլ Վերի աղբիւրի մօտ են տեսել, էլի Մարիամի հետ:

— «Այս գիշերին, Մարիամի հետ, շշնչաց Շամիրը, չըհաւատալով իր ականջներին: Մինաս, դու հասկանում ես, էդ ի՞նչ ես ասում, հարցըց Շամիրը:

— Ինչպէս թէ «հասկանում ես», խուլ հօ չեմ: Արգումանին տեսել են քու կնկալ հետ խօսելիս, ուրիշ մարդի մօտ չեն տեսել:

Շամիրի ջանը դող ընկաւ, ձեռքերն ըսկըսեցին դողդողալ էլ բան չըկարաց շինել, վերկացաւ փընթփընթալով գնաց: Շատերն ալդ նկատեցին և կասկածի մէջ ընկնելով դիմները քաշ գցեցին: Նրա քամակից հեռացաւ և Թաթոսը:

— Ես ճաղար քօփագիցը մարդու խէր չի հասնիլ. սիրտս ասում է՝ էլի մէկ արիւն պիտի պատահի: Մինաս, դու էլ որ մի քիչ լեզուդ բերանումդ պահէիր չէր լինէլ: Շամիրը որ կայ՝ բըռի արջ է. Հիմա պիտի գնալ կընկանը ոտի տակը գցի, տրորի, ես գիտեմ նրա խալին խասիաթը:

Այս խօսողը Խաչատուրն էր, Արգումանի երբեմն սրտակից բարեկամը: Հիմա էլ Ար-

զումանի հետ միայն սա ունէր լարաբերութիւն, բայց ոչ ոք չըգիտէր:

— Ես Մարիամի մասին վատ բան չեմ մտածել և վատ բան էլ չասեցի, պատասխանեց Մինասը: Շատ կարելի է, որ Մարիամին Արգումանի մէրը լինի ուղարկած, ինքը չեկարում տեղիցը ժաժ գալ:

— Դէ էդպէս էլ պիտի ասէիր, բայց դու էնպէս ասեցիր, որ նա ուրիշ բան հասկացաւ:

— Նա որ շիտակ բանը ծուռ հասկանալ, ես ի՞նչ մեղաւոր եմ: Եդ քօփագ շունը որ չը լինէր, ես էն էլ չէի ասիլ:

Այս միջոցին Սարգիս քեօխւան եկաւ, և նստածները տեղերիցը վեր կացան:

— Բարի լաջողում, տղէք, Աստւած զբաժի տալ, ասեց քեօխւան և նստեց մի գերանի վրայ:

ՄԻԶԱՆԿԵՍԼ ՊԱՏՄՈՒԹԻՒՆ

(Ով, չուզենայ կարող է չըկարդալ)

Սարգիս քեօխւան մօտ վացսուն տարեկան մարդ էր: Նրա դէմքի գծագրութիւնը

և հայեացքը ցուց էին տալիս, որ բաւական չար ու բարի տեսած մարդ էր: Ոչ ոք գեղի հաւատարմութիւնը այնպէս գրաւած չէր, որքան սա: Գիւղացոց շահերը պաշտպանելու համար ամենայն ինչ զոհ բերելու պատրաստ էր:

Գիւղ ասածդ (Եթէ ոչ հիմա, գոնէ շատ առաջ) մի ջոկ աշխարհ, կղղիացած երկիր է է, և ունի իր կախումն ու անկախութիւնը. իր մատնիչն ու պաշտպանը, իր Վասակն ու Վարդանը: Գիւղացիք օրտեղ որ բնակում են, ինչքան տեղ որ բռնում են, ասում են՝ Էս տեղերը մերն է: Այստեղից յառաջ է գալիս սեփականութեան մասին մի ջոկ գաղափար, որ նման չէ այն սեփականութեանը, որ տիրող օրէնքն է սահմանում: Հետևեալ խօսակցութիւնից կերևայ, թէ որպիսի գաղափար ունին գիւղացիք գիւղի սեփականութեան մասին:

—Տղէք, Թաթոսն էստեղ էր, ինչ էլաւ, հարցրեց քեօխւան:

—Նա տեսաւ որ դու գալիս ես, ինքն ըռադ էլաւ, պատասխանեցին մի քանիսը:

—Ա՛յ, ճաղար շուն...

—Սարդիս բիձա, էդ անիրաւի ձեռին

մենք մինչև Երբ պիտի տանջւենք, գանդատ-
եց Վարդանը:

—Մինչև լաւ իմանաք, թէ ինչ գազան
է դա:

—Ո՞վ չի ճանաչում էդ քօփագին... մե-
ղայ քեզ Աստւած, ինչե՞ր է գալիս բերանըս:

—Դուք էն էք տեսնում, ինչ որ հիմի է
անում, բայց էն չէք տեսել ինչ որ մինչև
հիմի արել է: Էս տեղիցը որ հիմի մենք սա-
բալախի (խոտահարկ) ենք տալիս, առաջ նո՞յն
էր իմացել էդպէս բան. էդ-էդ-էդ անիրաւը
գնաց մեր պապական տեղերը մի թաւադի
վրայ ծախեց:

—Լաւ, ինչպէս է ծախում, իրանը հօ-
չի, որ ծախի:

—Էդ ես էլ չէի իմանում, թէ ինչպէս
են ծախում, բայց հիմի քիչ ու միչ հասկա-
նում եմ: Գիտէք ինչ կայ գեղըցին մի տեղ
թէկուզ հարիւր տարի կենալ, կարող չի ասել,
որ էս տեղն իրանն է, բայց եթէ թաւադը
մի տեղ տասը տարի կենալ, էն տեղը կըմնալ
իրան: Բայց թաւադն ինչի համար է կենում.
Նա վար չի անում, ցան չի անում, գեղըցին է
վարում, ցանում, նրան բա հ բա տալիս: Նի-
մի լաւ ականջ դըէք: Թաւադը նրանով է հաս-
տատում տեղն իրանը լինելը, երբ որ հաստա-

տում է, որ էդ տեղիցը նա բահրա է առել,
կամ սաբալախի, կամ իջարա: Էդ էլ ինչով
պիտի հաստատի: Երբ որ ես, դու, սա, նա
ասենք՝ ըղորդ է ասում, մենք էստեղ կացել
ենք, բայց դրան միշտ բահրա ենք տւել,
հասկանում էք, թէկուզ ոչինչ էլ տրւած
չըլինինք, միայն թէ ասենք տրւել ենք: Էդ
խօսքն ասելու համար թաւադը սրան, նրան
փող է տալիս, պատիւ է տալիս, որ քննու-
թեան ժամանակը գնան ասեն, ըղորդ է, մենք
բահրա ենք տրւել: Այ, էդ ճաղար շունը քա-
նիք քանիսից է փող առել, սուտ երդում կե-
րել, վկայութիւն տրւել թէ մենք սաբալախի
ենք տրւել, բահրա ենք տրւել: Դա, մէկ էլ
Մաթոսն ու Մարկոսը,—ողորմի նրանց կշաի
մեռելներին—մեր բոլոր հանդերը տրւին թա-
ւադներին: Առաջ ով էր թաւադի անուն ի-
մացել, ով էր նրանց էրեսը տեսել: Մի քսան
տարի չըկայ, ինչ որ դրանք եկան մէկ մէկու
ետևից. մարդ իմանայ՝ մինչև էդ ժամանակը
որտեղ էին, հալբաթ առաջ էդպէս օրէնք
չըկար: Հէնց որ հանդերն սկսեցին չափել, որ-
տեղ մի քաղցած թաւադ կար, ձեռքը մեկ-
նեց, թէ էս իմն է: Միտս է, մէկ անգամ ե-
կողները երեսնից աւելի էին, մէջերումը սուտ
թաւադներ էլ շատ կային: Շատերի անունը

հիմի էլ միտս է, այ ասեմ մի քանիսինը:
Սարգիս քեօխւան ալստեղ տէրողորմեան
գրալանից հանեց և սկսեց թաւադների անունը
տալով հատիկները ձգել, որ տեսնէ քանիսի
անունն է միտը:—Օբբէլիանօվ, Մուխրանսկի,
Չաշիկօվ, Բարաթօվ, Թուրքեստանօվ, Սուլ-
խանօվ, Շանշիօվ, Մէլիքօվ, Փիրագօվ, Փէրշան-
գօվ, Թարխանօվ, Ղօրդանօվ, Աւթանդիլօվ,
Մուրթուլաձէ... Է՛հ էլ ում միտն է, քանըզ
շուն շատ էին: Մէկ տեղից քսան մարդ բըռ-
նում էր, ամենքն էլ սուտմ էին «իմն է»:
Խազնի մարդն ասում էր՝ թագաւորական է,
Սիօնի տէրտէրն էլ ասում էր՝ վանքական է:
Բայց էս էրկուսը աչքները էս և էն թաւադի
վրայ էին գցում, որ տեսնեն որից կարող են
շատ փող առնել որ իրանք ձեռք վերցնեն:
Իրանք թաւադներն էլ էին մէկ մէկու հա-
մար վկայութիւն տալիս, խօսք մէկ էին ա-
նում, իրար մէջ բաժանում. չափողներն էլ
ջոկ էին շահւում: Գեղցցոց վկայութիւնն էլ
հազիր էր, որ կողմ ուզում էին, էն կողմն էին
շուռ տալիս նրանց. ուղիղ խօսղներին հե-
ռացնում էին կամ ասածը ծուռ գրում և
իրանց ձեռք քաշել տալիս: Ահա էսպէս մեր
բոլոր տեղերը մնաց դրանց. մենք էլ ոչինչ
չունինք, ոչ հող, ոչ ջուր, ոչ ծառ, ոչ խոտ,

ամենի հայար էլ փող ենք տալիս էն էլ մէկն
էրկուսով, ամեն տարի թանգացնում են:

— Որ գիտէիք էդպէս է, ինչք չէիք ար-
զա տալիս, ինչք չէիք գանգատում:

— Բա քիչ ենք արզա տըւել, քիչ ենք
գանգատ արել. էլ գիւանխանա չենք թողել,
ամեն տեղ էլ արզա ենք տըւել: Ես հիմի եմ
հասկանում, որ մեր բոլոր աշխատանքը զուր
էր: Մենք արզա էինք տալիս, թէ էդ տե-
ղերը մերն է, չէինք իմանում, որ թագաւո-
րական տեղը խազնինն է: Դաւին խազնէն
պիտի քաշէր, նա պիտի իր ունեցածի տէրը
դառնար. մենք մեր փողով նրա իրաւունքն
էինք պաշտպանում, բայց նա մեզ չէր օգ-
նում: Խազնէն էր թաւադների ձեռին,
դիւանխանէքն էլ, մեր խօսքին ով պիտի ականջ
դնէր: Շատ անգամ ծեծում էլ էինք թաւադ-
ներին, երբ որ գալիս էին բահրա. ուզելու,
չէինք տալիս: Բայց զրա պատիմն էլ քաշում
էինք:

— Թուլաձէին թնչպէս ծեծեցիր, Սարգիս
ըիձա, մէկ դու էդ ասա:

Սարգիս քեօխւան միտը բերաւ իր ջա-
հէլութիւնը, մի քթահազ տըւաւ ու սկսեց.

— Էդ թուլաձէն մի երկու անգամ եկաւ
մեր բազերի տակի հողերին դաւի տըւաւ, թէ

իմն է, պիտի բահրա տաք: Մենք չըտըւինք:
Սա գնաց մօղրովին գանգատ արաւ, նրանից
մի հրաման բերաւ, օխտնութ մարդ էլ հետը:
Բահրա առնելը շատ էին հեշտացնում մօղ-
րովիները, բայց էդ կենալ դեռ: Մեր քէթխու-
դէքը հաւաքւեցին, խորհուրդ արին, թէ թնչ
անենք, տանք թէ չըտանք: Վճռեցին, որ չը-
տանք. եթէ տանք, էդ աեղերն իր վրայ
կըհաստատի, հիմի իր ուզածը մի ոչինչ բան
է, բայց յետոյ կըգայ տասնից մէկը կառնի,
յետոյ էլ չորսից ու երեքից մէկը: Մի քանի
վախուկ մարդիկ էլ, սրտները դող ընկած՝
ասում էին՝ ուզենք չուզենք՝ պիտի տանք,
մօղրովիցը հրաման է բերել նրա հրամանին
ով կարայ ընդդէմ կենալ: Քեօխւան լուսա-
հոգի Ակօբն էր, նա ասեց. Մօղրովի հրամանն
ինձ վրայ է, ես նրա պատասխանը կըտամ.
Նա թնչ գիտէ թէ էս տեղերը սրանն է, որ հրա-
ման է տըւել: Զըպիտի տանք, թող ուր ու-
զում է գնայ: Թուլաձէն Թաթոսի տանն էր
վեր եկել, էլի էս անիծածն էր նրա օգնա-
կանը: Աս սովորցնում է, թէ առաւօտը հոր-
թերը գալու ժամանակը քու մարդկանցով
գնա առաջը կըտրիը տար տուն արա մի ազա-
լում ու դուրս չանես, մինչև բահրէդ չըտան:
Նա էլ հենց էսպէս էլ արաւ, հորթերը հա-

ւաքեց տարաւ մի աղալի մէջ արաւ, թէ չեմ
թողնիլ մինչև իմ բահրէն չըտաք:

Կովերն արօտատեղից եկան: Հորթ չըկայ,
որ կթեն. հիմի դու տես սրանց բառանչելը,
կովերը դռներին են բառանչում, հորթերն ա-
ղալումը: Ես անիծած ճաղարը դուրս է եկել,
իրանց կտրին կանգնել ու պարծենալով ասում
է: «Ես որ ասում եմ եկէք բահրան տանք,
ինձ չէք ականջ դնում, դէ հիմի գնացէք ձեր
հորթերը բերէք, տեսնեմ ինչպէս էք բերում»:

Լուսահոգի մէրըս ասեց. այ տղայ, գնա
մեր հորթերը բեր, թէ չէ էլ հաց չեմ տալ
որ ուտես: Ես էլ հէնց էդ էի ուզում: Զա-
փարիցը մի բըհիր հանեցի, վազեցի դէպի
հորթերը: Թուլաձէն ինձ որ տեսաւ թուրը
հանեց: Մի ափիցեր էր, ապէլատներ էլ ունէր
ուսին, խաչ էլ ունէր կուրծքին: Բհիրս վրայ
բերի թէ չէ՝ թուրն էրկու կտոր էլաւ. մէկ
էլ որ հասցըի, տեղն ու տեղը փռւեց, ու
«վայմէ, միշտէլէթ» (ոհ, օգնեցէք) կանչեց:
Ո՞վ պիտի օգնէր, մինչև իր մարդիկը կօգնէին,
իմ օգնականներն աւելի էին շատացել: Լու-
սահոգի Դուկասը նրա բճերին աղցան էր
արել: Մեր քեօխւան հէնց տեսնում է որ ես
գնում եմ, քամակիցս մինչև քսան տղայ է
ուղարկում: Եսպէս մի լաւ ջարդ ու բուրդ

արինք, և հեշտ էլ պլծանք. Էն գնալն էր, որ
նրանք գնացին, էլ չիմացանք կոտորւեցին, թէ
սաղ մնացին:

— Ա՛յ լաւ դատաստան, ասաց քեօխւին
հասակակից մէկը: Ախպէր, գնում ես գան-
գատ, տանում են բերում, բերում են տա-
նում, մարդու հոգի է դուրս գալիս, դրանց
զաւթրին չի հատնում: Սրան մեղարահացեր
տար, նրան գառը տար, մէկէլին թաղարնե-
րով ալիւր տար, մի ուրիշին փող տուր.
մէկի ոտներն ընկիր աղաչիր... Ո՞վ է գեղցու
ըսիին մտիկ տալիս: Տասնով, քսանով գնում
ենք դիւանխանի պատերի տակին շարւում
արեգուն արած խոզերի նման, ով է մեզ մար-
դու տեղ գնում, գիր չենք գիտում, օրէնք
չենք գիտում. մի քիչ էլ որ էրեսներս պըն-
դացնում, ներս ենք մտնում, ստորոժը շընք-
ներիս խփելով դուրս է անում: Եսպէս քաշ
արի, քաշ արի, յետոյ եկ տանըդ վէր ընկիր:
Գեղցոցիք էլ ասում են՝ մեր փողերը տարաք
կերաք, ոչինչ էլ չըշինեցիք: Տօ, ձեր փողերը
զահրումար ըլի ուտողի գլխին, մենք ենք
ուտողւմ...

— Եդ լաւ դատաստան է, Պետրոս, բայց
ամեն անդամ չի մարսուում: Իրանից սիրտառած՝
Նալխուսօվին էլ ծեծեցինք, բայց քիչ մնաց

Սիրելը էին ուղարկում: Ուղարկէին էլ, ով էր հարցնողը, ով պիտի ասէր՝ ինչի՞ էք ուղարկում:

— Եդ ինչպէս էլաւ, Սարգիս բիճա, մէկ էդ էլ պատմիր, խնդրեցին ջահէլները, և իրանց գործը թողնելով՝ որպէս թէ հանգըստանալու համար, շարւեցին քեօխւի չորս կողմը: Քեօխւան չիբուխը լցրեց, և չախմախին խփելով՝ սկսեց իր պատմութիւնը.

— Ա՛յ ինչպէս էլաւ: Լուսահոգի Ղուկասը — Արզումանի հէրը — մի առաւօտ եկաւ ինձ մօտ: Ես ու նա ընկեր էինք, ուր էլ որ գնալինք, միասին կերթայինք: Մի տղամարդ էր որ, քսան մարդու չէր ասիլ Աստւած է ստեղծել... Ի՞նչ ես նստել, ասեց, արի գնանք կակալ թափ տալու: Ասում եմ՝ ո՞րտեղ. նա թէ մեր տափի կշտի կակալնին կոտրատւում են էնքան բռնել են. ոչով չի գնում թափ տալու, Նալխուսօվիցը վախենում են, նա չի թողում, ասում է՝ իմ բաղի կշտին են, իմն են: Ասում եմ էդ ինչ խօսք է, հէնց ինչ որ իր բաղի կշտին ըլի, իրանը կըլի: Իր տեղը չափարած է, չափարից դուրս նա ոչինչ չունի: Նա թէ ես էլ հէնց էդ եմ ասում: Արի գնանք, թողով զօչալ տղայ է, գալ մեր առաջը կտրի:

Մէկ մէկ էրկէն կակալթափի առանք, գնացինք: Հէնց նոր էինք ծառը բարձրացել,

մէկ մէկ ճիւղ դեռ չէինք թափ տըւել, մէկ էլ տեսանք հրէս օխտնութ հոգի ծառի տակը կտրեցին: Նալխուսօվի բճերն էին: «Զամօդիթ, թքէնի ոջուլի» (վայր իջէք, ձեր հաւատը...) որ չասեցին, մեր Ղուկասի աչքերն արնով լցւեց: Կացէք, ասեց, ես ոջուլի նշանց կըտամ: Վէր էկաւ, էրկէն ձողին ձեռին, զրադ կանգնեց ու մէկ թէ էրկու սրանց, էլ իսկի չըթողեց որ մօտենան, մինչև ես էլ վրայ հասայ ու էս փորերնին ուռած բաղւանչիներին կալմէջ արինք, մինչև փախան, գլխները պլծացըին: Ասեցինք էս է, պլծանք, բայց մէկ էլ տեսանք, հրէս ինքը Նալխուսօվին է գալիս, մի քսան մարդ էլ հետք: Ասեցի՝ Ղուկաս, սրանց հետ կուել չի ըլիլ, կամ փախչենք գլխներս աղատենք, կամ թէ չէ ասենք. «Աղա, էս ծառերը քոնը չի, դու ինչու համար ես արգելում»: Եկաւ թէ չէ՝ փափախնիս վեր կալանք, առաջին կանգնեցինք, որ տեսնենք ինչ է ասում, պատասխանը տանք: Բայց անիրաւն էկաւ թէ չէ՝ «Չահկարիթ, (կապոտեցէք) ասեց, մագիթի ոջուլի (գրանց հաւատը): Մեր հաւատին դիպան թէ չէ, Ղուկասի փափախը ձեռիցը վէր ընկաւ: Կատաղած ասլանի նման ընկաւ Նալխուսօվի վրայ, ու տեղնուտեղը վէր կոխեց,

սրտին չոքեց։ Բձերն իսկոյն վրայ թափւեցին, ես էլ ուզեցի օգնել, բայց գլխիս էնպէս խփեցին, որ շըշմած վէր ընկալ։ Աչքս մէկ էլ էնտեղ բացարի, որ տեսալ երկուսիս էլ կապուտել են։

Էլ ինչ գլխներդ ցաւացնեմ. մեզ տարան քաղաք, գցեցին Մետեխի բերդը, դուդսաղի շորեր հազցըին, ամեն օր ջուր էին կրել տալիս, ճանպէքը սրբել տալիս, սև հաց էին ուտացնում... էսպէս պահեցին մինչեւ վեց ամիս. վեց ամսից յետոյ դուրս բերին տարան մի դիւանխանա. Եդ դիւանխանի գլխաւորը ինքը նալխուսօվն էր. Նա ինքը վէր գցել տըւաւ մեզ ուօգգի խփել տըւաւ. քամակներիս կաշին մաշկել տըւաւ, յետոյ բաց թողեց. «Դէ հիմի գնացէք, ասեց, խելօք կացէք, իմացէք ում հետ գործ ունիք»։ Մեր շորերը մեզ տըւին, հագանք, եկանք մեր տները, երեք ամիս տեղումը պառկեցինք։ Գեղցիք քանի անգամ եկել արդա էին տըւել մեզ համար, որ մենք անմեղ ենք, բայց արդան հէնց իրան նալխուսօվի ձեռքն է ընկնում. Նա պիտի լինէր գեղցոց խնդիրքի կատարողը, բայց նա այն թղթերը կամ կէրէր, կամ դէն կըցցէր։ Հիմի էլ որ միտս է գալիս, ջանս փշաքաղւում է։ Ախըր երբ որ պատժողդ

ու ազատողը քու թշնամին է, էլ ինչ կարող ես անել նրան։

—Մախլասի, գեղցու բանը մի դարդ ու բալա է, ասեց Վարդանը։ Մենք որ կանք, էրեխի պէս բան ենք։ Երեխէն որ պահող չունենալ, ջուրն էլ կընկնի, կրակն էլ, ինչ ասես կըպատահի. մենք որ մեր գլուխը չըպահենք, ոչով մեզ իշի տեղ էլ չի դնիլ։ Մարդ իմանալ, ինչ է մեր մեղքը, որ էս օրին ենք...

—Գառների մեղքն ինչ է, որ գալերն ուտում են։ Մեր մեղքն էն է, որ մենք ոչիար ենք, գալերը մի կողմից պիտի ուտեն, մսրդիկը մէկ էլ կողմից կթեն ու խուզեն։ Իմի տեսած կաք, որ մէկը գայ մեզ համար մի բան բերի, մի բան տայ. դիփի էլ տանում են ու տանում։ Էսօր գնա ճանպա շինի, էդուց գնա մորեխ կոտորի, էսօր էս տուր, էդուց էն, իշի պէս բանեցնում են, ոչխարի պէս բուզում, ով է մեր տէրն ու տիրականը։ Գող ու աւազակ մի կողմից են թալանում, մօղլով ու եասաւուլ մէկ էլ կողմից ծեծում, ջարդում, թաւագներն էլ ջոկ են մեր միսն ուտում, արիւնը ծըծում, որը զօռով, որն էլ խաբելով։ Ի՞նչ սատանութիւն ասես՝ որ դըրանք չեն անում, ոչ Աստծուն են հաւա-

տում, ոչ թագաւորիցը վախում, ոչ ամօթ ունին, ոչ երկիւլ։ Այ էդ Քաշարօն, որ էդ-քան տեղեր զաւթել, ուտում է, գիտէք՝ ինչպէս խաբեց մեզ։ Դա մի խեղճ մարդ էր, մի խեղճ սէլապան, քաղքումը սէլապանութիւն էր անում, շիրաջների համար Կախէթից գինի էր կրում, ձկնապանների համար Սալեանից՝ ձուկը։ Մի ձմեռ ալափ չունէր, որ եզինքը պահել էր, դիփ էլ կոտորուեցին, մնաց խեղճ։ Քաղքիցը վեր կացաւ եկաւ մեր գեղը, մի բօստանի տեղ ուզեց մեր խալխիցը, նրանք էլ տըւին, թէ խեղճ մարդ է, թող իր համար մի բան սերմի, մի բան աշխատի, տանի եր օղլուշաղը պահի։ Քաշարօն դառաւ բատանչի. ամեն տեսակ կանաչեղէն ցանեց—լօբի, սիսեռ, սոխ, սխտոր, բակլա, դըթում, քալամ, կարտոփիլ, թամբաքու, մի խօւքով ինչ ասես—խիար, խարբուզակ, ձմեռուկ, ոսկ, գազար։ Կշին էլ մի դագա էր շինել էնտեղ էր կենում գիշեր ցերեկ։ Մէկ էրկու տարի անցկացաւ մի քանի շահի աշխատեյ, մեր տէրտէրի հետ ընկեր դառաւ, ու նրա հետ բօստանը չափարեց բաղ շինեց, կշտի էլ մի ջաղաց։ Մէկ էրկու տարի էլ անցկացաւ, տէրտէրը մեռաւ, բաղն էլ ջաղացն էլ մնաց Քաշարօին։ Էսպէս քաշ տըւաւ մինչև տասը

տարին լրացաւ. տասը տարուց յետոյ գնաց մի թաւադի փող տըւաւ, նրա ազգական գըրւեց, գառաւ թաւադ, յետոյ եկաւ բաղն ու ջաղացն էլ հաստատեց վրան, մի երկու հարիւր օրավար էլ ուրիշ տեղ խլեց մեղանից, թէ էս էլ է իմը։ Մի սիրուն էլ հարսն ունէր, ինքը բացերես և լեզւանի, միշտ մօղրովների ու նաչալնիկների հետն էր ժամանակ անցկացնում, նրանց հետ սարերումն ու ձորերումը քէփ քաշում, էլ ովկարող էր նրան մի բան ասել։ Շատ էլ գանգատ արինք, արզա տըւինք, կոփւ էլ արինք, թակեցինք գուս արինք, տունք, ջաղացը քանդեցինք, բայց պատիժն էլ քաշեցինք. ոչինչ չըկարացինք անել, մեր խօսքն անց չի կացաւ ոչ մի տեղ։

Դիփարօվն էլ Քաշարօի նման արաւ։ Նա էլ խեղճ ճօն էր՝ փափախչի։ Եկաւ մեր գեղի մօտ, Քափանաքչի մի թուրք բէգի հետ մի ջաղաց ու բօստան շինեց, էդտեղ համ ճօնութիւն էր անում, համ ջաղացպանութիւն։ Լաւ փող աշխատեց մէկ տղին լաւ ուսում տըւաւ։ Տղան էնպէս մի ղուլլուղի մէջ մտաւ, էնպէս մի նաչալնիկ ունեցաւ, որ խօսքն ամեն տեղ անց էր կենում։ Սա վէճ բաց արաւ գեղացոց հետ, վերջը բոլոր գեղը

—Ամմէն, ամմէն, ձայն տըւին ամեն
կողմից...

• ♡ •

Սղբիւրի սառը ջուրը ոչ միայն չըլաւա-
ցրեց Հերիքնազին, այլ և աւելի սաստկացրեց
նրա տկարութիւնը. բոլորովին տաքութեան
փոխելով՝ ձգեց անկողնի մէջ:

Նամիրը երբ որ քաշւեց դէպի դագէն,
այդ ժամանակ Հերիքնազը սաստիկ տաքու-
թեան մէջ դեխն էր տալիս և վերմակը վրա-
լից շըպտում: Մարիամը կշին նստել էր
տխուր ու տրտում և ծածկում էր, ծածկում
էր Հերիքնազին, որ չըմրսէ: Նամիրը ներս
մտաւ և լուռ ու մունջ հրացանն առաւ,
դուրս գնաց:

Այս վերջին օրերը Մարիամը բաւական
փոխել էր և սկսել էր սէր ցոլց տալ մար-
դին. Հետը խօսում, ծիծաղում էր, հանաք-
ներ էր անում, ոտ ու գլուխը շուտ շուտ
լրւանում: Զորս ամիս էր, որ Մարիամը յղի
էր և երեխան արդէն սկսել էր փորումը պըր-
պըրտալ և ուրախացնել մօրը: Մարիամի քաղցը
վարմունքն ու յարաբերութիւնը բաւական

դաւթեց, հիմի իրանն է թէ գեղը, թէ նրա
էրկու հազար դեսետին ջրովի հողը: Հիմի
մեր թուրքերը կիսովի են վարում նրա հա-
մար, խոտահարկն էլ ջոկ են տալիս. տներիցն
էլ ջոկ են հարկ տալիս, թագաւորի խարջն
էլ ջոկ են քաշում, խեղճերն աղքատութիւ-
նից քաղցած կոտորւում են. գողութիւնով
են ապրում, ուրիշ ապրուստ չունին: Ուրիշ
տեղ էլ չեն ճարում, որ էդտեղից դուրս գան
հեռանան:

—Սարգիս բիձա, մէկ անգամ ասա մեր
աշխարհն անտէր է, ու պըծիր. էլ ի՞նչ ես
գլուխըդ յաւեցնում, ասեց Պետրոս բիձան,
որ քեօխւի բոլոր պատմածների ականատես
էր և մասնակից:

—Յնտէր որ ըլի, էլի լաւ է, շների ու
գէլերի ձեռքին է: Իմ խօսքը մեր ճաղար
շան մասին էր, ես հեռու գնացի: Էլ մի
թաւագ չըկայ, որ նրա համար վկայութիւն
չը լինի տըւած. թէ մեր գեղի, թէ մեր
հարեան գեղերի բոլոր թաւագների հա-
մար էլ դա սուտ երգում է կերել, սուտ վը-
կայութիւն տըւել. մեր գեղը դա է քանդել...
—Դէ ի՞նչ անենք, Սստած էլ դրա տու-
նը քանդի...

կակղացը էր Շամիրին, և նա սկսել էր մեղմացնել իր կասկածները, բայց այժմ, երբ լսեց նրա գիշերալին լարաբերութիւնը Արդումանի հետ, նրա քաղցր վարմունքը բոլորովին ուրիշ կերպարանք ստացաւ իր աչքումը:

«Ո՞... ես հիմի ամեն բան իմացայ: Իմ ինիկը ինձ ատեց, ուրիշին ձեռք բերաւ, բայց այդ բանն ինձանից ծածկելու համար, երևի սիրողի խորհրդով, սկսեց սէր ցոյց տալով ինձ քնացնել: Ես էլ ասում եմ, հիմա բախտաւոր եմ, կնիկս ինձ շատ է սիրում, վաղը միւս օրը զաւակի տէր կըդառնամ, նա ինձ «Հայր» կասէ, ես էլ նրան իմ որդիս կըհամարեմ... Ախմախ, ախմախ Շամիր, մի անուն ունէիր խալսի մէջ, էլ ուրիշ ոչինչ. էլ այսուհետեւ ինչո՞ւ համար ես ապրում, երբ որ էդ անունը ցեխի մէջ ընկաւ»: Ալսպէս ինքնիրան փնթփլնթալով՝ բաւական հեռացաւ Շամիրը և անլայտացաւ անտառի խորքումը:

Ամբողջ երեք օր չերեաց Շամիրը: Մարիամը կարծում էր, թէ կամ արան կըլինի գնացած, կամ որսի, այս պատճառով մի առանձին կասկած և մտատանջութիւն չունէր այդ մասին: Արզումանը օդուտ քաղելով անտառի խոռութիւնից ամեն գիշեր գալիս էր

նշանակած տեղը, ուր տեսնում էր նրան Մարիամը և Նէրիքնազի առողջութեան մասին տեղեկութիւն հաղորդում:

I.

Մի ամպոտ և մութ երեկոյ էր: Մարիամը կովերը կթելուց յետոյ երկու փափուկ հաց, մի քանի կտոր պանիր մի աղլուխի մէջ կապեց ու ճանապարհ ընկաւ գէպի ջուխտակ աճարքին: Ճանապարհին նրա գէմը ելաւ Շամիրը: Մարիամը մարդուն տեսաւ թէ չէ՝ տեղնուտեղը մեխւեց:

—Ուր, առաջ բարի, հարցրեց Շամիրը հեղնելով:

Մարիամն այնպէս շփոթւեց, որ ոչ մի պատճառ չըկարաց հնարել, իսկ ճշմարիտն էլ վախեցաւ խոստովանել:

—Քեզ եմ հարցնում, այ կնիկ, ուր ես գնում էս կէս գիշերին քոլէքոլ ընկած, պընդեց Շամիրը սպառնողական ձախով:

Պատասխան չը կալ:

—Նիրողիդ մօտն ես գնում, էնպէս չի, արի ես քեզ կըտանեմ նրա մօտ: Այս ասելով Մարիամի ձեռքից բռնեց և քաշ տալով՝ տա-

բաւ անտառի խորքը: Մարիամն ամօթուց աղաղակ չը բարձրացրեց, որ մարդ չիմանալ, բայց ընկաւ Շամիրի ոտները և սկսեց աղի արտասուքով թաց անել:

—Դու ուրիշ բան մի մտածիր, Շամիր ջան, Աստւած, Երկինք, ծով, ցամաք, ես անմեղ եմ:

—Տեսնում եմ, տեսնում, այ լիրը, աներես, ես քոռ չեմ. դու որ անմեղ ես, էլ ով է մեղաւորը: Կէս գիշերին Արզումանի հետ ինչ գործ ունեիր դու, ուր ես գնում հիմի, ում համար ես տանում էդ աղյուխը:

—Աստւած, Երկինք, Շամիր ջան, ես անմեղ եմ, ինչ որ լսել ես, յետոյ կիմանաս դրա պատճառը. հիմի ինձ հաւատա, Աստըծուն հաւատա, ես անմեղ եմ:

Մարիամը կարծում էր, թէ իր երդումով մարդի մտքի մէջ մի Երկմտութիւն կը ձգի, ժամանակ կը վաստակի արդարանալու համար և մահից կազատուի. բայց անգութ Շամիրի հոգին սեացել էր, խիղճը քարացել, աչքերն արնով լցւել, ջանը դող ընկել, ականջները խլացել. նա Մարիամին այս ըոսէիս համարում էր իր որսերից մինը, որի քամակին օրերով ման է գալիս, և տեսնելուն պէս՝ գետին տապալում հրացանի գնդակով: Մարիա-

մը, որ նրա ոտներն ընկած, աղիողորմ արտասուք էր թափում, և ամեն սուրբի, ամեն խաչի և աւետարանի անունով երդուում, մէկ էլլսեց յանկարծ.—«Հոգիդ տուր, դանջը... Մարիամն սկսեց երեսը խաչակնքել ինչպէս անմեղ նահատակ և աչքերը դէպի երկինք ձգել, բայց դեռ խաչի նշանը ամբողջութեամբ չէր գըոշել կուրծքին, յանկարծ կծկւեց Շամիրի ոտքի տակին: Եղեռնագործը մի աքացիով անշընչացրեց այն անմեղ, այն միամիտ, այն սուրբ Մարիամին, որ իր կեանքի մէջ ամուսնական ուխտի գէմ մի ցնորք անդամ իր մըտքիցը չէր անցկացրել:

Խեզ կանալք, արդեօք զգում էք դուքք ձեր գերութիւնը, ձեր ստրկութիւնը: Ի հարկէ, ո՞չ Կարծում էք թէ այդ է ձեր վիճակն ու ճակատագիրը, որ դուք պիտի գառը լինիք, իսկ ձեր մարդիկը՝ գալլ: Մարդիկն էլ կարծում են, որ իրաւունք ունին ձեր կեանքի վրայ, մոռանալով՝ որ ինչպէս կեանք տալ կարելի չէ, և ոչ առնել կարելի է:

Եղեռնագործը տեսաւ որ իր զոհի շնչառութիւնը ալլ ևս չի լսւում, մի ժամի չափ մնաց քարացած: Յետոյ չարագործութիւնը ծածկելու համար, իր հայրենաւանդ բարբարոսական հնարքը գործ դրաւ: Արձակեց ան-

մեղ նահատակի գօտին և սնուր շինելով՝ գըցեց շլինքը և կախեց մի ծառի ճղնից, որ այնպէս կարծւի, թէ ինքն իրան է կախել...

❖

Շամիրն իր չարագործութիւնից լետոյ վերադարձաւ դագէքը: Հարբած մարդու պէս այս և այն կողմն էր ընկնում, ճանապարհը կորցնում: Իէս գիշերին հազիւ կարողացաւ տեղ հասնել:

Հերիքնազը թէեւ պառկած էր, բայց անհամբեր սպասում էր Մարիամի վերադարձին և սաստիկ վարանման մէջ էր նրա ուշանալու համար:

— Ախչի, ուր է քոյրըդ, հարցըց Շամիրը Հերիքնազին:

— Զը գիտեմ, դուրսը կըմնի, հիմի կըդար:

Մի ժամի չափ անցաւ որա վրայ, Մարիամը չերեւալ:

— Ախչի, ուր է քոյրըդ, կրկնեց Շամիրը բարկութեամբ:

— Ես ի՞նչ գիտեմ, ուր է, ասեց Հերիք-

նազը նոյնպէս բարկանալով, և իսկոյն վերկացաւ տեղիցը՝ կարծես մի չարագուշակ ազդմունքից գրգռելով:

Շամիրն սկսեց հարևաներին զարթեցնել, իմաց տալով որ Մարիամը կորել է, ման են գալիս, չեն գտնում:

Հարևանները զարթնեցին և ամենքն էլ սկսեցին այս և այն կողմն ընկնել, կանչել, բղաւել անունը տալով՝ բայց ոչ մի տեղից ձայն ըլլուեց: Հերիքնազն այնքան ուժ չունէր, որ կանչէր, բայց ամենից լաւ նա էր իմանում, թէ որ կողմ կըլինի գնացած, և այնպէս էլ գնաց, բայց սաստիկ մութը լինելով՝ ոչինչ չէր տեսնում: Շատ փնտրեց, ոչինչ չըգտաւ, և սաստիկ լոգնելով, մէկ տեղ վալը ընկաւ թուլացած, տիսուր և տրտում: Զէր իմանում, թէ ինչպէս մեկնէ Մարիամի այս անակնկալ անլայտանալը: Այսպէս յուսահատ գրութեան մէջ էր, յանկարծ մի օտքի ձայն լսեց:

— Եղ ով ես, Մարիամ, դու ես, լալով կանչեց Հերիքնազը:

Սրգումանն էր նոյն տեղը պըտըտուզը: Սա լսելով Հերիքնազի ձայնը, իսկոյն մօտեցաւ և հարցըց:

— Ախչի, ի՞նչ ես շինում էստեղ:

— ԱՇԽ, Արգուման, դու Ես: ՄԵՐ Մարիամը կորել է, ման ենք գալիս, չենք գըտնում, դու չես տեսել. նա կարծեմ քեզ մօտ պիտի գար, թէպէտ ինձ ոչինչ չասեց:

— Ի՞նչ ես ասում, ուր է կորել. նա էրեխալ հօ չի: Ես նորան էի մնում էստեղ, շատ սպասեցի, չերեաց. իմ քունս էլ տարաւ, նոր գարթեցի, ուզում էի գալ ձեզ մօտ: Զի կորչիլ, մի վախիր: Դու բնչպէս ես, դու լաւացել ես, թէ չէ:

— Ե՞ս, ես լաւ եմ... ախ, կռնիցս բռնիր, վեր կենամ, շատ եմ բեզարել: Ով գիտէ՝ քեզ նման նրա քունն էլ է տարել, հիմի լուսը կըբացուի, կերեալ, չեմ կարում ձեն տամ, էլ չան ըլկայ:

— Հէրիքնազ ջան, դու հիւանդ ես, ինձ խարում ես, թէ՝ լաւ եմ:

— ԱՇԽ, չէ, չէ, ես լաւ եմ, կըլաւանամ, հաւատա՛... Նստենք էստեղ: Ես չեմ կարում ման գալ: Իմանում ես, խօսելու ձեն է գալիս. գիփ էլ Մարիամին են ման գալիս: Գնա՛, գնա՛, քեզ չըտեսնեն: Տուր ինձ ձեռքըդ. ինձ համար դարդ չանես, Արգուման ջան: Այս ասելով Հէրիքնազը համբուրեց Արգումանի ձեռքը:

Արգումանն այնպէս շփոթւեց, որ չիմա-

ցաւ ինչ խօսի: Մնաց ապուշ կանդնած ինչպէս փէտացած, մինչև բաւական մօտեցան խօսողները, երբ Հէրիքնազի ստիպելովը հազիւ կարողացաւ անջատւել նրանից և հեռանալ:

ԹՅ

Երբ որ հարեւաններն այս ու այն կողմ տարածւեցին, Նամիրն էլ գնաց իբր թէ նոյնպէս փնտրելու: Սրա հետ գնաց և մեզ ծանօթ Խաչատուրը:

— Ախքէր, շատ բան էնք լսել, բայց կնկայ կորչիլ չէինք լսել, եարաբ ուր պիտի լինի գնացած, ասաց Խաչատուրը:

— Խաչատուր, մի կնիկ, որ մտքումը ծուռ բան գնի, ոտքը թեթեացնի, ուր ասե՛ կերթալ, ուր ասե՞՝ կըկորչի:

— Ինչք ես էղպէս ասում, Նամիր. դու քու կնկանը չես հաւատում: Նա որ ծուռ մտքանի կնիկ լինէր, քեզանից առաջ մենք կիմանալինք. Էղպէս բանը կնկայ մարդն էնպէս շուտ չի կարող իմանալ, ինչպէս ուրիշները կիմանան:

— Ուրիշները միթէ չեն խօսում իմ կըն-

կայ վրայ. Են օրը դու չըլսեցիր, որ ասում
էին կէս գիշերին տեսել են Սրգումանի կըշ-
տին... Ես էլի շատ բան եմ ինքս իմ աչքովս
տեսել. ես հաստատ գիտեմ, որ նա վատ բանի է:

— Շամիր, էն օրը ես էլ լսեցի, ինչ որ
ասեցին. Ես էլի շատ բան լսեցի, բայց դու
չըմնացիր, որ ինքդ էլ լսես. սատանան սիր-
տրդ կրակ գցեց, վեր կացար որ գնաս հանդ-
ցնես: Դէ Հիմի ինձ լսիր, տես քեզ ինչ եմ
ասում: Ես վաղուց մտքումս դրել էի, որ քեզ
հետ խօսեմ, բայց ոչ մի անգամ հանդումը
չեկաւ: Հիմի լաւ պատահեցանք, պէտք է ի-
մաց տամ քեզ ամեն բան: Խալին մարդու աչ-
քը խօռ կըլինի, Շամիր, դու շատ բան ես
վարաւուրդ արել, բայց դիվ էլ ծուռ ես հաս-
կացել: Հիմի ինձ ականջ գիր, տես սուտ եմ
ասում թէ ըղորդ: Սրգումանը քանի որ էդ
փորձանքին չէր հանդիպել մտքումը դրել էր,
որ գալ քեզ իննքը, որ Հէրիքնազին իրան
տաս: Հէրիքնազն ու Սրգումանը սիրում են
մէկ մէկու, էդ սաղ աշխարհքին յալտնի է:
Մի գիշեր՝ դու քաղաք գնացած ժամանակ՝
նա իմ կշտիցս գնաց ձեր տուն: Գնացել էր
Մարիամից ու Հէրիքնազից խօսք առել, էգսի
օրը պիտի օրինաւոր նշան ուղարկէր քեզ մօտ-
նշանն էր հաղըել էր. էդ փորձանքը որ պա-

հեց, ամեն բան խափանւեց: Հիմի Մարիամն,
ինչպէս ասի քեզ, խօսք է տըւել. առանց
քեզ տուն է թողել: Նա ի՞նչ գիտէր, թէ բա-
նըն էդպէս կրգայ: Դու քու հօ չես, չես
տեսնում, որ Հէրիքնազը մարդի չի գնում:
Ի՞նչի չի գնում, կարող ես ասել: Նրա համար չի
գնում, որ Սրգումանիցը ձեռք չի ուզում վերց-
նել. ասում է «ուր որ նա կըլինի, ես էլ էնտեղ
կըլինիմ»: Հէնց լաւն էլ էն է, որ դու զուր
տեղը վատամարդի ըրդառնաս, հէնց քու ձեռ-
քով վերցնես տաս իրան, թող ուր ուզում է
տանի, քան թէ պիտի քեղանից թաքուն
փախցնի: Սրգումանը Հիմի էստեղարէնք որ
պտըտում է, Հէրիքնազի համար է պտըտում:
բայց դու էնպէս ես կարծում, թէ քու կնկայ
համար է: Դու քու կնկանը լաւ չես ճանա-
չում, Շամիր, նրա պատիւը չես իմանում, նրա
լաւութիւնը չես տեսնում: Ո՞վ կայ մեր գե-
ղումը դրա պէս հալալ ծծկէր, դրա պէս ա-
մօթով, աբուռով, դրա պէս սուրբ սրտի տէր,
դրա պէս անմեղ, անարատ:

Խաչատուրը չէր նկատում, որ իր խօս-
քերը մի մի նետի պէս ցըցւում էին Շամիրի
սրտումը, որովհետեւ չըգիտէր, որ բանը բա-
նից անց էր կացել: Շամիրի լեզուն կապւել
էր՝ չէր կարողանում խօսել. մտքումն էր ա-

սում միայն, թէ՝ անիրամւ, էդ որ գիտէիր,
ինչք վաղ չէիր ասում ինձ: Նրա ոտները թու-
լացել էին, քիչ էր մնում, վայր ընկնի: Մի
կերպ Խաչառուրի ետևից քարշ գալով առաջ
գնացին և ինչ տեսնես յանկարծ... Երկու քոյր,
մինը կախւած, միւսը նրա ոտների տակ ան-
շընչայած...

Երբ որ Արզումանը հեռացաւ, Հէրիք-
նազը գոռով վեր կայաւ տեղիցը և սկսեց այս
ու այն կողմ թափառել: Լուսն ու մութը
սկսեցին իրարից բաժանուիլ թէ չէ՝ Հէրիքնա-
զի տչքումը մի բան երևաց. մինչեւ նրա խել-
քըն այս մասին մի հաշիւ կըտար, ահն ու
կոկիծն իրար խառնուելով կայծակնահար ա-
րին նրան: Հէրիքնազը տեղն ու տեղը վայր
ընկաւ, այլ ևս չըկարողացաւ գըգւել իր մի-
ակ սիրելի քրոջ սուրբ մարմինը:

❖♦❖

Շամիրը, անխելք ու անտաշ Շամիրը,
երբ որ լուսով տեսաւ իր գիշերալին եղեռնա-
գործութեան պատկերը, երբ որ բացւեց նրա
մտքի ու խղճի աչքը, երբ տեսաւ որ կըկնա-

պատւել է իր չարագործութիւնը—ինքը մէ-
կին է սպանել, բայց այստեղ երկուսն են ըն-
կած,—մի սարսափելի, մի կատաղի գոռում,
գոչում բարձրացրեց, գլուխը ծառերին զար-
կեց, ամբողջ մարմնով գետնէգետին զարկւեց
այսահարւածի նման: Նրա աչքերումն արտա-
սուք չըկար, գլխի մազերը գջըլտում եր և
կարծես ցաւի զգացումը կորցրել էր: Մարդիկ
ժողովւցին շուտով և ուզեցին նրան կապո-
տել, որ ինքնասպանութիւն չըգործէ, բայց
նա իրան բռնել ուզողների ձեռները կծոտեց,
դուրս փախաւ ինչպէս մի վայրենի գազան և
ընկաւ ձորերը: Մարդիկ վազեցին ետևից, բայց
հասնել չըկարողացան: Նա մի ահազին քա-
րաժայուից անդունդ գլուխեց, ուր և գտաւ իր
դժոխքը: Նրան հէնց ալդտեղ էլ թաղեցին:

Հէրիքնազի և Մարիամի համար «Երկու-
հոգիս» անւանւած կաղնի ծառի տակը փորեցին
և երկոքին քոյրերին մի գերեզմանում դըին
իրանց շորերովը: Ասողներ եղան, թէ հարկա-
ւոր է գիւղից քահանայ կանչել, բայց ծերե-
րը թուլ չըտըւին, ասելով—անհաղորդ էլած-
ներին, խեղդւածներին, իրանք իրանց սպա-
նածներին տէրտէրով չեն թաղիլ: Երա համար
ոչ մի աղօթք չասւեց նրանց վրայ, ոչ մի հո-
գեհանգիստ չըկատարւեց նրանց համար:

Այս անսովոր և սարսափելի դեպքի լու-
րը շուտով տարածւեց ամենայն տեղ, բայց
ում սիրտն այնքան կըկսկծար, որքան Արզու-
մանինը: Արզումանը եկաւ աշկարա, օրը ցե-
րեկով, չոքեց նորաթաղ գերեզմանի վրայ և
իր ուզածի չափ արտասեց: Բայց այդ արտա-
սուքը չըթեթևացրեց նրա սրտի կոկիծը: Նա
զգում էր, որ իր պատճառով են զոհւել այս
անմեղ գառնուկները. և այդ զգացումը նրան
մղում էր, որ լետ չըմնայ իր սիրելիներից,
շուտով հասնի Հերիքնազի ետևից և հոգւով
միանալ նրա հետ: Եւ այդպէս էլ արաւ:
Ինքն իրան սպանող երիտասարդը, որի մասին
պատմեցինք առաջի գլխումը, այս Արզումանն
էր: Նա եկաւ Շա գիւղի քահանալին խնդրեց,
որ երթայ այն անմեղ զոհերի գերեզմանի
վրայ թաղման կարգ կատարէ, և իրան էլ հա-
ղորդէ: Քահանան յանձնառու չեղաւ, ասելով,
որ նրանք իր ժողովուրդը չեն. իրան էլ չը
հաղորդեց, պատւիրելով որ գնայ իր քա-
հանալիցը հաղորդւի, բայց երբ հրացանի ձայ-
նի վրայ գիւղացիք հաւաքւեցին և Արզումա-
նին մերձ ի մահ գտան, քահանան էլ իսկոյն
եկաւ և հաղորդեց: Շա գիւղացիք լաւ էին
ճանաչում Արզումանին, ամենքն էլ ցաւելով

հարցնում էին, թէ ինչն ստիպեց քեզ ալդ-
պէս յուսահատւել:

— Ո՞հ, թողէք ինձ հանգիստ, Աստւած
սիրէք, իմ ցաւն ինձ բաւական է: Աշխարհիս
մարդիկը շատ անգութ են. միայն մեռնելուց
յետոյ են ափսոսում մարդու: Ասաց Արզումա-
նը և անմահ հոգին ուղարկեց Անմահին:

Շա գիւղացիք մի սայլի մէջ գըին Ար-
զումանի մարմինը և տարան իր պապական
գերեզմանատունը:

ՎԵՐՃ

ՅԱՅՈՒԹՅՈՒՆՆԵՐ

ԹԹՎԼՎԴԻ ԸՆԿԵՐՈՒԹԵԱՆ ՀԱՅԵՐԻՆ ԳԵՐ-
ՔԵՐԻ ՀԲԱՏԱՐԱԿՈՒԹԵԱՆ ԽՄՔԱԳՐԱԿԱՆ ՄԱՍԻՆԱ-
ԺՈՂՈՎԸ սրանով յայտաբարում է, որ տպագրու-
թեան համար ընդունվում են հետեւել բովան-
դակութեան ինքնուրոյն և թարգմանական գը-
րուածքներ.

1. Գեղարուեստական:
 2. Գիտնական. զուտ գիտնական գըր՝ բուծքներից կըտպագրուեն միայն այնպիսիները, որոնք վերաբերում են Հայոց կեանքի հետազօտութեան, իսկ դիտութեան միւս ճիւղերից միայն ժողովրդականացրած գրքեր:
 3. Դասագրքեր, նամանաւանդ ընդհաւնութեան, գրականութեան, ընդհանուր պատմութեան, Հայոց գրականութեան, բնական պատմութեան և Փիղիկայի ձեռնարկներ՝ կաղմած մեր թեմական դպրոցների համար:
 4. Մանկական ընթերցանութեան համար:
 5. Ներթեր մեր ժողովրդի կեանքի ուսումնասիրութեան վերաբերեալ (աւանդութիւններ, երգեր, սովորութիւններ և այլն):
 - Մանկամասն ծրագիր և թեմա:

գիր վերսիշեալ նիւթերի ժողովելու համար՝ կը-
տպագրուի յետոյ։ Ընկերութեանս խմբ։ մասնա-
ժողովը իրան է վերապահչում ներկայացրած նիւ-
թերից ընտրութիւն և քաղուածք անել, եթէ
ուղարկուը նախօրօք որոշ պայմաններ չե դնում։

Տպագրուած գրքերի համար վարձատրութիւն
տրվում է մի տպագրական թերթին՝ ինքնուրոյն
գրուածքների համար՝ 20—25 ռ., իսկ թարգ-
մանական գրուածքի համար՝ 15—20 ռուբրի:

Բացառիկ գեպքերում վարձատրութիւնը
կարող է և աւելի լինել խմբ։ մասնաժողովի
հյուեզողութեամբ։

Հայոց Тифлисъ, Правленію Тифлисскаго
Общества изданія армянскхъ книгъ.



- 18 Փնջիկ, գրեց Աղեքու. Աբարատեանց — 20
 19 Կամուս, վեպ, գրեց Շիրվանզադէ — 1 —
 20 Ստեփաննոսի Տարօնեցւոյ Ասողկան Պատ-
մութիւն տիեզերական. Երկորդ ապագ. 2 —
 21 Թիֆլեղեցոց մուաւոր կեանըլ, Գ. Տէր-
Աղեքամնդրեանի 1 —
 Նշնը ընտիր թղթի վերայ. 1 50
 22 Ղեռնդ պատմագիր 2 —
 23 Աբարագան պատմութիւն հին ուխտի, Սա-
հակ քահանայ Սահակեանի — 30
 24 Կոյնը ուսուցիչների համար 1 75
 25 Սոկրատէս, թարգմ. օր. Թ. Ստեփոյեան . . . — 10
 26 Պատմութիւն Հայոց Ս. Պալասանեանի . . . 1 50
 27 Ուղեցոյց գործնական շերամապահութեան,
Կ. Մելիք-Ծահնադարեանցի — 40
 28 Ժամանակադրութիւն Հայոց, Յ. Գարդելի. 1 25
 29 Վարդ-Ռէսլի, Սպիրի. թարգմ. Ի. Յ. . . — 10
 30 Նալ եւ Գամայեանթի. Գ. Շիլդտի. թարգ.
Յ. Լալայեանցի 20
 31 Աստուած գիտէ արդարն ու մեղաւորը, Կոմն
Լ. Տոլստոյի, թարգմանութիւն Մ. Ա. . . — 7
 32 Հաւատարիմ Սավիտրին. Վայլաներ, թարգ.
Փ. Վարդանեանի 10
 33 Լինհարդ եւ Գերտրուդ, Հենրիի Պեստա-
լոցի. թարգմանութիւն — 25
 34 Յաւելուած ի գիրու պատմութեան Ստե-
փաննոսի Տարօնեցւոյ Ասողիկ կոչեցելոյ.
Նորայր Բիւզանդացի. — 20
 35 Նակի փոքրաւորը. Մ. Ռուզենհայնի. թարգ-
մանութիւն Յ. Լալայեանի. — 15
 36 Ուռենց Յավաէփ, Ե. Սպիրի. թարգմ. Ի. Յ. . . — 15
 37 Մեծապատիւ մուլացկաները, Յ. Պարոնեանի — 40
 38 Ազգային ջոջեր. Յ. Պարոնեանի 1 —
 39 Բը-ա-բա, Կ. Օժէշկյի — 25
 40 Ծնիկ, Կուլիկովյի — 5
 41 Ծէդրինի երեք զրոյներ — 10
 42 Տարակոնցի Տարտարէնը — 40

43	Օրէւանի կոյս,	Օստրոգորսկու.	.	.	— 25	
44	Արարատսկու.	ինքնակենսաղբութիւնը	.	.	— 75	
45	Գաղափարական	բահանայ,	Պօտապէնկոյի	.	— 75	
46	Ընտանիքի	յոյսը,	Աննենսկայի,	թարգմ.	օր.	
	Վ.	Տէր-Յովսէփեանի	.	.	— 10	
47	Հոսհոսի	ձեռատեարը,	Յ.	Պարոնեանի	.	1 —
48	Քիմիա	Բուկոյի,	թարգմ.	Ա.	ՄԵԼԻՔ-ԱՄԱՀ-	
	վերդեան	.	.	.	— 40	
49	Ծչեդրինի	երեք	վէպիկ,	թարգմ.	Մ.	
	զարեանց	.	.	.	— 15	
50	Սասմայ	ծռեր,	զրեց	Գարեգին	սարկաւագ.	— 50
51	Զաւախիքի	բուրմունը,	Ե.	Լալայեանցի	.	— 25
52	Գաստիարակութիւն	մտաւոր,	բարյական	և		
	Փեղիքական,	Սպէնոնը,	թարգմ.	Մ.		
	զարեանցի	.	.	.	— 1 —	
53	Մրուան,	Օ. Ի.	Ծմիդտ,	թարգմ.	Քալանթար.	— 25
54	Խան-Միրան	— 20
55	Տարաս-Բուլբա	— 40
56	Փշրանքներ,	Գ.	սարկ,	Յովսէփեան (մամ: տ.)	.	— —
57	Երկու	բոյր,	Դ.	Ալայեանցի	.	— 25

Նոյնական վաճառվում են և անու թակութեան հետեւալ գործերը.

1	Ուսումնարանների	առողջապահութեան հար-					
	ցեր,	բժ.	Ա.	Բարայեանի	.	.	— 1 —
2	Կըրեր	եւ նոցա աղդեցութիւնը	առողջու-				
		թեան վրայ,	բժ.	Ա.	Բարայեանի.	.	— 30
3	Բոնի	միութիւն Հայոց Լէ հաստանի.	.	.	— 2 —		

ՀՀ Ազգային գրադարան



NL0167415

